

МЪЗГИНИЙА ЛЬ ГОРА МЭТТА

Пешготын

Ль гора р'езкърна к'ьтебед Пэймана^ф Ну, «Мъзгинийа^ф Иса^ф Мәсиһ^ф ль гора Мэтта» к'ьтеба пешын (э'wльн) э. Бь фькьра занә эва к'ьтеба сәдсалийа пешында ль Энтакйайе һатийә нъвисаре. Жь һынгеда һ'эта ньһа эва к'ьтеба буйә ч'э'вканик бона ван мәррьвед^ф кө дьхвазын р'астийа Хwәде нас кьн, ава готи Иса Мәсиһ. Ль гора шә'дәтийа шьвина^ф сәдсалийа дөдада, хөдане ве к'ьтебе Мэттайе шанди^ф буйә, йе кө һе бәри р'астһатьна Иса хәршгьр^ф бу, кө жер'а «Левий^ф» жи дьготын (Марқос 2:14; Луқа 5:27).

Эва к'ьтеба мъзгинийа ве йәке дьдә, кө Иса йә Хьлазкьр^ф у П'адшайе жь Хwәдеда создайи. Эва мъзгинийа дьбежә, кө Иса нә т'әне Хьлазкьре мьләте шьһуйа^ф йә, ле йе мьләтед т'әмамийа дьнийәйе йә жи.

Мъзгинийа Мэтта жь һәр се Мъзгинийед майин зедәтър бә'са Пэймана^ф Кәвн дькә, чьмки мәрәме ве к'ьтебе эв ә, wәки избат кә, кө Иса һәма хут Хwәха йә әв Хьлазкьре создайи у бь ви авайи нъвисаред шьһуйайә пироз^ф (ава готи нъвисаред Пэймана Кәвн) һатьнә сери. Мэтта к'ьтеба хwәда жь чьл щара зедәтър бә'са ван нъвисаред Пэймана Кәвн дькә. Жь ван шийа гәләк аһа нъвисар ын: «Эв йәк аһа қәwьми, кө әв готьна Хөданә^ф бь заре^ф п'ехәмбәр^ф һатьбу готьне бе сери...» (1:22; 2:15, 17-18, 23; 4:14-16; 8:17; 12:17-21 у йед майин). Öса жи Мэтта гәләк щара дьнъвисә, кө Иса чава «Көр'е^ф Давьд» те һ'әсабе, чьмки Мәсиһе создайи we жь р'ьк'ьнийата^ф Давьд^ф п'адша бьһата (1:1, 20; 9:27; 12:23; 15:22; 20:30-31; 21:9, 15; 22:41-45).

Эв Мъзгини жь һәрсекед майин бь ви авайи жи бәрч'ә'в дьбә, кө дәwса наве «Хwәде» гәләк щара хәбәра «Ә'зман» һатийә хәбате,

сэбэб эв бу кӧ шьһуа нэдьхвэстын һэр гав наве Хвэде банина сэр заре хвэ, чьмки пироз э, лэма жи Мэтта дурва дьһат. Мэсэ-лэ, дэвса «П’адшатийа^ф Хвэде» 33 шара «П’адшатийа^ф Э’змана» ньвисар э, ле «П’адшатийа Хвэде» т’эне пенщ шара ньвисар э.

Ньвиск’аре к’ьтебе сэрһатийа Иса бь һур-гъли дньвисэ. Эв жь р’ьк’ьнийат у буйина Исада дэстпедькэ, паше дньвисэ Эв чава пе аве те ньхӧмандьне^ф (ьматкьрьне), те шер’ьбандьне^ф, паше дэрһэца кьред Вийэ Щэлиледа^ф дньвисэ, чава даннасин кьр, һин кьр у нэхвэш қэнщ кьрын. Паше дньвисэ кӧ Эв чава жь Щэлиле те Оршэлиме^ф, р’ожед һ’эфтийа Хвэйэ хьлазийе ль вьр чава дэрбаз дькэ у чава һатэ хачкьрьне^ф у жь мьрьне р’абу.

Мьзгинийа Мэттада Иса чава дэрсдарэки^ф мэзын к’ьфш дьбэ, йе кӧ һ’ӧкӧме Ви һэйэ Қануна^ф Муса^ф шьровэкэ у бона П’адшатийа Хвэде даннасин кэ. Ӧса жи дьдэ к’ьфше кӧ Эв вэк’иле Қануна Хвэде у пэйманейи амьн э, кӧ мэрэме Хвэде дьқэдинэ у тинэ сери. Мьзгинийа Мэттада һинкьрьнед Иса п’ар-п’ар дийар дьбьн у эв п’ар бь ве р’езкьрьне бэрч’э’в дьбьн:

1. Даннасинийа сэре ч’ийе бэр мэрьвайе вэдькэ, кӧ зар’ед П’адшатийа Хвэде чьқаси хвэзыли нэ у гэрэке р’абун-р’уныштын, борщ у жийина хвэда жи чава бьн (сэре 5-а һ’эта 7-а).
2. Т’эмийед бона шагьрта^ф, вэки қӧльхе шандитийа хвэда чава П’адшатийа Хвэде даннасин кьн (сэре 10-а).
3. Сӧр’а П’адшатийа Хвэде у һ’эфт мэсэлэ (13-а).
4. Ль сэр ве дьне зар’ед П’адшатийа Хвэде, ава готи бавэрмөндөд Иса Мэсиһ гэрэке һьндава һэвда чава бьн (сэре 18-а).
5. Һинкьрьнед ль сэр р’ожед ахьрийе у һатьна П’адшатийа Хвэде (сэре 24-а у 25-а).

Сэрэшэма фькьра к’ьтебе

Р’ьк’ьнийата Иса у буйина ви (1:1–2:23)

Қӧльхе Йуһ’әннайе^ф ньхӧмдар^ф (3:1-12)

Ньхӧмандьн у шер’ьбандьна Иса (3:13–4:11)

Даннасини у шьхӧлед Исайэ ль Щэлиледа (4:12–18:35)

Р’ийа Исайэ жь Щэлиле һ’эта Оршэлиме (19:1–20:34)

Һ'әфтийа Исайә хьлазийе ль Оршәлиме у дор-бәред веда
(21:1–27:66)

Р'абунa Иса жь мьрьне у шагьртава хөйабуна Ви (28:1-20)

Р'ьк'ьнийата Иса

(Луқа 3:23-38)

- 1** ¹Эв э р'әқәма р'ьк'ьнийата^ф Иса^ф Мәсиһ^ф, р'ьк'ьнийата Давьд^ф, р'ьк'ьнийата Бьраһим^ф:
- 2** Бьраһимр'а Ишақ^ф бу, Ишақр'а Ақуб^ф бу, Ақубр'а Щьһуда^ф у бьрава бун,
- 3** Щьһудар'а Перес у Зәра бун, (наве дийа ван Т'амар бу), Переср'а Һәсрун бу, Һәсрунр'а Р'ам* бу,
- 4** Р'амр'а Аминадав бу, Аминадавр'а Нәһшон бу, Нәһшонр'а Сәлмон бу,
- 5** Сәлмонр'а Боваз бу, (наве дийа ви Р'әхаб^ф бу), Бовазр'а Овед бу, (наве дийа ви Р'ут' бу), Оведр'а Йеша^ф бу
- 6** у Йешар'а Давьд п'адша бу.
- Давьд п'адшар'а Сълеман^ф бу, (дийа ви бәре к'олфә-та^ф Урийа бу),
- 7** Сълеманр'а Р'әһобовам бу, Р'әһобовамр'а Әбийа бу, Әбийар'а Асаф* бу,
- 8** Асафр'а Йеһошәфат бу, Йеһошәфатр'а Йорам бу, Йорамр'а Узийа бу,
- 9** Узийар'а Йотам бу, Йотамр'а Аһаз бу, Аһазр'а Һьзқийа бу,
- 10** Һьзқийар'а Мьнашә бу, Мьнашәр'а Амос бу, Амоср'а Йошийа бу
- 11** у Йошийар'а Йәхонийа у бьрава бун. Ви чахи щьмә'т сьргун^ф чу Бабилоне^ф.
- 12** Ле пәй сьргунчуйина Бабилонеда, жь Йәхонийар'а Шалтийел бу, Шалтийелр'а Зәрубабәл бу,
- 13** Зәрубабәлр'а Абийуд бу, Абийудр'а Елйақим бу, Елйақимр'а Азур бу,
- 14** Азурр'а Садоқ бу, Садоқр'а Ахин бу, Ахинр'а Елйуд бу,

* ^{1:3} Нав дәстньвисаред һьнәкада дәwsа «Р'ам» «Арам» һәйә.

* ^{1:7} Нав һьнәк дәстньвисарада дәwsа «Асаф» «Аса» һәйә.

- 15 Елйудр'а Елазар бу,
Елазарр'а Мэтан бу,
Мэтанр'а Ақуб бу,
16 Ақубр'а Усьв^ф бу, мере Мэр-
йэме^ф, йа кө Иса^ф жь we
wэльди, кө Мэсиһ^ф те
готъне.
17 Аwa жь Бьраһим һ'эта
Даьд чардәһ ньсьл^ф дәрбаз
бьбун, жь Даьд һ'эта сьр-
гунчуйина Бабилонеда чар-
дәһ ньсьл у жь сьргунчуйина
Бабилонеда һ'эта Мэсиһ диса
чардәһ ньсьл бун.

Буйина Иса

(Луца 2:1-7)

18 Буйина Иса Мэсиһ бь
ви тьһери бу. Мэрийэма дийа
Wi Усьвр'а нишанкьри бу, ле
дэргистийа хwэда Мэрийэм бь
һ'өкөме Р'өһ'е^ф Пироз һ'эмлэ
к'ьфш бу. 19 Ле Усьве дэргис-
тийе we кө мэрвэки^ф р'аст бу,
нэхwэст we р'ур'эш кә, фькьри
кө дьзива we бәр'дә. 20 Чахе
Усьв he сәр ve йэке дьфькь-
ри, ва мьляк'этэки^ф Хөдан^ф

хәwнеда wива хөйа бу у готе:
«Усьве көр'е Даьд! Нэтьрсә,
кө дэргистийа хwэ Мэрийэме
бьстини. Эwi кө we жь we
бьбә, әw жь Р'өһ'е Пироз ә.
21 Эwe көр'эки бинә у те наве
Wi Иса* дайни, чьмки Эwe
щьмә'та Хwэ жь гөнед wан
хьлаз^ф кә».

22 Эw һәр тьшт аһа қәwьми,
wәки әw готъна Хөданә бь заре^ф
п'ехәмбәр^ф бе сери кө дьбежә:
23 «Ва қиза бьк'ьр^ф we һ'эмлэ
бә, көр'эке жер'а бьбә у наве
Wi Иммануйел we дайньн»*,
кө те фә'мкьрьне: «Хwәде т'эви
мә йә»**.

24 Гава Усьв жь хәwe һ'ышйар
бу, әwi ль гора готъна мьляк-
к'эте Хөдан кьр, дэргистийа
хwэ станд. 25 Ле сәре хwэ wer'а
данәни, һ'эта кө әw көр'* жер'а
бу. У наве Wi Иса дани.

Стәйрнасед р'оһьлате

2 1 Гава Иса Бәйтләһ'ма^ф
Щьһустанеда^ф, р'ожед п'ад-
шатийа һеродәсда бу, һынге

* 1:21 «Иса» бь зьмане ибрани^ф аһа те фә'мкьрьне: «Хөдан хьлаз дькә»,
йан «хьлазкьр», йан жи «азабун».

* 1:23 Ишайа 7:14.

** 1:23 Ишайа 8:8, 10.

* 1:25 Нав һнәк дәстньвисарада «көр'е weйи ньхөри» һәйә.

чэнд стэйрнас жь р'оһьлате
 һатһнә Оршәлиме^ф 2 у готһн:
 «К'ане П'адше шьһуйайи^ф кә
 гәрәке бьбуйа? Мә стэйрка Ви
 ль р'оһьлате дит у әм һатһнә,
 кә сәре хвә ль бәр Ви дайһн».

3 Гава һеродәс п'адша әв йәк
 бьһист, т'әвиһәв бу у т'әмами-
 йа Оршәлиме жи пер'а. 4 Һынге
 әви һ'әму қанунзанед^ф шьмә'те
 у сәрәкед к'аһина^ф шьвандһн у
 жь ван пьрси: «К'идәре гәрә-
 ке Мәсиһ бьбә?» 5 Вана жер'а
 гот: «Бәйтләһ'ма Шьһустанеда,
 чьмки бь дәсте п'ехәмбәра аһа
 ньвисар ә:

6 «Йа Бәйтләһ'ма вәлате Шь-
 һуда,
 тә ль нав сәрверед Шьһуда-
 йеда нә йе һәри бьч'ук и,
 чьмки Сәрверәке жь тә
 р'абә,
 кә шьвантийе шьмә'та Мьн
 Израеле^ф бькә»*.

7 Һынге һеродәс дьзива гази
 стэйрнаса кьр у вәхте хөйабу-
 на стэйрке жь ван пе һ'әсийа.

8 Паше әв шандһнә Бәйтләһ'ме
 у гот: «Һәр'һн бона Көр'ьк ә'сә-
 йи пе бьһ'әсһн. Чахе кә һун Ви
 бьбинһн, мьнр'а бежһн, кә әз жи
 бем сәре хвә ль бәр дайһн».

9 Гава вана әв тьшт жь п'адше
 бьһист, чун. У ва йә әв стэйрка
 кә ль р'оһьлате дитьбун пешийа
 ван чу, һ'әта сәр ви шийе к'ө
 Көр'ьк ле бу сәкьни. 10 Гава
 вана әв стэйрк дит, гәләки
 әшқ у ша бун, 11 чунә һьндөр',
 Көр'ьк т'әви дийа Ви Мәрийәме
 дитһн, ль бәр Ви дәвәр'у чун,
 сәре хвә ль бәр данин у хьзнед
 хвә вәкьрһн, п'ешк'ешед^ф зер',
 бьхуре^ф ә'рәби у зьмьр^ф данә
 Ви. 12 Ле ван хәвһнеда ә'мьр
 станд, кә вәнәгәр'ьнә шәм
 һеродәс, әв иди р'екә дьһва
 чунә вәлате хвә.

Р'әва бәр бь Мьсьре^ф

13 Гава кә әв жь вьр чун, ва
 мьлйак'әтәки Хөдан хәвһнеда
 Усьвва хөйа бу у готе: «Р'абә
 Көр'ьк у дийа Ви һьлдә бьр'әвә
 Мьсьре^ф. Ль вьр бьминә һ'әта
 кә әз тәр'а бежһм, чьмки һе-
 родәсе Көр'ьк бьгәр'ә, кә Ви
 бькөжә».

14 Усьв жи р'абу Көр'ьк у дийа
 Ви һьлдан, шәв чунә Мьсьре
 15 у һ'әта мьрьна һеродәс әва-
 на ль вьр ман. Әв йәк аһа бу,
 кә әв готһна Хөданә бь заре
 п'ехәмбәр һатһбу готһне бе

* 2:6 Миха 5:2.

сери: «Мьн жь Мьсьре газиг Көр'е Хвэ кър»*.

Qьp'а зар'ока

16 Гава Һеродэс дит кө әв жь стәйрнаса һатә хапандьне, гәләки һерс к'әт. Әви ә'мьр кър кө һ'әму зар'окед көр'инә ль Бәйтләһ'ме у дор-бәре we, йед дө сали у жь ван бьч'уктър һәбун, кө бенә көштъне, ль гора ви wәхте кө жь стәйрнаса пе һ'әсия бу. 17 Һьнге әв готъна бь заре Йерәмийа^ф п'ехәмбәр һатә сери:

18 «Жь Р'амаје дәнгәк һат, дәнге гъри у шина гъран, Р'аһел бона зар'окед хвә дьгърия у нәдъхвәст кө бәр дьлада бен, чьмки иди зар'ок нәмабун»*.

Һатъна жь Мьсьре

19 Гава Һеродэс мьр, ва мьл-йак'әтәки Хөдан ль Мьсьре хәвнәда Усьвва хөйа бу²⁰ у готе: «Р'абә, Көр'ьк у дийа Ви һьлдә у һәр'ә wәлате Израеле, чьмки әвед пәй Көр'ьк к'әтъбун кө бькөштана мьрнә».

21 Усьв жи р'абу, Көр'ьк у дийа Ви һьлдән, вәгәр'ийанә wәлате Израеле. 22 Ле гава Усьв бьһист wәки Архелайо^ф дәвса баве хвә, Һеродэс сәр Щьһустане буйә п'адша, тьрсийа кө һәр'ә wьр. Һьнге хәвнәда ә'мьр станд, кө һәр'ә алийе qәза Щәлиле^ф. 23 Әв жи чунә бажаре кө жер'а Ньсрәт дьготън ле һевьрин. Әв йәк аһа бу, кө әв готъна бь заре п'ехәмбәра бе сери кө дьбежә: «Әве ньсрәти бе готъне».

Даннасинийа Йуһ'әннайе^ф ньхөмдар^ф

(Марқос 1:1-8; Луқа 3:1-18;
Йуһ'әнна 1:19-28)

З 1 Ван р'ожада Йуһ'әнна-йе^ф ньхөмдар^ф р'абу нава бәр'ийа^ф Щьһустане даннасин кър² у гот: «Жь гөнәкьрьне вәгәр'ьн^ф, чьмки П'адшатийа^ф Әзмана незик буйә». 3 Йуһ'әнна әв бу, бона к'ижани Ишайа^ф п'ехәмбәр готъбу:

«Дәнгәк бәр'ийеда дькә газиг

«Р'ийа Хөдан һазьр бькьн у шьвәр'ийед^ф Ви р'аст бь-кьн»*.

* 2:15 Һосейа 11:1.

* 2:18 Йерәмийа 31:15.

* 3:3 Ишайа 40:3.

⁴К’ынше Йуһ’энна жь пьр’ч’а дэве бу у қайишэкэ ч’эрм ль пыште бу. Хварьна ви жи көли^ф у һынгве чоле бу. ⁵Һынге шьмэ’та Оршэлиме ут’эмами-йа Шьһустане у һ’эму алийед ч’эме Урдөне дьһатьнэ шэм ви, ⁶гөнед хвэ дьданэ р’уйе хвэ у жь ви ч’эме Урдөнеда дьһатьнэ ньхөмандьне^ф.

⁷Гава Йуһ’энна дит кө жь ферьси^ф у садуқийа^ф жи гэлэк һатьнэ вэки бенэ ньхөмандьне, эви готэ ван: «Ч’ежькед^ф мэ’ра! К’е вэр’а гот, кө һун жь хэзэба те бьр’эвн?» ⁸Дэ бь кьред қәнш бьднэ к’ьфше, кө һун жь гөнэкьрне вэгэр’ийанэ. ⁹У нав хвэда нэфькьрн нэ-бежьн: «Бьраһим баве мэ йэ». Эз вэр’а дьбежьм, кө Хвэде жь ван кэвьра жи дькарэ зар’а Бьраһимр’а дэрхэ. ¹⁰Ва йэ бьвьр^ф ль сэр р’аве^ф даре йэ. Һэр дара кө бэре қәнш нэйнэ, ве бе бьр’ине у авитьне нава егьр. ¹¹Эз вэ бона гөнэвэгэр’андьне бь аве дньхөминьм, ле Йэки жь мьн қэваттьр ве бе. Эз нэ һежа мэ чарьхе Ви жи бьгьрмэ дэсте хвэ. Эве вэ пе Р’өһ’е Пироз у егьр бьньхөминэ. ¹²Мэлһ’эба Ви дэсте Вида йэ. Эве бедэра Хвэ пақьж кэ,

гэньме Хвэ бькэ э’мбаре, ле кайе ве бь агьре кө натэмьрэ бьшэвьтинэ».

Иса те ньхөмандьне

(Марқос 1:9-11; Лука 3:21-22)

¹³Һынге Иса жь Щэлиле һатэ Урдөне, шэм Йуһ’энна, кө жь ви бе ньхөмандьне. ¹⁴Ле Йуһ’энна бона ве йэке Вир’а қайл нэдьбу у готэ Ви: «Эз һ’эвшэ мэ кө бь дэсте Тэ бемэ ньхөмандьне у Тө тейи шэм мьн?» ¹⁵Иса ле вэгэр’анд у готе: «Ньһа бьһелэ, чьмки ль мэ дьк’эвэ кө эм һ’эму р’астийе аһа биньнэ сери^ф». Паше Йуһ’энна қайл бу.

¹⁶Һэма чава Иса һатэ ньхөмандьне у жь аве дэрк’эт, ньшкева э’зман вэбун у эви дит кө Р’өһ’е Хвэде мина кэ-воткэке һатэ хваре у сэр Ви дани. ¹⁷У ва дэнгэк жь э’змана һат: «Эв э Көр’е Мьни дэлаһ, кө эз жь Ви р’азидэ».

Щер’ьбандьна^ф Иса

(Марқос 1:12-13; Лука 4:1-13)

4 ¹Һынге Р’өһ’ Иса бьрэ бэ-р’ийе^ф, кө жь Мирешьн^ф бе щер’ьбандьне^ф. ²Эви чьл р’ож у чьл шэви р’ожи^ф гьрт, пэйр’а бьр’чи бу. ³Йе кө дьщер’ьбинэ

незики **Wi** бу у готе: «**Һэгэр Тө Көр'е^ф** **Хвәде** йи, дэ бежэ ван кэвьра кӧ бьбьнэ нан». ⁴Ле Иса ле вэгэр'анд у готе: «**Нъвисар** э: «**Инсан т'әне бь нен нажи,** ле бь **һәр хәбәра кӧ жь дөве Хвәде дәрдык'эвә***».

⁵ **Һьнге** мирешьн **Әв** бьрә **Бажаре Пироз^ф,** сәр бьльнд-щия бане п'арьстгәһе^ф да сәкьнандьне ⁶у готә **Wi:** «**Һэгэр Тө Көр'е Хвәде** йи, дэ **Хвә** бавежә хваре, чьмки нъвисар э: «**Хвәде we т'әмийа Тә бьдә мьляк'әтед Хвә у we Тә сәр дәсте Хвә бьгьрн,** вәки ньге **Тә кэвьр нәк'эвә***». ⁷Иса готе: «**Әв жи нъвисар э: «Хӧдан Хвәде**йе **хвә нәщер'ьбинә***».

⁸ **Һьнге** мирешьн **Әв** бьр р'акьрә сәр ч'ийаки гәләки бьльнд у **һ'әму** п'адшатийед дьнйае, р'әвшә ванва нишани **Wi** дан ⁹у готә **Wi:** «**Һэгэр Тө дөвәр'уйа бейи,** сәре **Хвә** ль бәр мьн дайни, эзе ван **һ'әму**йа бьдьмә **Тә**». ¹⁰**Һьнге** Иса готе: «**Дури Мьн һәр'ә,** щьно^ф! **Чьмки нъвисар э:**

«**Сәре хвә** ль бәр **Хӧдан Хвә-**дейе **хвә** дайнә у т'әне **Wir'a** хӧламтийе **бькә!***»

¹¹**Wi** чахи мирешьн **Әв** һьшт чу у ва мьляк'әт һатын жер'а бәрдәсти кьрн.

Иса қәза Щәлиледа дәст бь к'аре Хвә дькә
(*Марқос 1:14-15; Луқа 4:14-15*)

¹²Гава Иса бьһист, вәки **Йу-һ'әнна** һатә гьртъне, **Әв** р'абу чу **Щәлиле**. ¹³**Әви Ньсрәт** һьшт, чу **Кәфәрнаһума** дөве гола **Щәлиле,** ль нав синоре **Зәбулоне** у **Нәфтәлийе** ши-вар бу. ¹⁴**Әв** йәк **аһа** бу, кӧ **әв** готьна бь заре **Ишайа** п'ехәмбәр бе сери:

¹⁵ «**Вәлате Зәбулоне** у **вәлате Нәфтәлийе,** ль сәр р'ийа бәрбь голе, ви алийе **Урдӧне,** **Щәлила** нәщьһуйа^ф,
¹⁶ **әв** щьмә'та кӧ нав тә'ристанийеда р'уньштьбу, р'онайикә мәзьн дит у **әвед** кӧ ль **вәлат** у сийа мьрьнеда р'уньштьбун,

* 4:4 **Қануна Дӧшари 8:3.**

* 4:6 **Зәбур 91:11-12.**

* 4:7 **Қануна Дӧшари 6:16.**

* 4:10 **Қануна Дӧшари 6:13.**

р'онайи жь ванар'а дәр-
к'эт»*.

17 Жь һынгева Иса дэст бь
даннасинийе кьр у гот: «Жь
гөнәкьрьне вәгәр'ьн, чьмки
П'адшатиya Ә'змана^ф незик
буйә».

**Иса гази һәр чар
мә'сигьра дькә**

(Марқос 1:16-20; Лука 5:1-11)

18 Чахе Иса ль дәве гола
Щәлиле дьгәр'ийа, р'асти дө
бьра һат, Шьмһ'уне^ф кө жер'а
Пәтрус^ф дьһатә готьне у Ән-
дравьсе бьре ви. Вана т'ор'
давитә голе, чьмки мә'сигьр
бун. 19 Иса ванар'а гот: «Пәй
Мьн вәрьн, Әзе вә бькьмә
неч'ирванед мәрьва». 20 Вана
жи һәма we дәме т'ор'ед хвә
һьштьн у пәй Ви чун.

21 Гава Иса жь ви щийи һь-
нәки пешда чу, р'асти дө бьред
дьн жи һат, Ақубе^ф Зәбәди у
Йуһ'әннайе^ф бьре ви. Вана
т'әви баве хвә, Зәбәди қәйь-
кеда т'ор'ед хвә һивез дькьрьн.
Иса гази ван жи кьр. 22 Вана

жи һәма we дәме қәйьк у баве
хвә һьштьн у пәй Ви чун.

**Иса даннасин дькә,
һин дькә у қәнщ дькә**

(Лука 6:17-19)

23 Иса ль т'әмамийа Щәлиле
дьгәр'ийа, к'ьништед^ф ван-
да һин дькьр у Мьзгинийа^ф
П'адшатиye дьда у һәр щур'ә
еш у нәхвәши жи кө нав щьм-
ә'теда һәбун қәнщ дькьрьн.

24 Нав-дәнге Ви ль т'әмамийа
Сурйайе бәла бу, щьмә'те һәр
щур'ә мәрвьед нәхвәш анинә
щәм Ви, йед кө щур'ә-щур'ә
еш у щәфада бун: Йед щьна-
к'әти^ф, һивк'әти^ф, шьлушә'т у
Әви әв һ'әму жи қәнщ кьрьн.

25 Гәләк ә'лаләт жи жь Щәлиле,
жь қәза Декаполисе*, жь Ор-
шәлиме, жь Щьһустане у жь
ви алийе Урдөнейи р'оһьлате
пәй Ви дьчун.

Даннасинийа сәре ч'ийе

5 1 Чахе Иса ә'лаләт дит,
һьлк'ьшийа ч'ийе, р'унышт
у шагьртед^ф Ви һатьнә щәм

* 4:15-16 Ишайа 9:1-2.

* 4:25 «Декаполис» бь зьмане йунани те фә'мкьрьне: «Дәһә Бажар»,
чьмки әва қәза бәреда бь йәктиya дәһә бажара һатийә чекьрьн.

Ви. ²Эви дэст бь һинкьрына
Хвэ кыр у ванр'а гот:

**Һинкьрына
бона хвэзлийа р'аст**
(Луца 6:20-23)

- 3 «Хвэзи ль р'өһ'фэқира*,
чьмки П'адшатийа Э'змана
йа ван э.
- 4 Хвэзи ль һ'эзнийа,
чьмки бэр дьлед ванда we
бе һатъне.
- 5 Хвэзи ль шкэстийа,
чьмки э'рде п'ара ван бэ.
- 6 Хвэзи ль ван, кö т'и у бьр'-
чийе р'астигэдандъне нэ,
чьмки эве т'ер бьн.
- 7 Хвэзи ль дьлр'э'ма,
чьмки эве р'э'ме бьбиньн.
- 8 Хвэзи ль дьлпацьжа,
чьмки эве Хвэде бьбиньн.
- 9 Хвэзи ль ван, кö э'дълайийе
дькьн,
чьмки эве зар'ед Хвэде бенэ
һ'эсабе.
- 10 Хвэзи ль ван, кö бона р'асти-
гэдандъне тенэ зерандъне,
чьмки П'адшатийа^ф Э'змана
йа ван э.
- 11 Хвэзи ль вэ, гава бона
наве Мьн вэ беһөрмэт кьн,

бьзериньн у һэр шур'э бөхдан
ль вэ бькьн. ¹²Эшқ у ша бьн,
чьмки һэде вэ ль э'змана гэлэк
э. Бь ви шур'эи п'ехэмбэред
кö бэри вэ һэбун, зерандьн.

Хве у р'онайи

(Марқос 9:50; Луца 14:34-35)

¹³Һун хвейа э'рде нэ. Ле һэгэр
хве тэ'ма хвэ онда кэ, паше
эве бь чь тэ'ме бьстинэ? Иди
we кери тыштэки нэе. We бь-
гьрын бавежьнэ нав дэст-п'ийа.

¹⁴Һун р'онайа дьнйае нэ.
Һэгэр бажарэк сэре ч'ийе йэ,
нае вэшартъне. ¹⁵Кэсэк жи
ч'ьре венахэ у накэ бьне фь-
раде, ле датинэ сэр п'еч'ьре^ф,
кö р'онайе бьдэ һ'эмуйед кö
маледа нэ. ¹⁶Оса жи бьра р'о-
найа вэ бэр мэрыва шэwқ бьдэ,
кö эвана кьрынед вэйэ қэнш
бьбиньн у пэсьне Баве^ф вэйи
э'змана бьдън.

Һинкьрына бона Қануне

¹⁷Нэфькьрын кö Эз һатъмэ
нвьисаред п'ехэмбэра у Қануне
хьраб кьм. Эз нэһатъм кö хьраб
кьм, ле ван һ'эмуйа биньмэ
сери. ¹⁸Эз р'аст вэр'а дьбежьм,

* 5:3 Бь готънэкэ дьн: «Р'өһ'к'эсиба», ава готи р'өһ'е ван һ'эwще Хвэде
йэ, бэр Хвэде шкэсти нэ.

бэри дэрбазбуна э'рд у э'зман, дэqэк йан жи х'эрфэкэ бьч'ук жь Qануне we т'ө шар онда нэбэ, х'эта кö х'эму бенэ сери. ¹⁹Аwa к'и жь ван т'эмийа йэкэ хэрэ бьч'ук хьраб кэ у мэрьва öса hin кэ, эwe П'адшатийа Э'зманада жь х'эмуйа бьч'уктыр бе х'эсабе. Ле к'и кö вана пек бинэ у hin бькэ, эwe П'адшатийа Э'зманада мэзын бе х'эсабе. ²⁰Лэма Эз wэр'а дьбежым, хэгэр р'астийа wэ жь р'астийа qанунзан у ферьсийа зедэтыр нибэ, hун т'ө шар нак'эвьнэ П'адшатийа Э'змана.

**Гинкьрна дэрhэqа
herce у меркöштьнеда**

²¹Wэ бьhистийэ кö пешийар'а hatийэ готьне: <Hэкöжэ!* K'и кö бькöжэ, диwана wi we be кьрьне>. ²²Ле Эз wэр'а дьбежым, к'и сэр бьре хwэ herc к'эвэ*, we бьбэ дэйндаре диwане у к'и бежэ бьре хwэ: <Be аqыл>, эwe бьбэ дэйндаре диwана щьвина гьрэгьра у к'и кö бежэ: <Ахмах>,

we бьбэ дэйндаре агьре доже^ф. ²³Аwa хэгэр тö х'эдийа^ф хwэ бини сэр горигэhe^ф у ль wьр бе бира тэ, кö дьле бьре тэ жь тэ майэ, ²⁴х'эдийа хwэ we дэре ль бэр горигэhe бьhelэ у пешийе хэр'э бьре хwэр'а ль hэw wэрэ у паше wэрэ х'эдийа хwэ бьдэ.

²⁵Чахе нэйаре тэ тэ к'аши щэм х'акьм дькэ, р'еда т'эви wi зу ль hэw wэрэ. Hэгэр на, эwe тэ бьдэ дэсте х'акьм, х'акьме жи тэ бьдэ дэсте бэрдэстийе хwэ у тэ бавежэ кэле. ²⁶Эз р'аст тэр'а дьбежым, тö жь wьр т'ө шар дэрнак'эви х'эта поле^{ф*} пашьн нэди.

**Гинкьрна дэрhэqа
зьнек'арийеда**

²⁷Wэ бьhистийэ кö hatийэ готьне: <Зьнийе нэкэ>*. ²⁸Ле Эз wэр'а дьбежым, к'и бь тэме хьраб жьнэке бьньher'э, эwi дьле^ф хwэда иди т'эви we зьнек'ари кьр. ²⁹Аwa хэгэр ч'эве тэйи р'асте тэ жь р'е дэрдьхэ, wi дэрхэ у жь хwэ бавежэ. Бо-

* ^{5:21} Дэрк'этын 20:13; Qануна Дöщари 5:17.

* ^{5:22} Нав hьнэк дэстньвисарада аha йэ: <K'и кö щики бе сэбэб сэр бьре хwэда herc к'эвэ>.

* ^{5:26} «Пол» п'эре hэри hур э.

* ^{5:27} Дэрк'этын 20:14; Qануна Дöщари 5:18.

на тэ һе қәнш э кӧ эндәмәки тэ ӧнда бә, ле бәдәна тә пева нәк'әвә шә'ньме^ф. ³⁰ У һәгәр дәсте тәйи р'асте тә жь р'е дәрдхә, ви жекә у бавежә. Тәр'а һе қәнш э кӧ эндәмәки тэ ӧнда бә, ле бәдәна тә пева нәк'әвә шә'ньме.

**Һинкьрна дәрһәқа
жьнбәр'данеда**

(*Мәтта 19:9; Марқос 10:11-12;
Луқа 16:18*)

³¹ Әв жи һатийә готьне: <К'и к'ӧлфәта хвә бәр'дә, бьра к'а-хаза жьнбәр'дане бьдә we>*. ³² Ле Әз вәр'а дьбежъм, к'и кӧ бе сәбәбийа қавийе^ф жьна хвә бәр'дә, әв дьбә сәбәбе зьне-кьрна we, һәгәр диса әв мер кә* у к'и кӧ йәкә мербәр'даийи бьстинә, әв зьнийе дькә.

Һинкьрна бона сонде

³³ Wә әв жи бьһистийә кӧ пешийар'а һатийә готьне: <Дә-

рәw сонд нәхвә у сонде хвә ль бәр Хӧдан бинә сери>*. ³⁴ Ле Әз вәр'а дьбежъм, т'ӧ шар сонд нәхвьн, нә бь ә'змен, чьм-ки әw т'әхте Хвәде йә, ³⁵ нә жи бь ә'рде, чьмки әw шийе бьн п'ийед Wi йә, нә жи бь Оршәлиме, чьмки әw бажаре П'адше мәзьн ә ³⁶ у нә жи бь сәре хвә сонд бьхвә, чьмки тӧ нькари муки сыпи ки йан р'әш ки. ³⁷ Ле бьра готьна wә бьбә <бәле-бәле> йан жи <на-на>. Жь ве зедәтър жь мирешьн ә*.

**Һинкьрна дәрһәқа
һ'әйфһьлданеда**

(*Луқа 6:29-30*)

³⁸ Wә бьһистийә кӧ һатийә готьне: <Ч'ә'в жь бәр ч'ә'вва, дьран жь бәр дьранва>*. ³⁹ Ле Әз вәр'а дьбежъм, мьқабль-ли хьраба нәсәкьньн. Һәгәр йәк шәмақәке ль р'уйе тәйи р'асте хә, йе дьн жи бьдә бәр. ⁴⁰ У һәгәр йәк тә к'аши бәр

* ^{5:31} Қануна Дӧшари 24:1-4.

* ^{5:32} Әв хәбәра «һәгәр диса әв мер кә» йунанида т'ӧнә. Әвана мә'на зьнек'арийе шьровәдькьн, чьмки ә'дәте шьһуйада^ф изьна жьна мер-бәр'даийи т'ӧнәбу диса мер кьра, һ'әта мере we сах буйа.

* ^{5:33} Қануна К'аһинтийе 19:12; Жьмар 30:2.

* ^{5:37} Бь йунани хәбәр бь хәбәр аһа йә: «Жь йе хьраб ә».

* ^{5:38} Дәрк'әтьн 21:24; Қануна К'аһинтийе 24:20; Қануна Дӧшари 19:21.

диwane кә у бьхwазә кьрасе тә жь тә бьстинә, п'оте хwә жи жер'а бьхелә. ⁴¹ У һәгәр йәки қөльхеда зоре ль тә бькә, wәки километьрәкә* тә бьбә, т'әви wi дөда һәр'ә. ⁴² Бьдә wi, к'и жь тә дьхwазә у бәре хwә жь wi нәгөһезә, йе кө дьхwазә жь тә дәйн бькә.

Дьжмьнед хwә һ'ыз бькьн

(Луqа 6:27-28, 32-36)

⁴³ Wә бьһистийә кө һатийә готьне: «Һәвалә хwә һ'ыз бькә* у бьжәнә дьжмьне хwә». ⁴⁴ Ле Эз wәр'а дьбежьм, дьжмьнед хwә һ'ыз бькьн у бона wан дөа бькьн, йед кө wә дьзериньн*, ⁴⁵ wәки һун бьбьнә зар'ед Баве хwәйи Э'зманә. Чьмки Эw тә'ва Хwә дәрдьхә һьн сәр қәнща, һьн жи сәр хьраба у баране дьбаринә һьн сәр р'аста, һьн жи сәр нәр'аста. ⁴⁶ Һәгәр һун wан һ'ыз бькьн, к'ижан кө wә һ'ыз дькьн, һуне чь һәқ бьстиньн? Нә хәрщгьр^ф жи өса дькьн? ⁴⁷ У һәгәр һун т'әне сылаве бьдьнә бьред хwә, иди һун чь тышти

жь әwed дьн зедәтьр дькьн? Нә п'утп'арьст^ф жи өса дькьн? ⁴⁸ Аwа к'амьл бьн, чаwа кө Баве wәйи Э'зманә к'амьл ә.

Һинкьрьна бона херкьрьне

6 ¹ Һаш жь хwә һәбьн, кө һун қәнщийед хwә бәр мәрьва нәкьн, wәки жь wан бенә к'ьфше. Йан на, һун жь Баве хwәйи Э'зманә һәқ настиньн.

² Аwа чахе тө хера дьки, пешийа хwә бор'ийе нәхә, чаwа дөр'у к'ьништ у к'учада дькьн, wәки мәрьв пәсьне wан бьдьн. Эз р'аст wәр'а дьбежьм, кө wана һәде хwә иди стандийә. ³ Ле чахе тө хера дьки, бьра дәсте ч'әпе ньзаньбә дәсте р'асте чь хер кьр, ⁴ кө херед тә дьзива бьн. У Баве тәйи тыштед кө тө дьзива дьки дьбинә, we һәде тә бьдә тә.

Һинкьрьна бона дөа

(Луqа 11:2-4)

⁵ Гава һун дөа дькьн, мина дөр'уйа нәбьн. Эw һ'ыз дькьн к'ьништ у мәйданада бьсәкь-

* ^{5:41} Бь йунани хәбәр бь хәбәр аһа йә: «Миләк». Мила Р'оме^ф (Итал-йа) 1 478.5 метьр бу.

* ^{5:43} Эв р'ез «Һәвалә хwә һ'ыз бькә» жь Qануна К'аһинтийе 19:18 йә.

* ^{5:44} Нав һьнәк дәстньвисарада аһа йә: «...бона йед кө ньфьр'а wә дькьн, дөа бькьн у хернәхwазед^ф хwәр'а қәнщийе бькьн».

нын дōа бькын, кō бэр мэрьва бенэ к'ьфше. Эз р'аст вэр'а дьбежым, иди вана һәҫе хвә стандийә. ⁶Ле чахе тō дōа дьки, бьк'эвә ода хвә, дәри ль хвә бьгьрә у Баве хвэр'а кō найе дитьне дōайе хвә бькә. У Баве тәйи тыштед кō тō дьзива дьки дьбинә, we һәҫе тә бьдә тә.

⁷Гава кō һун дōа дькын, мина п'утп'арьста п'ър'хәбәр нәбьн. Вана т'ьре^ф бона п'ър' хәбәр-дана ван дōайед ване бенә бьһистьне. ⁸Һун мина ван нәбьн, чьмки бәри хвәстьна вә, Баве вә занә чь вэр'а лазьм ә.

⁹Ле һун аһа дōа бькын:

«Баве мәйи Э'змана! Наве Тә пироз^ф бә*,

¹⁰ П'адшатийа Тә бе, ә'мьре Тә бә, чава ль ә'змен, өса жи ль сәр ә'рде.

¹¹ Нане мәйи р'оже р'ож бь р'ож бьдә мә.

¹² Дәйнед мә бьбахшинә, чава кō әм дьбахшиньнә дәйндаред хвә.

¹³ У мә нәбә шер'ьбандьне^ф, ле мә жь йе хьраб* хьлаз кә, чьмки п'адшати, қәват у р'умәт йед Тә нә, һ'әта-һ'әтайе. Амин^{ф**}».

¹⁴Һәгәр һун нәһәқийед мәрвайә һьндава вәда кō дькын бьбахшиньн, Баве вәйи Э'зманна жи we вә бьбахшинә. ¹⁵Ле һәгәр һун нәһәқийед мәрва нәбахшиньн, Баве вә жи нәһәқийед вә набахшинә.

Һинкьрна бона р'ожийе

¹⁶Гава кō һун р'ожи дьгьрын, мина дөр'уйа мә'дәкьри нибьн. Әв мә'де хвә дькын, вәки мәрвь бьзаньбьн кō әв р'ожи нә. Эз р'аст вэр'а дьбежым, кō вана һәҫе хвә стандийә. ¹⁷Ле чахе тō р'ожи дьгьри, сәрч'ә'ве хвә бышо, сәре хвә шә кә*, ¹⁸вәки мәрвь ньзаньбьн кō тō р'ожи йи, ле т'әне Баве тәйи кō найе дитьне заньбә. У Баве тәйи тыштед кō тō дьзива дьки дьбинә, we һәҫе тә бьдә тә.

* ^{6:9} Бь готьнәкә дьн: «Бьра инсан қәдьре наве Тәйи пироз бьгьрә».

* ^{6:13} Аһа жи те фә'мкьрне: «Жь мирещьн».

** ^{6:13} Нав дәстньвисаред һәрә қәншда әв йәк т'өнә: «Чьмки п'адшати, қәват у р'умәт йед тә нә, һ'әта-һ'әтайе. Амин».

* ^{6:17} Бь йунани хәбәр бь хәбәр аһа йә: «Сәре хвә р'ун^ф кә», чава нишана шайийе.

Хьзна э'змана

(Луца 12:33-34)

19 Ль сэр дьне хьзне хwэр'а нэшьвиньн. Ль ве дэре зэнг у бьзуз хьраб дькьн у дьз дэрэ-вэдькьн дьдзьн. 20 Ле хьзне хwэр'а ль э'змен бышьвиньн. Ль we дэре зэнг у бьзуз хьраб накьн у дьз жи дэрэвэнакьн надьзын. 21 Чьмки хьзна тэ к'идэре бэ, дьле тэ жи we ль we дэре бэ.

Ч'ьра бэдэне

(Луца 11:34-36)

22 Ч'ьра бэдэне ч'э'в э. Нэ-гэр ч'э'ве тэ п'ак э, т'эмамия бэдэна тэйе р'онайи бэ. 23 Ле нэгэр ч'э'ве тэ хьраб э, т'э-мамия бэдэна тэйе тэ'ри бэ. Аwa нэгэр эw р'онайа кэ нав тэда йэ тэ'ри йэ, тэ'ри we чь-qас зедэ бэ!

Хwэде у нэбука^ф дьнийайе

(Луца 16:13)

24 Т'ө кэс нькарэ дэ ахар'а хэламтийе бькэ, чьмки йан we н'иле wi жь йэки нэр'э у

йе дьне н'ыз бькэ, йан жи we qэдьре йэки бьгьрэ у йе дьне бейөрмэт кэ. Нун нькарьн ньн Хwэдэр'а, ньн жи нэбукер'а^{ф*} хэламтийе бькьн.

Нинкьрна дэрнэца

хэмкьрнеда

(Луца 12:22-31)

25 Лэма эз wэр'а дьбежьм, бона э'мьре хwэ хэма нэкьн, кэ нуне чь бьхwьн у чь вэхwьн, нэ жи бона бэдэна хwэ, кэ нуне чь ль хwэ кьн. Нэ э'мьр жь хwарьне qимэттьэр э у бэдэн жи жь к'ьнща? 26 Дина хwэ бь-дьнэ тэйрэдэд э'змен. Эwана нэ дьр'эшиньн, нэ дьдьрун у нэ жи э'мбарада дьшьвиньн, ле Баве wэйи Э'змана р'ьсде wан дьгьнинэ. Нэ нун жь wан qимэттьэр ньн? 27 Иди жь wэ к'и дькарэ бь хэмед хwэ дэqэке сэр э'мьре хwэда зедэ кэ?*

28 У бона к'ьнща нун чьма хэм дькьн? Дина хwэ бьдьнэ сосьнед чоле, чава шин дьбьн, нэ дьхэбьтньн у нэ жи дьр'эсьн.

29 Ле эз wэр'а дьбежьм, кэ Сь-леман жи ль нава т'эмамия

* 6:24 Хэбэр бь хэбэр аha йэ: «Мамон». Мэ'на ве эв э: Мале дьне, п'э-рэ, дэwлэтийа ве дьне.

* 6:27 Аha жи те фэ'мкьрне: «Бьһөстэке ль сэр бэжьна хwэ дьреж кэ».

we хер-хызна хwэда мина жь ван йэке хwэ нэкьр. ³⁰ Игэр гихайе чоле, кo иро хэйэ у сьбе давежьнэ нава егьр, Хwэде oса дьхэмьлинэ, ле чьqас зедэ we ль wэ кэ, кембаwэрно?

³¹ Иди хэм нэкьн у нэбежьн: <Эме чь бьхwьн?> йан: <Чь вэхwьн?> йан жи: <Чь ль хwэ кьн?> ³² П'утп'арьст ль пэй ван х'эму тышта дьк'эвьн, ле Баве wэйи Э'змана занэ кo хун х'эwще ван х'эму тышта нэ.

³³ Ле бэре пешьн ль П'адшатиya^ф Хwэде бьгэр'ьн у бькьн кo р'астийа Ви бьqэдиньн у эw х'эмуйе wэр'а бенэ дайине.

³⁴ Иди бона р'ожа сьбе хэма нэкьн, чьмки р'ожа сьбе we бона хwэ хэма бькэ. Хэмед р'оже бэси we нэ.

**Гинкьрна дэрhэqа
ломэкьрьнеда^ф**

(Луqа 6:37-38, 41-42)

7 ¹ Лома нэкьн, кo ломэ^ф ль wэ нэбьн. ² Хун чь лома бькьн, эw ломэ жи we ль wэ бьбьн у хун бь чь чапе бьпивьн, бь we чапе жи wэр'а we бе пиване. ³ Тo чьма qьршьке ч'э'ве бьре хwэда дьбинини, ле к'еране ч'э'ве хwэда набинини?

⁴ Йан жи чава тo дькари бежи бьре хwэ: <Бьхелэ кo эз qьршьк жь ч'э'ве тэ дэрхьм>, ле ва йэ к'еран ч'э'ве тэда хэйэ? ⁵ Дoр'у! Пешийе к'еране ч'э'ве хwэ дэрхэ. Паше те qэнщ бьбинини кo чава qьршьк жь ч'э'ве бьре хwэ дэрхи.

⁶ Тыште бoйхoрти нэдьнэ са у нэ жи дoр'ед^ф хwэ бавежьнэ бэр бэраза. Игэр на, бэразе ван бьн ньгед хwэда п'епэс кьн у сэйе жи вэгэр'ьн wэ бьдэр'иньн.

**Бьхwазьн, бьгэр'ьн,
дэри хьн**

(Луqа 11:9-13)

⁷ Бьхwазьн хуне бьстиньн, бьгэр'ьн хуне бьбиньн, дэри хьн we бэр wэ вэбэ. ⁸ Чьмки к'и кo дьхwазэ дьстинэ, к'и кo дьгэр'э дьбинэ у к'и кo дэри дьхэ бэр вэдьбэ. ⁹ Жь wэ к'ижан э эw мэрьв, кo кoр'е wi нан же бьхwазэ, эw кэвьр бьде? ¹⁰ Йан жи мэ'си бьхwазэ, эw мэ'р бьде? ¹¹ Хун кo хьраб ьн, заньн тыштед qэнщ бьдьнэ зар'ед хwэ, ле Баве wэйи Э'змана we чьqас тыштед qэнщ бьдэ эwед кo жь Ви дьхwазьн.

Qануна зер'

¹² Һәр чь кӧ һун дьхвазьн мәрвь бона вә бькьн, һун жи ӧса ванар'а бькьн. Эв э мә'на һинкьрна Qануне у п'ехәм-бәра.

Дәре тәнг

(Луqа 13:24)

¹³ Дәре тәнгр'а бьк'эвьнә һьндӧр', чьмки фьрә йә әв дәри у бәр э әв р'ийа кӧ дьбә бәрбь ӧндабуне у гәләк ьн әвед кӧ веда дьчьн. ¹⁴ Ле гәләки тәнг э әв дәри у зә'мәт э әв р'ийа кӧ дьбә бәрбь жийине у һьндьк ьн әвед кӧ we р'ейе дьбиньн.

Дар у бәре we

(Луqа 6:43-45)

¹⁵ Һ'эвза хвә жь п'ехәмбәред дәрәв бькьн. Әве бь п'осте пез бенә шәм вә, ле һьндӧр'ва гӧред п'әр'ани нә. ¹⁶ Һуне вана жь бәред ван нас бькьн. Гәло кәсәк жь стьрийа тьрийа дьчьнә, йан жи жь дьр'ийа һежира? ¹⁷ Дара қәнщ бәре қәнщ дьдә, ле дара хьраб бәре хьраб дьдә. ¹⁸ Дара қәнщ нькарә бәре хьраб бьдә, нә жи дара хьраб дькарә бәре қәнщ бьдә. ¹⁹ Һәр дара кӧ бәре қәнщ надә те бьр'ин у авитьне

нава агьр. ²⁰ Аwa һуне вана жь кьред ван нас бькьн.

К'и һежайи

П'адшатийа Ә'змана йә

(Луqа 13:26-27)

²¹ Нә кӧ әве Мьнр'а дьбежә: <Хӧдан! Хӧдан!> we бьк'эвә П'адшатийа Ә'змана, ле әве бьк'эве, йе кӧ э'мьре Баве Мьни Ә'змана дьқәдинә. ²² We Р'оже гәләке Мьнр'а бежьн: <Хӧдан! Хӧдан! Нә мә бь наве Тә п'е-хәмбәрти^ф кьрьн у бь наве Тә шьн^ф дәрхьстьн у бь наве Тә гәләк к'әрәмәт кьрьн?> ²³ Һьнге Әзе ашкәрә ванр'а бежьм: <Жь Мьн дур к'эвьн, нәһәқно! Мьн һун т'ӧ шар нас нәкьрьнә>.

Мала йе сәрвахт

у мала йе бефә'м

(Луqа 6:47-49)

²⁴ Аwa к'и кӧ ван готьнед Мьн дьбьһе у ван дьқәдинә, әв мина мәрвьәки сәрвахт э, кӧ мала хвә сәр кевьр чекьр. ²⁵ Баран бари, ба у лейи^ф р'абун, we мале хьстьн, ле әв мал һьлнәшийа, чьмки һ'име we сәр кевьр бу. ²⁶ Ле к'и кӧ ван готьнед Мьн дьбьһе у нақәдинә, әв мина мәрвьәки бефә'м э, кӧ мала хвә сәр қуме чекьр. ²⁷ Баран

бари, ба у лейи р'абун, we мале хьстьн у эw мал нълшийа, лап черан бу чу».

Н'окөме Иса

²⁸ Гава Иса эв готънед Хwэ сэр хэвда ани, э'лалэт сэр хинкърьна Wi зэндэгърти^ф ман, ²⁹ чъмки Эwi мина йэки хwэйиһ'окөм эw хин дькърьн, нэ кö мина қанунзанед ван.

Иса йэки жь к'отибуне^ф пақьж дькэ

(Марқос 1:40-45; Луқа 5:12-16)

8 ¹ Паше Иса жь ч'ийе һатэ хваре, э'лалэтэкэ гьран да пэй Wi чу. ² Ынге йэки к'оти^ф һат хwэ авитэ бэр Wi у готе: «Хöдан! Һэгэр бьхwaзи, Тö дькари мьн пақьж ки*».

³ Иса дэсте Хwэ дьреж кьре ле к'эт у готе: «Эз дьхwазьм. Пақьж бө!» У дэстхwэда эw жь к'отибуне пақьж бу. ⁴ Ынге Иса жер'а гот: «Бьньһер'э, т'ö кэсир'а тыштэки нөбежи, ле һэр'э хwэ нишани к'аһин кэ у һ'эдийа кö Муса^ф т'эми дайэ бьдэ, wэки һ'эмуйар'а бьбэ шэ'дэти».

Иса хöламе сэрсэдэки^ф қәнщ дькэ

(Луқа 7:1-10; Йуһ'анна 4:43-54)

⁵ Гава Иса к'этэ Кэфэрна-һуме, сэрсэдэк^ф һатэ шэм Wi, һиви же кьр у готе: ⁶ «Хöдан, хöламе мьн шьлушэ'т малда п'алдайэ, гэлэки щэфе дьбинэ». ⁷ Иса готэ wi: «Эзе бем wi қәнщ кьм». ⁸ Сэрсэд ле вөгэр'анд у готе: «Хöдан, эз нэ һежа мэ кö Тö бейи мала мьн. Ле т'эне хэбэрэке бежэ у хöламе мьне бь we хэбэре қәнщ бэ. ⁹ Эз хwэха жи мэрвьэки бьн һ'окөмда мэ у бьн дэсте мьнда жи эскэр һэнэ. Эз йэкир'а дьбежьм: <Һэр'э>, дьчэ, йэки дьнр'а дьбежьм: <Wэрэ>, те у хöламе хwэр'а дьбежьм: <Ви тышти бькэ>, дькэ».

¹⁰ Гава Иса эв йэк бьһист, зэндэгърти ма у готэ әвед кö пэй wi дьчун: «Эз р'аст wэр'а дьбежьм, Исраеледа жи Мьн ба-wэрикэ^ф аһа йэкида нөдитийэ. ¹¹ Эз wэр'а дьбежьм, кö гэлэке жь р'оһьлате у жь р'оавайе бен у шайийа П'адшатийа Э'зманада т'эви Бьраһим, Ишақ у Ақуб

* ^{8:2} Ль гора Қануна^ф Муса^ф мэрвьед к'оти һ'эрам^ф бун. Дэрһөқа мэрвьед к'отида ван сэрийа бьхуньн: Қануна К'аһинтийе 13-14.

р'унен, ¹² ле зар'ед П'адшати-
йе we бенэ авитьне тэ'рийа
дэрва. Ль вьр we бьбэ гьри у
ч'ьркэ-ч'ьрка дьрана». ¹³ Паше
Иса сэрсэдр'а гот: «Һэр'э! Бьра
ль гора бавэрийа тэ тэр'а бэ». У
we дэме холаме wi қэнщ бу.

Иса гэлэк нэхwэша

қэнщ дькэ

(Марқос 1:29-34; Луқа 4:38-41)

¹⁴ Гава Иса һатэ мала Пэтрус,
хwэсийа wi т'айеда п'алдаи
дит. ¹⁵ Эwi дәсте Хwэ да дәс-
те we у т'айе же бэр'да, р'абу
бэрдэсти Wir'а кьр.

¹⁶ Гава р'о чу ава, гэлэк щь-
нак'эти анинэ шэм Wi. Эwi
бь хэбэре р'öh'ед^ф һ'эрам дэр-
хьстьн у һ'эму нэхwэш қэнщ
кьрьн. ¹⁷ Эв аһа бу, кө эв готьна
бь заре Ишайа п'эхэмбэр бе
сери, кө ньвисар э: «Эwi нэ-
хwэшийед мә һьлдан у ешед
мэ бьрьн»*.

Щабдарийа

йед кө пэй Иса дьчьн

(Луқа 9:57-62)

¹⁸ Чахе Иса э'лалэт дора Хwэ
дит, э'мьр ль шагьрта кьр кө
һэр'ьнэ wi бэри голе. ¹⁹ Ынге

қанунзанэк незики Wi бу у
готе: «Дэрсдар^ф! Тө к'ода жи
һэр'и, эзе пэй Тэ бем». ²⁰ Иса
готэ wi: «Р'увийар'а қол һэнэ,
тэйрэдэд э'зменр'а жи һелин,
ле бона Көр'е^ф Мерьв щик т'өнэ
кө сэре Хwэ ле дайнэ».

²¹ Шагьртэки Wi готе: «Хө-
дан! Изьне бьдэ мьн кө эз пе-
шийе һэр'ьм баве хwэ дэфьн
кьм». ²² Ле Иса жер'а гот: «Тө
пэй Мьн wэрэ. Бьра мьри мь-
рийе хwэ дэфьн кьн».

Иса фьртоне^ф дьсэқьр'инэ

(Марқос 4:35-41; Луқа 8:22-25)

²³ Гава Иса к'этэ қэйьке,
шагьртед Wi т'эви Wi чун.
²⁴ Ньшкева фьртонэкэ^ф мэзьн
ль голе р'абу, өса кө қэйьк пе-
лада онда дьбу. Ле Эw р'азайи
бу. ²⁵ Ынге шагьрт незики Wi
бун, эв һ'ышйар кьрьн у готь-
не: «Хөдан! Мэ хьлаз кэ! Эм
онда дьбьн!» ²⁶ Иса готэ ван:
«Чьма һун өса тьрсонэк ьн
кембаwэрно?» We дэме р'абу ль
байе у голе һьлат^ф у һ'эму тьшт
сэқьр'ин. ²⁷ Мэрьвед т'эви Wi
э'щербмайи ман у готьн: «Эв
к'и йэ, кө ба у гол жи ельми^ф
Wi дьбьн?»

* 8:17 Ишайа 53:4.

Иса дө шынак'этига

qәнш дькә

(Марқос 5:1-20; Лука 8:26-39)

28 Гава Иса дәрбази ви али-
йе т'опрахед Гәрдарине бу, дө
шынак'эти жь нав гор'ыстана
дәрк'этын у р'асти Ви хатын.
Әw өса һар бун, кө кәсәк нь-
карьбу we р'ер'а дәрбаз буйа.
29 Wана кьрә қир'ин у готын:
«Тө чь жь мә дьхвази, Көр'е
Хwәде? Жь wәхт зутыр һати
щәфе быди мә?» 30 Жь wана
ведатыр сурики бәразайи мә-
зын дьч'ерийа. 31 Шьна р'әща
жь Ви кьр у готыне: «Һәгәр Тө
мә дәрдьхи, бьһелә әм һәр'ын
бьк'эвнә нава сурийе бәраза».
32 Әви готә ван: «Һәр'ын!» Әw
жи дәрк'этын чун к'этынә нава
бәраза у әw сури пева жорда
р'әви, хwә жь кәнделда авить-
нә голе у хәньқин. 33 Бәразван
р'әвин чунә бажер, чь кө һа-
тьбу сәре шынак'этига готын.
34 Һынге һ'әму мәрвьед бажер
дәрк'этынә пешийа Иса у гава
Әw дитын, р'әща жь Ви кьрын
кө жь әрде ван һәр'ә.

Иса шылушә'тәки

qәнш дькә

у гөнед ви дьбахшинә

(Марқос 2:1-12; Лука 5:17-26)

9 ¹ Иса к'әтә қәйьке пашда
вәгәр'ийа һатә бажаре Хwә*.
² We дәре шылушә'тәк ньвине-
да п'алдайи анинә щәм. Гава
Иса бawәрийа ван дит, готә йе
шылушә'т: «Лаwо, сәр хwә бә!
Гөнед тә һатынә бахшандьне».
³ Һынге жь қанунзана һьнәк
нав хwәда фькьрин: «Әва ньге
Хwә Хwәдер'а давежә»*. ⁴ Фь-
кьред ван Исава ә'йан бун
у гот: «Һун чьма дьле хwәда
тьште хьраб дьфькьрын?» ⁵ К'и-
жан р'ьһ'әт те готыне: «Гөнед
тә һатынә бахшандьне», йан
«Р'абә у бьгәр'ә?» ⁶ Ле wәки һун
бьзаньбьн кө һ'өкөме Көр'е
Мерьв һәйә ль сәр дьне гөна
бьбахшинә», һынге готә йе
шылушә'т: «Р'абә ньвина хwә
һьлдә, һәр'ә мала хwә!» ⁷ Әw
жи р'абү чу мала хwә. ⁸ Гава
ә'лаләте әв йәк дит, хофе әw
гьртын у шыкьри данә Хwәде,
кө әв һ'өкөм дайә мәрьва.

* 9:1 Ль гора Мәтта 4:13, бажаре Ви Кәфәрнаһум бу.

* 9:3 Аһа жи те ф'әмкьрыне: «Әва к'ьфьрийа дькә» йан «Әва наве
Хwәде бөһөрмәт дькә».

Иса гази Мэтта дькэ

(Марқос 2:13-17; Лука 5:27-32)

⁹ Иса жь вьр пешда чу, йэки кӧ наве ви Мэтта бу ль шийе хэршһьлдане р’уньшти дит у готе: «Пэй Мьн вэрэ». Эw жи р’абу пэй Иса чу.

¹⁰ Гава Иса мала Мэттада сэр сьфре р’уньштьбу, гэлэк хэрщгьр у гӧнэк’аред^ф дьн хатьн т’эви Иса у шагьртед Ви р’уньштьн. ¹¹ Чахе ферьсийа эв йэк дит, шагьртед Вир’а готьн: «Чьма Дэрсдаре вэ т’эви хэрщгьр у гӧнэк’ара дьхвэ у вэдьхвэ?» ¹² Ле гава Иса эв йэк бһист ванар’а гот: «Сахлэм нэ һ’эwще һ’эким ьн, ле нэхwэш. ¹³ Һэр’ьн мэ’на ван хэбэра хин ьн: «Эз р’э’ме дьхвазьм, нэ кӧ қӧрбане^ф». Эз нэһатьмэ гази йед р’аст кьм, ле гази гӧнэк’ара».

Пьрса р’ожигьртые

(Марқос 2:18-22; Лука 5:33-39)

¹⁴ Һьнге шагьртед Йуһ’энна хатьнэ шэм Ви у готье: «Чьма эм у ферьси гэлэк шара р’ожи дьгьрн, ле шагьртед Тэ р’ожи нагьрн?» ¹⁵ Иса готэ ван: «Qэт

дьбэ кӧ хвэндийед дэ’wате шине ькьн, һ’эта кӧ зэ’ва т’эви ван э? Ле р’оже бен, гава зэ’ва жь ван бе һьлдане, һьнге we р’ожи ьгьрн.

¹⁶ Кэсэк пе п’арч’е ну к’ьнша кэвьн п’инэ накэ, чьмки п’арч’е к’ьнша кэвьнва дьрути we зоре ль к’ьнша кэвьн ькэ у шийе қэльши we һе ль бэр һэв һэр’э. ¹⁷ Нэ жи шэрава ну дькьнэ мэшкед кэвьн. Һэгэр өса бэ, мэшке ьт’эқьн, шэраве ьр’ьжэ у мэшке жи хьраб ьн. Ле шэрава ну дькьнэ мэшке ну у һэр дӧ жи тенэ хвэйикьрне».

Qизька мьри

у к’ӧлфэтэкэ нэхwэш

(Марқос 5:21-43; Лука 8:40-56)

¹⁸ Гава Иса һе эв йэка вана-р’а дьгот, һэма һьнге сэрwерэк хат хвэ авитэ бэр ньге Ви у готе: «Qиза мьн һежа мьрийэ. Ле wэрэ дәсте хвэ дайнэ сэр we у эwe ьжи».

¹⁹ Иса р’абу т’эви шагьртед Хвэ да пэй ви чу. ²⁰ У ва к’ӧлфэтэкэ нэхwэш, кӧ донздэһ салед we бун сэр хуне вэбьбу, пыштева хат у р’ишийед к’ьнше Иса к’эт. ²¹ Эwe нета

* ^{9:13} Һосейа 6:6.

хвэда данибу: «Һэгэр эз т'эне к'ынше Ви к'эвм, эзе қэнш бьм». ²² Иса сэр мьле Хвэ-ва вэгэр'ийа эв дит у готе: «Э'вде! Сэр хвэ бэ! Бавэрийа тө тө қэнш кьри». У we дөме эв к'өлфөт қэнш бу.

²³ Гава Иса гьништэ мала сэрвер, дина Хвэ даие, we қар'э-қар'а э'лалэте йэ у бь-лурван жи зэлули ле дьхьн ²⁴ у готэ ван: «Дэрк'эвн! Қизьк нэмьрийэ, ле һеньжийэ». Вана қәрфе^ф хвэ Пе дькьрн. ²⁵ Ле гава щьмэ'т дэрхьстьнэ дэрва, Иса чу һьндөр' дәсте we гьрт у қизьк р'абу сэр хвэ. ²⁶ Эва дөнг-бэ'са т'эмамия ви вэ-латида бэла бу.

Иса дө кора қэнш дькэ

²⁷ Гава Иса жь вьр дэрк'эт чу, дө мэрьвед кор данэ пэй Ви кьрнэ қир'ин у готьн: «Көр'е^ф Давьд! Мэ вэрэ р'э'ме!»

²⁸ Гава кө гьништьнэ мале, эв һэр дө кор һатьнэ щэм Ви. Иса жь ван пьрси у гот: «Һун бавэр дькьн, кө Эз дькарьм али вэ бькьм?» Вана гот: «Бэ-ле Хөдан». ²⁹ Ынге Иса дәсте Хвэ да ч'э'вед ван у гот: «Ль гора бавэрийа вэ вэр'а бэ». ³⁰ We дөме ч'э'вед ван вэбун.

Иса һ'ышк т'эми ль ван кьр у гот: «Һаш жь хвэ һэбьн, кө т'ө кэс ве йэке нэһ'эсэ». ³¹ Ле эв дэрк'этьн, т'эмамия ви вэлатида нав у дөнге Ви бэ-ла кьрн.

Иса лал қэнш дькэ

³² Чахе эвана дэрк'этьн чун, һьнэка щьнак'этики лал ани щэм Иса. ³³ Гава Эви щьн дэр-хьст, йе лал хэбэр да. Э'лалэт э'щербмаи ма у гот: «Ль Исра-еле жи тыштэки аһа т'ө шар нөқөвьмийэ». ³⁴ Ле ферьсийа гот: «Эв бь һ'өкөме сэрвере щьна щьна дэрдьхэ».

Гөне Иса ль щьмэ'те те

³⁵ Иса һ'эму гөнд у бажара дьгэр'ийа, к'ьништед ванда һин дькьр, Мьзгинийа П'адша-тийе даннасин дькьр у ль нав щьмэ'те һ'эму шур'э нөхвэши қэнш дькьрн. ³⁶ Гава Эви э'лалэт дит, гөне Ви ль ван һат, чьмки эвана мина пэзе бе шьван, бэр'эдаи у бэлабуи бун. ³⁷ Ынге Эви шагьртед Хвэр'а гот: «Нандьрун^ф гэлөк э, ле п'алэ һьндьк ьн. ³⁸ Ава һиви жь Хвэийе дьруне бькьн, вэки п'ала нандьруна Хвэр'а бьшинэ».

**Навед һәр донздәһ
шандийа^ф**

(Марқос 3:13-19; Лука 6:12-16)

10 ¹Иса һәр донздәһ шагьрт
гази щәм Хwә кьрын у
һ'өкөм да ван кө р'өһ'ед һ'эрам
дәрхьн, һ'эму еш у нәхwәшийа
жи қәнщ кьн. ²Наве һәр донз-
дәһ шандийа^ф эв ын: Йе пешьн
Шьмһ'ун, кө Пәтрус те готьне
у бьре ви Эндравьс, Ақубе
Зәбәди у бьре ви Йуһ'әнна,
³Филипо у Бәртоломәйо, Т'у-
ма у Мәттаие хәрщгьр, Ақубе^ф
Һалфаво у Тәдайо* ⁴Шьмһ'уне
wәлатп'арьст^{ф*} у Шьһудайе
Исхәрийоти^ф, әве кө нәмами-
йа^ф Иса кьр.

Шандьна һәр донздәһа

(Марқос 6:7-13; Лука 9:1-6)

⁵Иса әв һәр донздәһ шандьн,
т'әми ль ван кьр у гот: «Нәчь-
нә нава нәшьһуйа у нәк'әвьнә
бажаред Самәрийае^ф. ⁶Ле пе-
шийе һәр'ьнә нав пәзед мала
Исраелейә ондабуйи. ⁷Гава
һун һәр'ьн, даннасин кьн у

бежьн: «П'адшатийа Ә'змана
незик буйә». ⁸Нәхwәша қәнщ
кьн, мьрийа сах кьн, к'отийа
пақьж кьн, щьна дәрхьн. Wә
беһәқ стандийә, беһәқ жи бь-
дьн. ⁹Ль бәр пышта хwәда т'ө
тышти һьлнәдьн: Нә зер', нә
зив, нә сьфьр, ¹⁰нә турык бона
р'е, нә дө дәст кьрас, нә чарьх,
нә шьвдар, чьмки п'алә һежайи
р'ьсқе хwә йә.

¹¹Чь бажар йан гөнде кө һун
бьк'әвьне, маләкә һежа бьби-
ньн у ль wьр бьминьн, һ'әта кө
һун жь wьр дьчьн. ¹²Гава һун
һәр'ьнә мале, сьлаве бьдьнә
we у бежьн: «Ә'дьлайи ве ма-
лер'а». ¹³У һәгәр әw мал һежа
йә, бьра сьлава wә ль сәр we
бә, ле һәгәр нә һежа йә, бьра
сьлава wә ль wә вәгәр'ә. ¹⁴Ле
к'и кө wә қәбул нәкә у гөһда-
рийа хәбәрәд wә нәкә, гава кө
һун жь we мале, йан жи жь ви
бажари дәрдьк'әвьн, т'оза нь-
гед хwә даwшиньн. ¹⁵Әз р'аст
wәр'а дьбежьм, Р'ожа^ф Ахрәте
һ'алә wәлате Содом^ф у Гоморайе
we жь йа ви бажари четьр бә.

* 10:3 Нав һьнәк дәстньвисарада дәwса «Тәдайо» «Левий^ф» һәйә, йан
жи «Левий кө Тәдайо һатә бәрнавкьрьне».

* 10:4 Аһа жи те фә'мкьрьне: «Шьмһ'уне жь Қанане».

Мина пез ль нав гөра

(Марқос 13:9-13;

Луқа 21:12-17)

16 Ва Эз вә дышиньм чава пез нава гөра. Иди мина мә'ра сәрвахт бьн у мина кәвотка дьлсах. 17 Ле һ'эвза хвә жь мәр'ва бькьн, әве вә бьбьнә бәр диwana у к'ьништед хвәда вә бьдьнә бәр қамчийа. 18 Р'уйе Мьнда we вә бьбьнә бәр вә-лийа^ф у п'адша, кә һун бәр ван у нәшьһуйа шә'дәтийе бьдьн. 19 Ле чахе вә бьбьнә бәр ди-wana, хәм нәкьн кә һуне чава йан чь хәбәр дьн. Тыштед кә һуне хәбәр дьн, we дөме вә-р'а we бе дайине. 20 Чьмки нә кә һуне хәбәр дьн, ле Р'өһ'е Баве вәйи кә нава вәда йә we хәбәр дә.

21 Бьра we бьре хвә бьдә кәштьне, баве жи кәр'е хвә у зар' жи we һьмбәри де у баве хвә р'абьн у ван бьдьнә кәштьне. 22 Бона наве Мьн һуне бәр ч'ә'ве һ'әмуйа р'әш бьн. Ле к'и кә һ'әта хьлазийе тәйах кә әве хьлаз^ф бә. 23 У гава нав ви бажарида вә бь-зериньн, бьр'эвьнә бажарәки дьн. Эз р'аст вәр'а дьбежьм, һ'әта һатьна Көр'е Мерьв, һун

һ'әму бажаред Исраеле пер'а нагыһиньн бьгәр'ьн.

24 Шагьрт жь дәрсдаре хвә нә мәстър ә у нә жи хөлам жь ахайе хвә. 25 Бәси шагьрт ә, вәки мина дәрсдаре хвә бә у хөлам жи мина ахайе хвә бә. Һәгәр малхе малер'а <Бәлзә-бул^ф> готьн, һьнге нәфәред вир'а we чь бежьн?

Бьзаньбьн

кө тырса вә жь к'е һәбә

(Луқа 12:2-7)

26 Ава иди т'ө шар жь мәр'ва нәтърсьн. Тыштәки дьзива т'өнә кә дәрнәйе у нә жи вәшарти кә к'ьфш нәбә. 27 Чь кә Эз тә'рийеда вәр'а дьбежьм, әви нав р'онайеда бежьн у чь кә һун гөһада дьбьһен, сәр бана бькьнә дәнги. 28 У жь ван нәтър-сьн йед кә бәдәне дькөжьн, ле нькарьн р'өһ' бькөжьн. Ле һун жь Ви бьтърсьн, Йе кә дькарә р'өһ' у бәдәне щә'ньмеда онда кә. 29 Нә дө ч'ьвик бь дьравәки чарқөр'уше тенә фьротане? Ле йәк жи жь ван бейи ә'мьре Баве вә нак'эвә ә'рде. 30 Ле чь ль вә дьк'эвә, һәр т'еләки п'ор'ед сәре вә жьмарти нә. 31 Иди нәтърсьн. Һун жь гәләк ч'ьвика қимәттър ьн.

Иррар^ф у инк'аркьрына^ф

Иса

(Лука 12:8-9)

³² К'и кӧ Мьн бэр мэрыва иррар^ф кэ, Эзе жи ви бэр Баве Хвэйи Э'змана иррар кьм. ³³ Ле к'и кӧ Мьн бэр мэрыва инк'ар^ф кэ, Эзе жи ви бэр Баве Хвэйи Э'змана инк'ар кьм.

Шур у э'дълайи

(Лука 12:51-53; 14:26-27)

³⁴ Нэфькьрын кӧ Эз хатъмэ дьне э'дълайи биньм. Эз нэһатъм э'дълайи биньм, ле шур. ³⁵ Чьмки Эз хатъм кӧр' жь баве, қизе жь де у буке жь хвэсийе бьрэтиньм ³⁶ у дьжмьнед мерьв we жь мала ви бьн*.

³⁷ Эве кӧ баве хвэ йан дийа хвэ жь Мьн зэ'фтьр h'ыз дькэ, нэ һежайи Мьн э. Эве кӧ кӧр'е хвэ йан қиза хвэ жь Мьн зэ'фтьр h'ыз дькэ, нэ һежайи Мьн э. ³⁸ Эве кӧ хаче^ф хвэ һьлнадэ пэй Мьн найе, эв нэ һежайи Мьн э. ³⁹ К'и э'мыре хвэ бьгэр'э, эве онда кэ, ле к'и э'мыре хвэ бона Мьн онда кэ, эве бьбинэ.

Һәқстандын

(Марқос 9:41)

⁴⁰ Эве кӧ wэ қәбул дькэ, Мьн қәбул дькэ у эве кӧ Мьн қәбул дькэ, Йе кӧ Эз шандьмэ қәбул дькэ. ⁴¹ Эве кӧ п'ехәмбэр қәбул дькэ чава п'ехәмбэр, we һәқе п'ехәмбэр бьстинэ у эве кӧ мэрывәки р'аст қәбул дькэ чава мэрыве р'аст, we һәқе йед р'аст бьстинэ. ⁴² У эве кӧ т'асэ ава сар жи дьдэ йәки жь ван бьч'ука, бона хатьре we йәке кӧ эв шагьрте Мьн э, Эз р'аст wэр'а дьбежьм, эве т'ӧ шар һәқе хвэ онда нәкэ».

Иса шаба пьрса

Йуһ'әннайе ньхӧмдар дьдэ

(Лука 7:18-35)

11 ¹ Чахе Иса т'эмийед кӧ данэ һәр донздәһ шагьртед Хвэ хьлаз кьрын, жь ви шийи чу нав бажаред ван, кӧ һин кэ у даннасин кэ.

² Гава Йуһ'әнна кәледа бона шьхӧлед Мәсиһ бьһист, чәнд шагьртед* хвэ шандьнэ шәм Ви ³ у же пьрсин: «Тӧ Эв и, Йе кӧ гәрәке бьһата, йан әм

* 10:35-36 Миха 7:6.

* 11:2 Нав һнәк дәстньвисарада дәwsа «чәнд шагьрт» «дӧ шагьрт» һәйә.

живийа йэки дьн бьн?»⁴ Иса шаба ван да у гот: «Һәр'ьн, чь кӧ һун дьбиньн у дьбьһен Йуһ'әннар'а бежьн.⁵ Кор дьбиньн, сәқәт дьгәр'ьн, к'оти пақьж дьбьн, кәр' дьбьһен, мьри р'адьбьн у фәқирар'а жи Мьзгини те дайине.⁶ У хвәзи ль ви, кӧ жь Мьн п'ышк набә».

⁷ Гава әвана чун, Иса бона Йуһ'әнна ә'лаләтер'а дәстпекьр гот: «һун дәрк'әтьнә бәр'ийе чь бьбиньн? Қамишәки^ф кӧ жь байе дьһ'әжә? ⁸ Йан һун дәрк'әтьн чь бьбиньн? Мә-рвьәки к'ьнше назьк^ф ль хвә кьри? Нә әвед кӧ к'ьнше назьк ль хвә дькьн, әв малед п'ад-шада нә? ⁹ Йан һун дәрк'әтьн чь бьбиньн? П'ехәмбәрәки? Бәле әз вәр'а дьбежьм, жь п'ехәмбәрәки жи мәстър ә.¹⁰ Әва әв ә, бона к'ижани ньвисар ә: «Ва йә Әзе қасьде Хвә пешийа Тәва бьшиньм. Әве р'ийа Тә пешийа Тәва һазьр кә»*. ¹¹ Әз р'аст вәр'а

дьбежьм, жь нава әвед кӧ жь к'ӧлфәта дьне к'әтьнә, т'ӧ кәс жь Йуһ'әннайе ньхӧмдар мәстър нәбуйә. Ле П'адшати-йа Ә'зманада йе һәри бьч'ук жь ви мәстър ә.¹² Жь р'ожед Йуһ'әннайе ньхӧмдар һ'әта ньһа П'адшатийа Ә'змана бь зорбәтийе те һ'ышумкьрьне у йед зорбә дькьн кӧ зәфти хвә кьн*.¹³ Чьмки һ'әму п'ехәмбәра у Қануне һ'әта Йуһ'әнна бона П'адшатийа Ә'змана шә'дәти дан*.¹⁴ У һәгәр һун дьхвазьн ве йәке қәбул кьн, әв ә Елйасе^ф кӧ гәрәке бьһата*. ¹⁵ Göhe к'е һәйә бьра бьбьһе.

¹⁶ Ньһа Әз ви ньсьли мина чь бьшьбиньм? Әв мина ван зар'а нә, йед кӧ базарада р'у-ньшти нә, гази һәвалед хвә дькьн ¹⁷ у дьбежьн: «Мә бона вә зӧр'не хьст, һун нәр'әқьсин у бона вә бәйт^ф готьн, вә шин нәкьр». ¹⁸ Йуһ'әнна һат, нә дьхвар, нә вәдьхвар у дьго-тьн: «Шьн вида һәйә». ¹⁹ Кӧр'е

* 11:10 Малахи 3:1.

* 11:12 Аһа жи те фә'мкьрьне: «П'адшатийа Ә'змана бь қәвате пешда дьчә у йед зорбә дәст дьхьн».

* 11:13 Аһа жи те фә'мкьрьне: «Чьмки һ'әму п'ехәмбәра у Қануне һ'әта Йуһ'әнна п'ехәмбәрти кьрьн».

* 11:14 Малахи 4:5.

Мерьв hat, дьхwэ у вэдьхwэ, бона Wi дьбежьн: «Ва Эw йэки пэй хварьн у вэхварьне к'эти йэ, досте хэршгър у гөнэк'ара йэ». Ле сэрвахти^ф бь э'мәлед* хwэ к'ьфш дьбэ кö эw р'аст э».

Бажаред нэбawэр

(Луца 10:13-15)

²⁰ Ёнгe Иса дэстпекър ль ван бажара һьлат, к'ижанада гэлэк к'эрәмәтед Wi қөwьми-бун, чьмки эw жь гөнэкърьне вэнэгәр'ийан. ²¹ «Wэй ль тэ Хоразин! Wэй ль тэ Бәйтсайда! Һэгәр эw к'эрәмәтед кö нава wэда бун, Сур у Сайдеда бьбуна, эванайе зува бь к'өрх^ф у к'озийе^ф т'обә^ф бькьрана. ²² Ле Эз wәр'а дьбежьм, Р'ожа Ахрәте, һ'але Суре у Сайде we жь һ'але wэ четър бә. ²³ У тө Кәфәрнаум, тә т'ьре те һ'эта э'зман бьльнд би? Ле те һ'эта дийаре^ф мьрийа һәр'и хваре! Һэгәр эw к'эрәмәтед кö нав тәда қөwьмин Содомеда бь-қөwьмийана, әве һ'эта р'ожа иройин бьма. ²⁴ Ле Эз wәр'а дьбежьм, Р'ожа Ахрәте һ'але wәлате Содоме we жь һ'але тә четър бә».

Wөрьн шәм мьн у һеса бьн

(Луца 10:21-22)

²⁵ Ёнгe Иса гот: «Шькър наве Тә бә Баво, Хөдане әрд у ә'зман, кö Тә әв тышт жь зана у билана^ф вәшартьн у ль бәр зар'а вәкърьн. ²⁶ Бәле Баво, чьмки аһа ль Тә хwәш hat.

²⁷ Һәр тышт жь Баве Мьн Мьнр'а һатийә дайине. Кәсәк Көр' нас накә пештьри Баве у кәсәк Баве нас накә пештьри Көр' у к'ижанар'а кö Көр' бьхwазә wanва Баве бьдә наскърьне.

²⁸ Wөрьнә шәм Мьн һ'әмуйед wәстийайи у баргьран у Эзе р'ьһ'әтийе бьдьмә wә. ²⁹ Нире Мьн һьлдьнә сәр хwә у жь Мьн һин бьн, чьмки Эз шкәсти мә удьльмьлаһим бьм у һуне хwәр'а р'ьһ'әтийе бьбиньн. ³⁰ Чьмки нире Мьн р'ьһ'әт ә у баре Мьн сьвьк ә».

Пьрса р'ожа^ф шәмийе

(Марқос 2:23-28; Луца 6:1-5)

12 ¹ Ёнгe Иса р'ожәкә шәмийе нава зәвийар'а дәр-баз бу, шагьртед Wi бьр'чи бун у дэстпекърьн сьмбьлед гәньм

* 11:19 Нав һьнәк дэстньвисарада дәwса «ә'мәл» «зар'» һәйә.

чънин у хварьн. ² Гава ферь-
сийа эв йэк дит, Вир'а готън:
«Һәла бьньһер'ә, шагъртед Тә
тъште нәшайизи р'ожа^ф шәми-
йе дькьн».

³ Иса ванаp'а гот: «Wә нә-
хвәндийә кӧ Дауьд чь кър, гава
әw у йед пер'а бър'чи бун? ⁴ Нә
әw к'әтә Хана^ф Хвәде у нане^ф
Хвәдер'а дайи хвар, әw нан нә
вир'а шайиз бу бьхвара, нә жи
әвед т'әви вир'а, ле т'әне к'аһи-
нар'а?» ⁵ Йан жи wә Qанунеда
нәхвәндийә, кӧ к'аһин р'ожед
шәмийе п'арьстгәһеда шәмийе
дһ'әр'ьминьн у диса бе суц ьн?
⁶ Ле Әз wәр'а дьбежъм, кӧ ль вьр
Йәки жь п'арьстгәһе мәстър һә-
йә. ⁷ Һәгәр wә заньбуйа мә'на ве
хәбәре чь йә кӧ те готъне: «Әз
р'ә'ме дьхвазъм, нә кӧ қӧрбане*»,
һьнге wәйе йед бесуц гӧнәк'ар
нәкьрана. ⁸ Чьмки Кӧр'е Мерьв
Хӧдане р'ожа шәмийе йә».

**Иса р'ожа шәмийе мәрье
кӧ дәсте ви к'ъшийабу
қәнщ дькә**

(Маркос 3:1-6; Луца 6:6-11)

⁹ Иса жь wьр р'абу чу, һатә
к'ъништа ван. ¹⁰ Мәрвьәк ль

wьр һәбу, кӧ дәсте ви к'ъши-
йабу. Һьнәка дьхwәст кӧ хәйба
Иса бькьрана, жь Ви пьрсин у
готъне: «Шайиз э кӧ мәрвь р'ожа
шәмийе нәхwәша қәнщ бькьн?»

¹¹ Әви жи ванаp'а гот: «Әw
жь wә к'и йә, кӧ пәзәкә ви
һәбә у р'ожа шәмийе бьк'әвә
ч'ә'ле, we нәгьрә у дәрнәхә?

¹² Ле инсан чьқас жь пез қи-
мәтгьр ә! Аwa р'ожа шәмийе
қәнщикьрьн шайиз ә». ¹³ Һьнге
ви мәрвьвир'а гот: «Дәсте хwә
дьреж кә». Әви жи дьреж кър
у мина дәсте дьн қәнщ бу. ¹⁴ Ле
ферьси дәрк'әтгьнә дәрва бона
Иса ль һәв шешьрин кӧ чава
Ви бьдьнә кӧштъне.

Хӧламе Хвәдейи бьжарти^ф

¹⁵ У гава Иса пе һ'әсийа, жь
we дәре чу, гәләк ә'лаләт жи
пәй Ви чу. Әви һ'әму жи қәнщ
кьрьн ¹⁶ у т'әми да ван кӧ бона
Ви нәкьнә дәнги. ¹⁷ Әва аһа бу
кӧ әw готъна бь заре Ишайа
п'ехәмбәр бе сери:

¹⁸ «Ва йә хӧламе Мьн, йе кӧ
Мьн бьжарти^ф
у һ'ьзкьрийе Мьни кӧ Мьн
бәгәм кьрийә.

* ^{12:4} Qануна К'аһинтийе 24:9; П'адшати I, 21:1-6.

* ^{12:7} Һосейа 6:6.

- Эзе Р'öh'е Хвэ дайньмэ сэр
 Wi
 у Эве мьлэтар'а һэқийе
 э'лам кэ.
- 19 Эве нэ бьк'эвэ һ'ощэте, нэ
 бькэ қар'э-қар'
 у нэ жи йэке дэнге Wi мэй-
 данада бьбьһе.
- 20 Эw қамише п'эрч'ьқи һур
 накэ,
 п'ылта дьч'ьрусэ венасинэ,
 һ'эта кэ һэқийе бьгьһинэ
 сери.
- 21 У һ'эму мьлэт we гөмана хвэ
 дайньнэ сэр наве Wi»*.

Иса у Бэлзэбул

(Марқос 3:20-30;

Луқа 11:14-23; 12:10)

- 22 Ынге щьнак'этики кори
 лал анинэ щэм Wi у Эви эw
 қәнщ кьр, өса кэ эви һьн дит
 у һьн жи хэбэр да. 23 У т'эма-
 мийа э'лалэте зэндэгьрти ма у
 гот: «Гэло Эв э көр'е Дауьд?»
- 24 Ле гава ферьсийа бьһист
 готьн: «Эва бь һ'өкөме сэрwere
 щьна Бэлзэбул щьна дэрдьхэ».
- 25 Ле нетед дьле ван Иса-
 ва э'йан бун у ванар'а гот:
 «Һэр п'адшатийа кэ нав веда
 т'ьфақ^ф т'өнэбэ we weран бэ

у һэр бажар йан мала кэ ль
 нава веда т'ьфақ т'өнэбэ эw
 наминэ. 26 Һэгэр мирешьн
 хвэха хвэ дэрдьхэ, кэ өса йэ
 нава п'адшатийа вида бет'ь-
 фақи һэйэ, иди п'адшатийа
 ви we чава бьминэ? 27 Һэгэр
 Эз бь һ'өкөме Бэлзэбул щьна
 дэрдьхьм, ле йед кэ пэй we
 тен бь чь дэрдьхьн? Wэки
 өса йэ эwe бьбьһнэ һ'акьмед
 wэ. 28 Ле һэгэр Эз бь һ'өкөме
 Р'öh'е Хвэде щьна дэрдьхьм,
 иди П'адшатийа Хвэде гь-
 хиштийэ wэ. 29 Йан чава йэк
 дыкарэ бьк'эвэ мала мерхасэки
 у һэбука ви т'алан кэ, һэгэр
 пешийе ви мерхаси гьренэдэ?
 Гава гьреда, һьнге we бькарьбэ
 мала ви т'алан кэ.

30 К'и кэ нэ т'эви Мьн э,
 мьқабыли Мьн э у к'и кэ т'эви
 Мьн т'оп накэ, бэла дькэ. 31 Бо-
 на ве йэке Эз wэр'а дьбежьм,
 һэр гөнэ у готьнед хьраб we
 ль мэрьва бенэ бахшандьне,
 ле эwe кэ готьнэкэ хьраб мь-
 қабыли Р'öh' бежэ, ль ви найе
 бахшандьне. 32 К'и тыштэки
 мьқабыли Көр'е Мерьв бежэ,
 we бе бахшандьне, ле һэгэр йэк
 һьндава Р'öh'е Пирозда бежэ,

* 12:18-21 Ишайа 42:1-4.

ль ви найе бахшандьне, нэ ве
дьне нэ жи ве дьне.

Дар у бэре we

(Луца 6:43-45)

³³ Һэгэр дар қэнщ э, бэре we
жи қэнщ э, һэгэр дар хьраб
э, бэре we жи хьраб э, чьмки
дар жь бэре хwэ те наскьрьне.
³⁴ Ч'ежькед мэ'ра! Һун чава дь-
карьн қэнщ хэбэр дьн, һэгэр
Һун хьраб ьн? Чьмки дьл чьва
т'ьжи йэ зар жи эwe дьбежэ.
³⁵ Мэрьве қэнщ, жь хьзна хwэ-
йэ қэнщ қэнщйе дэрдьхэ, ле
мэрьве хьраб, жь хьзна хwэйэ
хьраб хьрабийе дэрдьхэ. ³⁶ Эз
wэр'а дьбежьм, Р'ожа Ахрэте
мэрьв бона һэр хэбэрэкэ п'уч'
кө хэбэр дьдьн we шабдар ьн.
³⁷ Чьмки Һуне бь хэбэред хwэ
бесуц ьн у бь хэбэред хwэ
гөнэк'ар ьн».

К'эрэмэтэке

чава нишан дьхwазьн

(Марқос 8:11-12;

Луца 11:29-32)

³⁸ Һьнге һьнэка жь қанун-
зан у ферьсийа Wир'а готьн:

«Дэрсдар! Эм дьхwазьн кө
нишанэке жь Тэ бьбиньн».
³⁹ Эwi ль wан wэгэр'анд у
гот: «Ньсьле хьраб у хальфи^Ф
нишанэке дьхwазэ, ле жер'а
нишанэкэ дьн найе дайине
пештьри нишана Уньс^Ф п'е-
хэмбэр. ⁴⁰ Чава кө Уньс се р'ож
у се шэва зьке һ'утда ма*, Көр'е
Мэрьв жи өса we се р'ож у се
шэва нава к'урайийа э'рдеда
бьминэ. ⁴¹ Мэрьвед Нинэwа-
йе^Ф we Р'ожа Ахрэте р'абьн у
ви ньсьли нэһэқ кьн, чьмки
эwана бь даннасинийа Уньс
жь гөнэкьрьне wэгэр'ийан у
ва Йэки жь Уньс мэстьр ль
вьр һэйэ. ⁴² П'адша Башуре^{Ф*}
Р'ожа Ахрэте we р'абэ ви
ньсьли нэһэқ кэ, чьмки эwа
жь сэре дьне һат, кө сэрwах-
тийа Сьлеман бьбьһе у ва йэ
Йэки жь Сьлеман мэстьр ль
вьр һэйэ.

Пашда һатьна р'өһ'е һ'эрам

(Луца 11:24-26)

⁴³ Чахе р'өһ'е һ'эрам жь ме-
рьв дэрте, щийе бе ав дьгэр'э
кө р'ьһ'этийе бьбинэ. Ле гава

* ^{12:40} Уньс 1:17.

* ^{12:42} П'адшати III, 10:1-13. Эw п'адша жь Шэба Э'рэбьстане һатэ
щэм Сьлеман п'адша.

набинэ, ⁴⁴ һынге эw дьбежэ: «Эз вэгэр'ьмэ we мала хwэйэ кӧ же дэрк'этьмэ». Гава эw те, дьбинэ we мал вала, паqьж-кьри у һэвдайи йэ. ⁴⁵ Һынге дьчэ һ'эфт шынед дьнэ жь хwэ хьрабтьр жи тинэ, дьк'эвьнэ wьр дьжин. У ахьрийа wi мэрьви жь пешийе хьрабтьр дьбэ. Ӧса жи we бе сэре ви ньсьле хьраб».

Де у бьрайед Иса

(Марқос 3:31-35; Луқа 8:19-21)

⁴⁶ Һе Эwi э'лалэтер'а хэбэр дьда, ва дийа Wi у бьрайед Wi ль дэрва сэкьнин, дьхwэстьн т'эви Wi хэбэр дана. ⁴⁷ Йэки жер'а гот: «Вадийа Тэ у бьрайед Тэ дэрва нэ у дьхwазьн т'эви Тэ хэбэр дьн». ⁴⁸ Эwi жи ль wi вэгэр'анд у готе: «К'и йэ дийа Мьн у к'и нэ бьрайед Мьн?» ⁴⁹ Һынге дэсте Хwэ дьрежи шагьртед Хwэ кьр у гот: «Ва нэ де у бьрайед Мьн! ⁵⁰ Чьмки к'и кӧ хwэстьна Баве Мьни э'змана бинэ сери, эw э бьре Мьн, хушка Мьн у дийа Мьн».

Мэсэла т'охьмр'эш^ф

(Марқос 4:1-9; Луқа 8:4-8)

13 ¹We р'оже Иса жь мале дэрк'эт, ль дэве голе

р'унышт. ²У һақас э'лалэт һатэ шэм Wi, кӧ Эw к'эрба к'этэ қэйьке р'унышт у т'эмамия э'лалэте дэве голе сэкьни. ³Эwi гэлэк тышт бь мэсэла эw һин кьрын у гот: «Т'охьмр'эш^ф р'абу чу кӧ т'охьм бьр'эшинэ. ⁴Гава дьр'эшанд, һьнэк жь ван к'этьнэ дэве р'е, тэйрэдэ һатьн у эw хwарьн. ⁵Һьнэкед дьн к'этьнэ сэр э'рде кэвьри, кӧ ль wьр хwэли кем бу. Эw зу шин бун, чьмки тэлаше хwэлийе нэ к'ур бу. ⁶Ле чахе тэ'в дэрк'эт, эw ч'ьлмьсин у чьмки р'авед ван т'ӧнэ-бун, һ'ышк бун. ⁷Һьнэкед дьн к'этьнэ нава стьрийа, стьри р'абун у эw хэньқандьн. ⁸Ле һьнэкед дьн жи к'этьнэ нава э'рде қэнш у бэр дан, йе сэд, йе шест у йе си. ⁹Гӧһе к'е һэйэ бьра бьбьһе!»

Иса чьма бь мэсэла хэбэр дьдэ

(Марқос 4:10-12; Луқа 8:9-10)

¹⁰We гаве шагьртед Wi незик буне у готьне: «Чьма бь мэ-сэла Тӧ ванар'а хэбэр дьди?» ¹¹Эwi ль ван вэгэр'анд у гот: «Wэр'а һатийэ дайине кӧ һун сӧр'ед П'адшатийа Э'змана бьзаньбьн, ле ванар'а нәһати-

йә дайине. ¹² Чъмки к'ер'а кӧ
 һәйә, we he ле зедә бә у сәрда
 бър'ьжә у к'ер'а кӧ т'ӧнә, чь
 һәйә жи we же бе стандьне.
¹³ Эз бона we йәке бь мәсәла
 ванр'а хәбәр дьдьм, кӧ әwana
 дьньһер'ьн у набиньн, дьбь-
 һен, ле гӧһе хwә надьнә сәр
 у фә'м накьн. ¹⁴ Ль сәр ван
 п'ехәмбәртия Ишайа те сери
 кӧ дьбежә:

«Һуне бьбьһен у гӧһ бьдьне,
 ле фә'м нәкьн,
 һуне бьньһер'ьн у дина хwә
 бьдьне, ле нәбиньн.

¹⁵ Чъмки әва щьм'әта сәр-
 һ'ьшк ә,
 бь гӧһа гьран дьбьһен
 у ч'ә'вед хwә гьртьнә,
 wәки бь ч'ә'ва нәбиньн,
 бь гӧһа нәбьһен
 у бь һ'ьш фә'м нәкьн, вә-
 нәгәр'ьн,
 кӧ Эз ван қәнщ кьм»*.

¹⁶ Ле хwәзи ль ч'ә'вед wә, кӧ
 дьбиньн у гӧһед wә, кӧ дьбь-
 һен. ¹⁷ Эз р'аст wәр'а дьбежьм,
 гәләк п'ехәмбәр у мәрьвед р'аст
 һ'ьзрәта дитьна ван тьшта бун
 чь кӧ һун дьбиньн, ле нәдитьн

у бьбьһистана чь кӧ һун дьбь-
 һен, ле нәбьһистьн.

Шьровәкьрьна мәсәла т'охьмр'әш

(Марқос 4:13-20; Лука 8:11-15)

¹⁸ Ньһа һун шьровәкьрьна
 мәсәла т'охьмр'әш бьбьһен.
¹⁹ Һәр кәсе кӧ хәбәра П'адша-
 тийе дьбьһе у фә'м накә, йе
 Хьраб* те т'охьме дьле вида
 чанди дьр'әвинә. Әва әw ьн
 кӧ дәве р'е һатьнә чандьне.
²⁰ Әвед ль ә'рде кәвьри һатьнә
 чандьне әw ьн, кӧ чахе хәбәре
 дьбьһен, әw зу бь әшқ у ша қәбул
 дькьн. ²¹ Ле р'aw кӧ нава wанда
 т'ӧнәнә, дьреж т'aw накьн. Гава
 бона хәбәре р'асти тәнгасийа^ф
 йан зерандьне тен, әw зу жь
 р'е дьк'әвьн. ²² Әвед ль нава
 стьрийада һатьнә чандьне әw
 ьн, кӧ хәбәре дьбьһен у хәмед
 ве дьнйәе у дәрәwед дәwлә-
 тийе хәбәре дьхәньқиньн, әw
 бе бәр дьминьн. ²³ Ле әвед ль
 нава ә'рде қәнщда һатьнә чан-
 дьне әw ьн, кӧ хәбәре дьбьһен,
 фә'м дькьн у бәр дьдьн, һьнәк
 сәд, һьнәк шест у һьнәк си».

* ^{13:15} Ишайа 6:9-10.

* ^{13:19} Бь готьнәкә дьн: «Мирещьн».

Мэсэла гэнъм у зиване

²⁴Иса мэсэлэкэ дьн жи ванар'а пешда ани у гот: «П'адшатийа Э'змана мина ве йэке йэ: Мэрьвэки нав э'рде хвэда т'охьме қэнщ чанд. ²⁵Гава һ'эму р'азайи бун, дьжмьне ви һат у ль нав гэнъмда зиван жи чанд у чу. ²⁶Гава гэнъм гьһишт бэре хвэ да, һннге зиван жи пер'а к'ьфш бун. ²⁷Хөламед хвэ́йе э'рде незики ви бун у готъне: <Ахайе мэ! Тэ нава э'рде хвэда т'охьме қэнщ нэчанд? Ле эв зиван жь к'ө һатън?> ²⁸Эви ль ван вэгэр'анд у гот: <Дьжмьнэки эв тышт кьрийэ>. Хөлама жи готэ ви: <Ньһа тө қайл и кө эм һэр'ьн ван р'акън?> ²⁹Эви гот: <На, нэбэ чахе һун зиване р'акън, гэнъм жи пер'а дэрхън. ³⁰Бьһельн бьра һэр дө жи һэвр'а бьгьһижьн һ'эта р'ожа нандьруне. Р'ожа нандьруне эзе п'алар'а бежъм, пешийе зиване бьчьнън, гөр'з-гөр'з гьредьн бона шэвате, ле гэнъм бькьнэ э'мбара мьн»».

**Дө мэсэлед ль сэр
П'адшатийа Хвэде:**

(*Марқос 4:30-32;*
Луқа 13:18-21)

³¹Мэсэлэкэ дьн жи ванар'а пешда ани у гот: «П'адшатийа Э'змана мина ве йэке йэ: Мэрьвэки һ'эбэкэ т'охьме хэрдале^ф һылда, нав э'рде хвэда чанд. ³²Эв жь һ'эму т'охьма һуртьр э, ле гава дьгьһижэ, жь һ'эму п'ьншар'а мәстър дьбэ у дьбэ дар, өса кө тэйрәдед э'змен тен һелинед хвэ сэр ч'ьрьлед ве чедькьн».

³³Иса мэсэлэкэ дьн жи ванар'а гот: «П'адшатийа Э'змана мина һэвиртьр'шк^ф э, кө к'ө́лфэтэке һылда, нава се код* арда стьра, һ'эта кө һ'эму һьлат».

Иса бь мэсэла хэбэр дьдэ

(*Марқос 4:33-34*)

³⁴Иса эв һ'эму тышт бь мэсэла э'лаләтер'а готън у бе мэсэлә т'ө тышт ванар'а нэдьгот. ³⁵Эв йэк аһа бу, кө эв готъна бь заре п'ехэмбэр бе сери:

* 13:33 Се кодед шьһуйа дькьр қаси 25 килограма.

«Эзе бь мäsэла ванр'а хэбэр дьм,
тыштед жь вэхте э'фьран-
дына дьнайайеда вэшарти
гыли кьм»*.

Шьровэкьрына мäsэла гэньм у зиване

³⁶ Ынге Иса э'лалэт һышт, һатэ мал. Шагьртед Ви һатьнэ щэм Ви у готьне: «Мäsэла гэньм у зиване мэр'а шьровэкэ».
³⁷ Эви ль ван вэгэр'анд у гот: «Эве кö т'охьме қәнщ чанд, Көр'е Мерьв э. ³⁸ Э'рд дьняа йэ, т'охьме қәнщ жи мэрьвед п'ара П'адшатийе нэ, ле зиван мэрьвед п'ара йе Хьраб ьн. ³⁹ Дьжмьне кö эв чанд, мирещьн э. Нандьрун ахьрийа дьнайайе йэ, п'алэ жи мьлайак'эт ьн. ⁴⁰ У чава кö зиване т'оп дькьн дьшэвьтиньн, ахьрийа ве дьнайайе жи ве öса бэ. ⁴¹ Көр'е Мерьв ве мьлайак'етед Хвэ бышинэ у эве жь П'адшатийа Ви һ'эмуйед кö мэрийа жь р'е дэрдьхьн у нэхэқийе дькьн бьбьжерьн ⁴² у бавежьнэ к'ура агьр. Ль вьр ве бьбэ гьри у ч'ьркэ-ч'ьрка дьрана. ⁴³ Ынге мэрьвед р'аст ве П'адшатийа Баве хвэда

мина тэ'ве шэwq бьдьн. Гөһе к'е һэйэ бьра бьбьһе!

Мäsэлед хьзна вэшарти у дөр'е қимэт

⁴⁴ П'адшатийа Э'змана мина ве йэке йэ: Э'рдэкида хьзнэкэ вэшарти һэбу. Мэрьвэк ве дьбинэ, вэдьшерэ, шабуна дьчэ һ'эму һэбука хвэ дьфьрошэ у ви э'рди дьк'ьр'э.

⁴⁵ Диса П'адшатийа Э'змана мина ве йэке йэ: Мэрьвэки базьргани дөр'ед р'ьнд дьгэр'э. ⁴⁶ Гава дөр'эки п'ьр' қимэт дьбинэ, дьчэ һ'эму һэбука хвэ дьфьрошэ у ви дөр'и дьк'ьр'э.

Мäsэла т'ор'а авити

⁴⁷ Диса П'адшатийа Э'змана мина ве йэке йэ: Т'ор'эк те авитьне нава бэ'ре у һ'эму щур'э мэ'си дьк'эвьне. ⁴⁸ Гава т'ор' т'ьжи дьбэ, дьк'ьшиньнэ дәве бэ'ре у р'удьнин мэ'сийед кер дьбьжерьн дькьнэ дэрдана^ф, ле йед бекер веда давежьн. ⁴⁹ Ахьрийа дьнайайе жи ве öса бэ. Мьлайак'эте дэрк'эвьн хьраба жь нав қәнща бьбьжерьн ⁵⁰ у бавежьнэ к'ура агьр. Ль вьр ве бьбэ гьри у ч'ьркэ-ч'ьрка дьрана».

* ^{13:35} Зэбур 78:2.

Р’астийед кэвн у ну

⁵¹ Иса жь ван пьрси: «Wэ эв h’эму тышт фэ’м кьрн?»
 Wана жер’а гот: «Бэле». ⁵² Эwi жи ванар’а гот: «Бона ве йэке хэр қанунзанэк кө П’адшатиya Э’змана хин буйэ, мина мэрвэки хwэйимьлк’ э, кө жь хьзна хwэ тыштед кэвн у ну дэрдхэ».

**Бажаре Ньсрэте,
 ль к’о Иса мэзын бьбу,
 Wi қэбул накэ**

(Марқос 6:1-6; Луқа 4:16-30)

⁵³ Гава Иса эв мэсэлэ хь-лаз кьрн, жь wьр чу ⁵⁴ хатэ ши-мьск’эне Хwэ, к’ништа wанда эw хин дькьрн. Эw жи зэндэгьрти дьман у дьготьн: «Эв сэрwахти у қэwата к’эрэмэта жь к’о гьништи-йе? ⁵⁵ Нэ Эв көр’е нэщар э? Нэ наве дийа Wi Мэрийэм э? Нэ Ақуб^ф, Усьв^ф, Шьmh’ун у Щьhуда^ф бьред Wi нэ? ⁵⁶ Нэ h’эму хушкед Wi щэм мэ нэ? Эв h’эму тышт жь к’о гьништ-тьнэ Wi?» ⁵⁷ Бь ви аwайи эw жь Wi чун, ле Иса ванар’а гот: «П’ехэмбэр т’о щийи нэ бегэдэр э, пештьри мала хwэ у ши-мьск’эне хwэда». ⁵⁸ Эwi

ль we дэре гэлэк к’эрэмэт нэ-кьрн, чьмки бawэрийа wан т’өнэбу.

**Көштьна Йуh’эннайе
 ньхөмдар**

(Марқос 6:14-29; Луқа 9:7-9)

14 ¹ Ёнге Һеродэсе сэр-wере Щэлиле бона Иса бьхист, ² хөламед хwэр’а гот: «Эва Йуh’эннайе ньхөмдар э жь навмьрийа р’абуйэ. Лэма жи пе wi к’эрэмэт тенэ кьрне».

³ Чьмки Һеродэс Йуh’энна гьртьбу гьредабу у авитьбу кэле, р’уйе Һеродийа жьна Филипойе бьре хwэда. ⁴ Чьмки Йуh’энна Һеродэср’а чэнд щара готьбу: «Нэ р’аст э кө т’о Һеродийае бьстини». ⁵ У Һеродэс жи дьхwэст эw бькөшт-та, ле жь щьмэ’те дьтьрсийа, чьмки щьмэ’те Йуh’энна чава п’ехэмбэр қэбул дькьр.

⁶ Гава р’ожа буйина Һеродэс хат, қиза Һеродийае шайи-йеда бона wан р’эқьси у дьле Һеродэс гэлэки хwэш хат. ⁷ Эwi сонд хвар у готэ қизьке: «Т’о чь бьхwази эзе бьдьмэ тэ». ⁸ Қизьк жи жь дийа хwэ хатьбу ширэткьрне у готе: «К’аль wьр, сэр сьнийе сэре Йуh’эннайе ньхөмдар бьдэ мьн». ⁹ П’адша

бэр хвэ к'эт, ле чьмки ль бэр т'эглифкьрийа сонд хварьбу, э'мьр кьр кӧ хвэстьна we бе дайине. ¹⁰ Эви шанд кәледа сәре Йуһ'әнна да лехьстьне ¹¹ у сәре ви ль сәр сьнийе анин данә кәч'ьке. Кәч'ьке жи дийа хвәр'а бьр. ¹² Ёнгге шагьртед ви хатьн шьнийазе ви һьлдан у эв дәфьн кьрьн. Паше чун Исар'а готьн.

Иса пенщ һ'эзара т'ер дькә

(Марқос 6:30-44; Лука 9:10-17;

Йуһ'әнна 6:1-14)

¹³ Гава Иса эв йәк бьһист, жь we дәре бь қәйьке т'әне чу щики хәвлә. Ле гава э'лаләте бьһист, жь бажара пәйа пәй Ви чун. ¹⁴ Чахе Иса жь қәйьке дәрк'эт у э'лаләтәкә гьран дит, һьнгге гӧне Ви ль ван хат у нәхвәшед ван қәнщ кьрьн.

¹⁵ Бәре еваре шагьртед Ви хатьнә щәм у готьне: «Эв дәр щики хьки-хвәли йә, иди дәр-рәнг ә. Изьна э'лаләте бьдә кӧ һәр'ьнә гӧнда хвәр'а хӧрәк бьк'ьр'ьн». ¹⁶ Ле Иса ванар'а гот: «Нә һ'әвщә йә кӧ эв һәр'ьн. Ёун хӧрәк бьдьнә ван». ¹⁷ Вана ле вәгәр'анд у готьне: «Ль вьр пештьри пенщ нан у дӧ мә'сийа тьштәки мәйи майин т'ӧнә».

¹⁸ Эви ванар'а гот: «Ван нан у мә'сийа биньнә щәм Мьн».

¹⁹ Иса э'мьр кьр кӧ э'лаләт ль сәр шинаийе р'унен. Эви һәр пенщ нан у һәр дӧ мә'си һьлдан, бәре Хвә э'зменда кьр шькьри да у эв нан кәркьрьн. Паше да шагьрта, шагьрта жи да э'лаләте. ²⁰ Ё'әмуяа жи хвар т'ер бун у донздәһ сәлә жи т'ьжи һурькед бәрмайи бәрәв кьрьн. ²¹ Эвед кӧ хварьн, пештьри жьн у зар'а вәкә пенщ һ'эзар мери бун.

Иса п'ийа ль сәр авер'а

дьчә

(Марқос 6:45-52;

Йуһ'әнна 6:15-21)

²² Пер'а-пер'а Иса п'ейи сәр шагьрта кьр, кӧ бьк'әвьнә қә-йьке у пешийа Ви дәрбази ви бәри голе бьн, һ'әта кӧ Хвәха э'лаләте вәр'екә. ²³ Чахе Эви э'лаләт вәр'екьр, т'әне р'әбу чу сәре ч'ийе, кӧ дӧа бькә. Гава р'о чу ава, Эв ль шьра т'әне бу, ²⁴ ле қәйьк иди жь дәве голе дур к'әтьбу у нава пелада бу, чьмки ба мьқабьли we бу.

²⁵ Қәрәбәрбанге Иса сәр голер'а пәйа дьчу незики ван дьбу. ²⁶ Ле гава шагьрта дит кӧ Эв сәр голер'а пәйа дьчә, бьздийан у готьнә һәв: «Эв хә-

йал^ф э!» У вана жь тьрса кьрэ қир'ин. ²⁷ Ле Иса we дэме дэнг да ван у гот: «Сэр хвэ бьн! Эз ьм! Нэтьрсьн!» ²⁸ Пэтрус ле вэгэр'анд у готе: «Хөдан, һәгәр Тө йи, ә'мыр кә кә өз сәр авер'а бемә щәм Тә». ²⁹ Иса готе: «Wәрә!» Пэтрус жь қәйьке пәйа бу, сәр авер'а чу, кә һәр'ә щәм Иса. ³⁰ Ле чахе әви байе қайим дит тьрсийа у иди we нөқ буйа, кьрә қир'ин: «Хөдан, мын хьлаз кә!» ³¹ We дэме Иса дәсте Хвә дьрежи ви кьр, әв гьрт у жер'а гот: «Кембаwеро! Чьма тө дөдьли буйи?» ³² Чахе к'этьнә қәйьке, ба сәкьни. ³³ У әвед қәйькеда сәре хвә ль бәр Ви данин у готьне: «Р'асти Тө Көр'е Хвәде йи».

**Иса Щенисартеда нәхwәша
қәнщ дькә**
(Марқос 6:53-56)

³⁴ Гава әв дәрбази ви бәри голе бун, ль алийе Щенисартева гьништьнә бәже^ф. ³⁵ Бьнәлийед wьр Әw нас кьрын, шандьн т'әмамыя дор-бәра, һ'әму нәхwәш анинә щәм Ви. ³⁶ Wана һиви же дькьр кә т'әне

р'ишийед к'ьнще Ви к'эвьн. У һ'әмуьед кә ле дьк'этьн жь нәхwәшийед хвә қәнщ дьбун.

**Р'ав-р'ьзьмед^ф кал-бава
у хәбәра Хвәде**
(Марқос 7:1-13)

15 ¹ Ынге ферьси у қанун-занед Оршәлиме һатьнә щәм Иса у готьне: ² «Чьма ша-гьртед Тә пәй р'ав-р'ьзьмед^ф кал у бава начьн? Дәстнәшушти нан дьхwьн».

³ Әви ль ван вэгәр'анд у гот: «Ле һун чьма бона р'ав-р'ьзьмед хвә пәй т'әмийе Хвәде начьн?» ⁴ Чьмки Хвәде гот: «Qәдьре де у баве хвә бьгьрә»* у «Әwe кә гьлики қолайи де у баве хwәр'а бежә гәрәке бе кәштьне»**. ⁵ Ле һун дьбежьн: «Әwe кә дийа хwәр'а йан баве хwәр'а бежә: Әw алик'арийа кә гәрәке жь мын бьгьһижә тә әw Хwәдер'а те дайине, ⁶ иди жь ви нак'әвә кә әв қәдьре де у баве хвә бьгьрә». Бь ви аwaiи бона хатьре р'ав-р'ьзьмед хвә һун хәбәра Хвәде дькьнә хwәли. ⁷ Дөр'уно! Ишайа бона wә р'аст п'ехәм-бәрти кьрийә у готийә:

* ^{15:4} Дәрк'этьн 20:12; Қануна Дөшари 5:16.

** ^{15:4} Дәрк'этьн 21:17; Қануна К'аһинтийе 20:9.

- 8 <Эва шьмэ'та бь заре хвэ
 қедьре Мьн дьгьрэ,
 ле дьле ван жь Мьн дур э.
 9 Бадиһәһә^ф Мьн дьһ'эбиньн,
 т'эмийед мәрьва чаһа қа-
 нунед Мьн шьмэ'те һин
 дькьн*».

**Тыштед кө мерьв
 дьһ'эр'ьминьн**
(Марқос 7:14-23)

10 Һьнге Иса э'лаләт гази шәм
 Хвэ кьр у готә ван: «Бьбьһен
 у фә'м бькьн! 11 Нә кө тыште
 дьчә дев, әһ мәрьва дьһ'эр'ь-
 минә, ле чь кө жь дев дәрте,
 әһ мәрьва дьһ'эр'ьминә».

12 Һьнге шагьртед Ви һатьн у
 готьнә Ви: «Тө зани гава ферь-
 сийа әв хәбәр бьһист, дьле ван
 ма?» 13 Әһи ль ван вәгәр'анд у
 гот: «Һәр дара кө Баве Мьни
 Ә'змана данәч'ькандийә, һе
 жь к'окева бе р'акьрне. 14 Жь
 ван вәгәр'ьн! Әһә кор ьн у
 р'ебәре кора нә. Һәгәр кор р'е-
 бәрийе кора бькә, һәр дөйе жи
 бьк'әвьнә ч'ә'ле». 15 Пәтрус ле
 вәгәр'анд у готе: «Ве мәсәле
 мәр'а шьровәкә».

16 Иса гот: «Һун жи һәла һе
 фә'м накьн? 17 Чьма һун фә'м

накьн, чь кө дьчә дев, дәрбази
 нав-дъл дьбә у дәрдык'әвә дәр-
 ва? 18 Ле әһ тыштед кө жь дев
 дәртен, әһ жь дьл дәртен у һәма
 әв ьн кө мерьв дьһ'эр'ьминьн.
 19 Чьмки жь дьл^ф фькьред хьраб,
 көштьн, зьнек'ари, қави, дьзи,
 дәрәһи, бөхдан дәртен. 20 Әв
 ьн кө мәрьва дьһ'эр'ьминьн,
 ле дәстнәшушти нанхварьн
 мәрьва һаһ'эр'ьминә».

**Бавәрийа к'өлфәта
 кәнани^ф**
(Марқос 7:24-30)

21 Иса р'абужь һе дәре чу али-
 йе Сур у Сайде. 22 У ва к'өлфә-
 тәкә кәнани^ф жь ван дәра һат,
 кьрә гази у готә Ви: «Хөдан,
 Көр'е Давьд, мьн вәрә р'ә'ме.
 Қиза мьн щьна дьк'әвә, гәләки
 щәфе дьбинә». 23 Ле Әһи шаба
 һе нәда. Шагьртед Ви незики
 Ви бун һиви же кьрьн у готьн:
 «Тыштәки бежә һе, бьра дури
 мә к'әвә, чьмки пәй мә к'әтийә
 дькә қар'ә-қар'». 24 Әһи шаб да
 у гот: «Әз т'әне бона пәзед мала
 Израелейә ондабуйи һатьмә
 шандьне». 25 Ле әһ к'өлфәта
 һат хвә авитә ньге Ви у готе:
 «Хөдан, али мьн бькә!» 26 Әһи

* 15:9 Ишайа 29:13.

ль we вэгэр'анд у готе: «Эв нэ р'астэ, wэки нане бэр зар'а хьлдын у бавежынэ бэр са». ²⁷ Эве жи гот: «Бэле Хөдан, нэ сэ жи ван хурькед кө жь сьфра хwэйе ван дьк'эвьнэ э'рде дьхwьн?» ²⁸ Wi чахи Иса ле вэгэр'анд у готе: «Э'вде, бawэрийа тэ мэзын э. Бьра анэгори хwэстына тэ тэр'а бэ». Hэма жь we дэме қиза we қэнщ бу.

Qэнищкьрына гэлэка

²⁹ Иса жь wьр чу бэр гола Щэлиле, р'абу сэре ч'ийе р'унышт. ³⁰ Э'лалэтэкэ гьран hatэ шэм Wi, кө т'эви хwэ гэлэк сэқэт, кор, лал, шылушэ'т у нэхwөшед майин анибун у авитьнэ бэр п'ийед Иса. Эви жи эw қэнщ кьрын. ³¹ Гава э'лалэте дит кө лала хэбэр дан, шылушэ'т қэнщ бун, сэқэт гэр'ийан у ч'э'ве кора вэбун, зэндэгьрти ман у пэсьне наве Хwөдейе Исраеле дан.

Иса чар h'эзара т'ер дькэ

(Марқос 8:1-10)

³² Иса гази шагьртед Хwэ кьр у гот: «Гөне Мьн ве э'лалэте те. Эва се р'ож э т'эви Мьн э у тыштэки вани хварьне т'өнэ. Эз нахwазьм ван бьр'чи вэр'екьм кө р'ева дьле ван хwэва

hэр'э». ³³ Шагьртед Wi жер'а готьн: «Ль ве бэр'ийе эме жь к'ө haқас нан биньн, wэки эве э'лалэта гьран т'ер кьн?» ³⁴ Иса ванар'а гот: «Чэнд нане wэ hэнэ?» Wана гот: «H'эфт нан у чэнд мэ'сийед хур».

³⁵ Иса э'мьр кьр кө э'лалэт сэр э'рде р'уне. ³⁶ Эви hэр h'эфт нан у эw мэ'си хьлдан шыкьри да у кэркьрын. Паше данэ шагьрта, шагьрта жи данэ э'лалэте. ³⁷ H'эмуйа жи т'ер хвар у h'эфт зэмбил жи т'ьжи хурькед бэрмаи бэрэв кьрын. ³⁸ Эвед кө хварьн, пештьри жьн у зар'а, wэкэ чар h'эзар мери бун. ³⁹ Паше Эви э'лалэт вэр'екьр, к'этэ қэйкэке у hatэ синоре Мэгэдане.

К'эрэмэтэке чава нишан

жь э'змен дьхwазьн

(Марқос 8:11-13;

Луқа 12:54-56)

16 ¹Ферьси у садуқи hatьнэ шэм Wi кө Wi быщер'ьбиньн у же хwэстын кө жь э'змана нишанэке нишани вана кэ. ²Эви ль ван вэгэр'анд у гот: «Гава дьбэ евар, хун дьбежьн: <Hэwa we хwэш бэ, чьмки э'зман сор буйэ». ³Ле сэре сьбэне дьбежьн: <Иро hэwa we хwэш

нибэ, чьмки э'зман хōмам у сор э». Һун р'уйе э'змен э'нэнэ дькын кō һэвайе чава бэ, ле нишанед зэмана э'нэнэ накын*. ⁴Ньсьле хьраб у хальфи нишанэке дь-хвазэ, ле жер'а нишанэкэ дьн найе дайине, пештьри нишана Уньс п'эхэмбэр». У Эви эв һыштын у чу.

**Һэвиртьр'шке ферьси
у садуқийа**

(Марқос 8:14-21)

⁵ Гава шагъртед ви дэрбази ви али бун, бир кьрын хвэр'а нан һьлдана. ⁶Иса ванар'а гот: «Мьрати хвэ бьн, һ'эвза хвэ жь һэвиртьр'шке ферьси у садуқийа бькьн». ⁷Ле эвана нав һэвда хэбэр дьдан у дьготын: «Нане мэ т'өнэ, лэма аһа дьбежэ». ⁸Ле эв йэк Исава э'йан бу у гот: «Кем-бавэрно! Һун чьма нав һэвда хэбэр дьдьн, кō нане вэ т'өнэ? ⁹Һун һе фэ'м накын? Найе бира вэ, чава пенщ нана т'ера пенщ һ'эзар мэрьва кьр у вэ чэнд сэлэ бэрмайи һьлдан? ¹⁰У һ'эфт нана жи т'ера чар һ'эзар мэрьва кьр у вэ чэнд зэмбил бэрмайи

һьлдан? ¹¹Һун чава фэ'м накын, вэки Мьн бона нан вэр'а нэгот? Ле бона һе йэке, кō һун һ'эвза хвэ жь һэвиртьр'шке ферьси у садуқийа бькьн».

¹²Шагърта һьнге фэ'м кьр, вэки Эви бона һэвиртьр'шке нан ванр'а нэгот, кō һ'эвза хвэ бькьн, ле жь һинкьрьна ферьси у садуқийа.

**Пэтрус шэ'дэтийе
ль сэр Иса дьдэ**

(Марқос 8:27-30; Лука 9:18-21)

¹³Иса чу алийе Қэйсэрийа Филипойе у жь шагъртед Хвэ пьрси: «Бь т'эхмина мэрьва Көр'е Мерьв к'и йэ?» ¹⁴Вана гот: «Һьнэк дьбежьн <Йуһ'эннайе нь-хөмдар э>, һьнэкед дьн дьбежьн <Елийас э>, ле һьнэкед майин жи дьбежьн <Йерэмийа йэ, йан жи йэк жь п'эхэмбэра йэ>».

¹⁵Эви жь ван пьрси: «Ле һун чь дьбежьн? Бь т'эхмина вэ Эз к'и мэ?» ¹⁶Шьмһ'ун-Пэтрус ле вэгэр'анд у готе: «Тө Мэсиһ и, Көр'е Хвэдейе сах». ¹⁷Иса ле вэгэр'анд у готе: «Хвэзи ль тэ, Шьмһ'уне көр'е Йуһ'энна*,

* ^{16:3} Нав һьнэк дэстньвисарада жь р'еза 2-а һ'эта йа 3-а т'өнэйэ.

* ^{16:17} Бь йунани хэбэр бь хэбэр «көр'е Йона» ньвисар э. Бь зьмане арами «Йона» көрткьрьна наве «Йуһ'энна» у «Уньс» э.

чъмки хун у гошт эв йэк э'йани тэ нэкьрын, ле Баве Мьни э'з-мана. ¹⁸Эз тэр'а дьбежъм, кӧ тӧ Пэтрус* и, ава готи қәйак и у ль сэр ви қәйайи Эзе щьвина^ф Хвэ чекъм у қәвата мьрне ве пе нькарьбә. ¹⁹У Эзе к'ьлитед П'адшатийа Э'змана бьдъмә дәсте тә у чь кӧ тӧ ль сэр э'рде гьреди, э'зманада жи ве гьредаий бә у чь кӧ тӧ ль сэр э'рде вәки, э'зманада жи ве вәкьри бә».

²⁰Һынге Иса т'эми шагьртед Хвэ кьр, вәки кәсир'а нәбежьн, кӧ Эв Мәснһ э.

**Иса дәрһәқа шәфа
у мьрна Хвәда дьбежә**

(Марқос 8:31–9:1;

Луқа 9:22–27)

²¹Пәй ве йәкер'а Иса дәстпекьр шагьртед Хвәр'а э'йан кьр кӧ гәрәке Эв һәр'ә Оршәлиме, жь алийе р'успийа^ф, сәрәкед к'аһина у қанунзанада гәләк шәфа бьк'ьшинә у бе кӧштъне, ле р'ожа сьсийа жь мьрне р'абә.

²²Ле Пэтрус Эв да алики, ле һьлат у готе: «Дури һьндава Тә, Хӧдан! Эв тышт т'ӧ шар ль Тә нәқәшьмә!» ²³Иса сэр Пэтрус-

да вәгәр'ийа у готе: «Жь бәр ч'ә'ве Мьн бәтавәбә, Щьно! Тӧ бона Мьн п'ьшкбун и, чъмки эв нет-фькьра тә нә жь Хвәде йә, ле жь мәрьвайе йә».

²⁴Һынге Иса шагьртед Хвәр'а гот: «Һәгәр йәк дьхвәзә ль пәй Мьн бе, бьра хвә инк'ар кә, хаче хвә һьлдә у ль пәй Мьн бе.

²⁵Чъмки к'и кӧ дьхвәзә э'мьре хвә хьлаз кә, әве онда кә у к'и кӧ э'мьре хвә бона Мьн онда кә, әве бьбинә. ²⁶Чь фәйдә һәгәр мәрвь т'эмамийа дьнйайе қазьнщ кә, ле э'мьре хвә онда кә? Йан жи мәрвь чь дькарә бәр э'мьре хвәва бьдә? ²⁷Чъмки Кӧр'е Мервь ве бь р'умәта Баве Хвә т'әви мьляк'әтед Хвә бе. Һынге ве анәгори э'мәлед һәр кәси бьдә ван*. ²⁸Эз р'аст вәр'а дьбежъм, һьнәкед ль вьр сәкьни һәнә ве мьрне нәбиньн, һ'әта кӧ Кӧр'е Мервь бь П'адшатийа Хвәва те нәбиньн».

**Шагьрт Иса нава нур
у р'умәтеда дьбиньн**

(Марқос 9:2–13; Луқа 9:28–36)

17 ¹Пәй шәш р'ожар'а Иса т'әви Хвә Пэтрус, Ақуб

* ^{16:18} «Пэтрус» бь змане йунани те фә'мкьрне: «Қәйа» йан «кәвьр».

* ^{16:27} Зәбур 62:12.

у бьре ви Йуһ'энна һьлдан у р'акьрьнэ ч'ийаки бьльнд, ль вьр эв т'эне бун. ² Ёнгге р'энге Ви ль бэр ч'э'ве ван һатэ гөһастьне. Р'уйе Ви мина тэ'ве бьрьци у к'ьншед Ви жи мина нуре чил-қарқаш бун. ³ Ёшкева Муса у Елйас ванва хөйа бун у т'эви Ви хэбэр дан. ⁴ Ёнгге Пэтрис Исар'а гот: «Хөдан! Чава р'ьнд э кө эм вьр ьн! Ёгэр Тө бьхвази, эзе се һ'олька ль ве дэре чекьм, йэке Тэр'а, йэке Мусар'а, йэке жи Елйаср'а».

⁵ Эви һе хэбэр дьда, ньшкева э'врэки р'онайи һат у сэр ван кьрэ си, дэнгэк жь э'вр һат у гот: «Эв э Көр'е Мьни дэлаһ, кө Эз же р'азии мә. Гөһдариһа Ви бькьн!» ⁶ Гава шагьрта эв дэнг бьһист, дэвэр'уйа чун у р'ьсасе эв гьртьн. ⁷ Ле Иса незикии ван бу, дэст да ван у гот: «Р'абьн, нэтьрьсьн». ⁸ Вана жи сэре хвэ бьльнд кьр у пештьри Иса кэсэк нэдитьн.

⁹ Чахе жь ч'ийе дьһатьнэ хва-ре, Иса т'эми да ван у гот: «Эв дитьна кө вэ дит кэсир'а нэбежьн, һ'эта кө Көр'е Мервь жь нав мьрийа р'анэбэ». ¹⁰ Шагьртед Ви же пьрсин: «Ле чьма қанунзан

дьбежьн пешийе гэрэке Елйас бе?»* ¹¹ Иса ль ван вэгэр'анд у гот: «Р'аст э, пешийе Елйасе бе у һэр тышти ве диса бинэ ши. ¹² Ле Эз вэр'а дьбежьм, кө Елйас һатийэ жи, ле эв нас нэкьрьн у чава кө хвэстьн, өса сэре ви кьрьн. Ве өса жи сэре Көр'е Мервь бькьн».

¹³ Ёнгге шагьрта фэ'м кьр, кө бона Йуһ'эннайе ньхөмдар ванар'а гот.

Иса көр'ькэки шьнак'эти қәнш дькэ

(Марқос 9:14-29;

Луқа 9:37-43а)

¹⁴ Чахе һатьнэ шэм э'лалэте, мэрвьэк незикии Иса бу, бэр чок да у готе: ¹⁵ «Хөдан, ль көр'е мьн вэрэ р'э'ме! Эв һиве^ф дьк'эвэ у гэлэки шэфа дьбинэ. Шарна дьк'эвэ нава агьр у шарна жи нава аве. ¹⁶ Мьн эв ани шэм шагьртед Тэ, ле вана нькарьбу эв қәнш кьра». ¹⁷ Иса гот: «Ньсьле нэбаһэр у хальфи! Ё'эта к'энге Эзе т'эви вэ бьм? Ё'эта к'энге Эзе вэ сэбьр кьм? Эви биньнэ вьр шэм Мьн». ¹⁸ Иса ле һьлат, шьн же дэрк'эт, көр'ьк пер'а-пер'а қәнш бу.

* 17:10 Малахи 4:5.

¹⁹ Ынге шагьрт т'эне хатьнэ щэм Иса у же пьрсин: «Мэ чьма нькарьбу эw шьн дэрхьста?»
²⁰ Иса готэ ван: «Бона кем-бавэрийа вэ. Эз р'аст вэр'а дьбежым, хэгэр бавэрийа вэ вэкэ һ'эбэкэ т'охьме хэрдале һэбэ, хуне ви ч'ийайир'а бешьн: <Жь вьр дэрбази ви али бэ!> у we дэрбаз бэ. У бона вэ тыштэки нэбуйине we т'өнэбэ.
²¹ Ле эв щьсьне һа пе тыштэки дьн дэрнайе, пештьри бь дөа у бь р'ожийа»*.

**Иса диса дэрһөа
 мьрна хвэда дьбежэ**

(Марқос 9:30-32;
 Лука 9:43б-45)

²² Гава шагьрт Щэлилела шьвийан, Иса ванар'а гот: «Көр'е Мерьв we бьк'эвэ дэсте мэрьва, ²³ эwe Ви бькөжьн, ле р'ожа сьсийа we р'абэ». У эвана гэлэки бэр хвэ к'этын.

Хэршдайна п'арьстгөһе

²⁴ Чахе эw хатьнэ Көфэрна-һуме, хэршгьред дөзиве бона п'арьстгөһе* хатьнэ щэм Пэтрус

у готьне: «Дэрсдаре вэ хэрше дөзиве надэ?»²⁵ Эwi гот: «Бэле». Чахе Пэтрус хатэ мале, пешийе Иса жь wi пьрси: «Шьмһ'ун! Тө чава т'эхмин дьки? П'адшед дьнайе хэрш йан бац жь к'е дьстиньн, жь бажарванед хвэ, йан жь хэриба?»²⁶ Пэтрус готе: «Жь хэриба». Иса готэ wi: «Кө өса йэ бажарван аза нэ. ²⁷ Ле вэки эм ван п'ышк^ф нэжьн, һэр'э голе шэwке бавеже у мэ'сийе пешьн кө дэрдьк'эвэ, бьгьрэ дэве wi вэкэ у те налэки чарзиве бьбини. Эwi һьлдэ, дэwса Мьн у хвэ бьдэ ван».

К'и йэ йе һэри мэзын?

(Марқос 9:33-37; Лука 9:46-48)

18 ¹Wi чахи шагьрт хатьнэ щэм Иса у готьне: «Ль нав П'адшатийа Э'зманада к'и йэ йе һэри мэзын?»² Иса зар'окэк гази щэм Хвэ кьр, эw нав ванда да сэкьнандьне ³у гот: «Эз р'аст вэр'а дьбежым, хэгэр хун вэнэгэр'ьн у нэбьнэ мина зар'ока, хун т'ө шар на-к'эвьнэ П'адшатийа Э'змана.

* ^{17:21} Нав дэстньвисаред һэрэ қөншда р'еза 21-е т'өнэ.

* ^{17:24} Ль гора Қануна Муса налэки «дөзиве» чава хэрш бона п'арьстгөһе дьдан (Дэрк'этын 30:13).

⁴Ава к'и кӧ мина ве зар'оке хвэ бьч'ук кэ, эв э йе һәри мэзын П'адшатиа Э'зманада. ⁵У к'и кӧ зар'окэкэ аһа бь наве Мьн қәбул кэ, эв Мьн қәбул дькэ.

Жьр'едәрхьстын

(Марқос 9:42-48; Луқа 17:1-2)

⁶Ле к'и кӧ жь ван бьч'ука йәки, йе кӧ бавәрийа хвэ Мьн тинэ жь р'е дәрхэ, бир'а һе қәнш э, вәки бәрәшәк стуйе вива бе гьредане у бьне бә'реда бьхәньқә. ⁷Вәй ль дьнйайе, бона әвед кӧ мәрьва жь р'е дәрдьхьн. Набэ кӧ эв тышт нәбьн, ле вәй ль ви кӧ мәрьв бь ви жь р'е дьк'эвьн.

⁸Һәгәр дәсте тә йан ньге тә, тә жь р'е дәрхэ, ви жекэ у жь хвэ бавежә. Бона тә һе қәнш э кӧ тӧ қоп йан сәқәт бьк'эви жийине, нә кӧ дӧ дәст йан дӧ ньгед тә һәбьн у бейи авитьне нава агьре һ'эта-һ'этайе. ⁹У һәгәр ч'э'ве тә, тә жь р'е дәрдьхэ, ви дәрхэ у бавежә. Бона тә һе қәнш э кӧ тӧ бь ч'э'вәки бьк'э-ви жийине, нә кӧ бь дӧ ч'э'ва бейи авитьне нава агьре доже.

Мәсәла пәза ӧндабуйи

(Луқа 15:3-7)

¹⁰Һаш жь хвэ һәбьн кӧ һун жь ван бьч'ука йәки бехӧрмәт нәкьн, чьмки Эз вәр'а дьбежьм, кӧ мьляк'әтед ван ль э'змана т'ьме р'уйе Баве Мьни э'змана дьбиньн. ¹¹Кӧр'е Мерьв һат кӧ йе ӧндабуйи бьгәр'э у хьлаз кә*.

¹²Һун чава т'әхмин дькьн? Һәгәр сәд пәзед мәрьвәки һәбьн у йәк жь ван ӧнда бә, әве нод нәһа нәһелә ч'ийа-банийа у нәчә кӧ йа ӧндабуйи бьгәр'ә?

¹³Ле гава бьбинә, эз р'аст вә-р'а дьбежьм, әве бона ве һе гәләки ша бә, нә кӧ бона нод нәһед дьнә кӧ ӧнда нәбунә.

¹⁴Ӧса жи Баве вәйи* э'змана нахвәзә кӧ жь ван бьч'ука йәк ӧнда бә.

Бьре кӧ гӧнә дькә

(Луқа 17:3)

¹⁵Һәгәр бьре тә нәһәқийе ль тә* бькә, гава тӧ у эв т'әне нә, ви ширәт кә. Һәгәр әви гӧһдарийа тә кьр, иди тә бьре хвэ қазьнш кьр. ¹⁶Ле һәгәр

* 18:11 Нав дәстньвисаред һәрә қәншда р'еза 11-а т'ӧнә.

* 18:14 Нав һьнәк дәстньвисарада дәвса «вә» «Мьн» һәйә.

* 18:15 Нав һьнәк дәстньвисарада «ль тә» т'ӧнә.

гөһдари́я тә нәкър, йәки йан дөдөйед дьн жи т'эви хвә һьлдә, вәки: «Бь дәве дө йан се шә'да һәр тышт избат бә»*. 17 Ле һәгәр әви гөһдари́я ван жи нәкър, шьвинер'а^ф бежә. У һәгәр гөһдари́я шьвине жи нәкър, бьра әв бона тә бьбә мина п'утп'арьст у хәршгьра.

18 Эз р'аст вәр'а дьбежым, чь кө һун сәр әрде гьредьн, ль ә'мен жи ве гьредаи бә у чь кө һун ль сәр әрде вәкьн, ль ә'мен жи ве вәкьри бә.

19 Диса Эз р'аст вәр'а дьбежым, һәгәр дөдө жь вә ль сәр әрде бь т'ьфақ бона тыштәки дөа бькьн у бьхвазьн, Баве Мьни ә'мана ве бьдә вә. 20 Чьмки к'идәре дө йан се мәрвь бь наве Мьн бьщвьн, Эз ль вьр нава ванда мә».

Мәсәла бона бахшандьн у нәбахшандьне

21 Ынге Пәтрус незики Ви бу у готе: «Хөдан. Гава бьре мьн нәһәқийе ль мьн бькә, гәрәке эз чәнд щара бьбахшиньме,

һ'эта һ'әфт щара?» 22 Иса готә ви: «Эз набежымә тә һ'эта һ'әфт щара, ле һ'эта һ'әфте щара һ'әфт*». 23 Чьмки П'адшати́я Ә'мана мина ве йәке йә: П'адшаки хвәст т'эви хөламед хвә һәқ-һ'әсабе хвә р'аст кә. 24 Гава дәст бь һ'әсаба кьр, йәк анинә щәм ви, кө дәһә һ'әзар тәланти* дәйндаре ви бу. 25 Ле чьмки нькарьбу дәйне хвә бьда, хвәйе ви ә'мьр кьр, кө әв, жьна ви, зар'ед ви у һ'әму һәбука ви бенә фьротане, кө дәйне ви бе дайине. 26 Ынге хөлам дәвәр'уйа чу ньге ви, лава же кьр у гот: «Ль мьн сәбьр кә. Эзе һ'әму жи ль тә вәгәр'иньм». 27 Гөне хвәйе ви ль ви һат, әв бәр'да у дәйне ви жи бахшанде.

28 Ле чахе әв хөлам дәрк'әт, р'асти хөлам-һәваләки хвә һат кө сәд зиви^ф* дәйндаре ви бу, дәст кьрә хәнәфе у готе: «Тө чьқаси дәйндаре мьн и бьдә!» 29 Ынге һәвалә хөлам хвә авитә ньге ви, же лава кьр у готе: «Ль мьн сәбьр кә. Эзе ль тә вәгәр'иньм». 30 Ле әви

* 18:16 Қануна Дөщари 19:15.

* 18:22 Аһа жи те фә'мкьрьне: «Һ'әфте у һ'әфт».

* 18:24 Қимәте тәлантәки һәфе п'аләки панздәһ сала зедәтьр бу.

* 18:28 Қимәте зивәки вәкә р'ожхәбатәкә п'ала бу.

gōh нэда ви, чу әв авитә кәле, һ'әта кӧ әв дәйне хвә бьдә. ³¹ Чахе хӧлам-һәвалед вийә дьн әв йәк дитьн, гәләки бәр хвә к'әтн у чун хвәйе хвә-р'а тыштед кӧ қәвмибу гьли кьрн. ³² Ђнге ахайе ви газиви кьр у готе: «Хӧламе хьраб! Мьн һ'әму дәйне тә бахшандә тә, бона we йәке кӧ тә лава жь мьн кьр. ³³ Ле жь тә нәдк'әт кӧ тӧ жи ль хӧлам-һәвале хвә бьһатайи р'ә'ме чава кӧ әз тә һатьмә р'ә'ме?» ³⁴ У ахайе ви һерс к'әт, әв да дәсте зӧлмдаред кәле, һ'әта кӧ һ'әму дәйне хвә вәгәр'инә. ³⁵ Ӗса жи Баве Мьни Әзманә we ль сәре вә һәр йәки бькә, һәгәр һун бь дьл нәбахшиньнә бьре хвә».

Пьрса жьнбәр'дане

(Марқос 10:1-12)

19 ¹ Чахе кӧ Иса әв хә-бәр сәр һәвда анин, жь Щәлиле дәрк'әт һатә синоре Щьһустане, ви али ч'әме Урдӧне. ² Гәләк ә'лаләт ль пәй

Ви чун у Әви ль we дәре әв қәнщ кьрн. ³ Жь ферьсийа һьнәк незики Ви бун у бона шер'ьбандьне же пьрсин: «Гәло ль гора Қануне р'аст ә, кӧ бона һәр мә'нике мер жьна хвә бәр'дә?» ⁴ Әви шаба ван да у гот: «Wә нә хвәндийә, сәре серида Ә'фьрандар әв қьсьме мер у жьнеда хӧльқандьн?»* ⁵ у гот: «Бона ве йәке мер we де у баве хвә бьһелә, хвә ль жьне бьгьрә у һәр дӧ we бьбьнә бәдәнәк»*. ⁶ Ава иди әв нә дӧдӧ нә, ле бәдәнәк ьн. Бона ве йәке әвед кӧ Хвәде кьрнә йәк, бьра мәрв жь һәвдӧ нәқәтинә».

⁷ Вана жер'а гот: «Ле чьма Муса т'әми кьр, кӧ мер к'ахаза жьнбәр'дане бьдә жьне у we бәр'дә?»* ⁸ Әви ль ван вәгәр'анд у гот: «Муса жь дәст сәрһ'ьшки-йа вә изьн да вә кӧ һун жьнед хвә бәр'дн. Ле сәрида нә ӧса бу. ⁹ Әз вәр'а дьбежьм, к'и кӧ бе сәбәбийа қавийе жьна хвә бәр'дә у йәкә дьн бьстинә, әв зьнек'арийе дькә»*.

* 19:4 Дәстпобун 1:27; 5:1-2.

* 19:5 Дәстпобун 2:24.

* 19:7 Қануна Дӧщари 24:1-4.

* 19:9 Нав һьнәк дәстнвисарада әв жи һәйә: «У к'и кӧ йа бәр'даийи бьстинә зьнек'арийе дькә».

¹⁰ Шагъртед Ви жер'а готын: «Һэгэр нав жьн у мердагыштэки аһа һэйә, һе қәнш ә вәки қәт нәзәвьшын». ¹¹ Иса ванр'а гот: «Һәр кәсир'а әв йәк дәст надә, ле т'әне ванр'а к'ижанар'а һатийә дайине. ¹² Чьмки нәмер^ф һәнә, кә жь зькмакийеда өса бунә у нәмер жи һәнә, кә жь дәсте мәрьва бунә нәмер у нәмер жи һәнә, кә бона П'адшатийа Ә'змана вана хвә нәмер кьрын. К'ер'а әв йәк дәст дьдә, бьра өса жи бькә».

Иса дөа зар'ока дькә

(Марқос 10:13-16;

Луқа 18:15-17)

¹³ Ынге зар'ок анинә шәм Иса, кә дәстед Хвә дайнә сәр ван у дөа ль ван бькә. Ле шагъртед Ви ль йед данин һьлатьн. ¹⁴ Иса гот: «Бьра әв зар'ок бенә шәм Мьн, пешийа ван нәгьрын, чьмки П'адшатийа Ә'змана п'ара йед өса йә». ¹⁵ У Иса дәстед Хвә данинә сәр ван у жь вьр чу.

**Хортәки дәвләти ль жийина^ф
һ'әта-һ'әтайе дьгәр'ә**

(Марқос 10:17-31;

Луқа 18:18-30)

¹⁶ Ынге йәк незики Ви бу у готе: «Дәрсдар! Әз чь қәншийе бькьм, вәки жийина һ'әта-һ'әтайе вар бьм?» ¹⁷ Әви жер'а гот: «Тө чьма бона қәншийе жь Мьн дьпьрси? Т'әне Йәки қәнш һэйә. Ле һэгәр тө дьхвази, бьк'әви жийина һ'әта-һ'әтайе, т'әмийед Хвәде хвәй кә». ¹⁸ Әви жь Иса пьрси: «К'ижан ьн?» Иса готе: «Нәкөжә, зьнек'арийе нәкә, нәдзьә, шә'дәтийа дәрәв нәдә, ¹⁹ қәдыре де у баве хвә бьгьрә* у һәвалә хвә вәкә хвә һ'ыз бькә**». ²⁰ Хорт жер'а гот: «Мьн әв һ'әму хвәйи кьрынә. Иди чь кемасийа мьн һэйә?» ²¹ Иса готе: «Һэгәр тө дьхвази к'амьл би, һәр'ә һәбука хвә бьфьрошә бьдә фәқири, һнге хьзна тә ве ль ә'змана һәбә. У пәй мьн вәрә». ²² Гава хорт әв хәбәр бьһистьн, бәр хвә к'әт у чу, чьмки гәләк һәбука ви һәбу.

* 19:17 Нав һьнәк дәстньвисарада аһа йә: «Тө чьма Мьнр'а қәнш дьбежи?»

* 19:19 Дәрк'әтын 20:12-16; Қануна Дөшари 5:16-20.

** 19:19 Қануна К'аһинтийе 19:18.

23 Һынге Иса готә шагъртед Хwә: «Эз р'аст wәр'а дьбежъм, дәвләтийар'а зә'мәт ә кә бь-к'эвнә П'адшатийа^ф Ә'змана. 24 Эз диса wәр'а дьбежъм, дәвә we қола дәрзийер'а he р'һ'әт дәрбаз бә, нә кә дәвләти бь-к'эвә П'адшатийа^ф Хwәде». 25 Гава шагърта әв йәк бьхист, гәләки ә'щәбмайи ман у готын: «Иди к'и дькарә хьлаз бә?» 26 Иса ль ван ньһер'и у гот: «Әw тышт жь дәсте мерьв найе, ле Хwәде һәр тышти дькарә бькә».

27 We гавә Пәтрус ле вәгә-р'анд у готе: «Аwa мә һ'әму тышт һьштиә у пәй тә һа-тънә, ле ахьрийа мә we чава бә?» 28 Иса готә ван: «Эз р'аст wәр'а дьбежъм, гава Көр'е Мерьв Дьнйа Нуда ль сәр т'әхте Хwәйи р'умәт р'унә, һунед кә ль пәй Мьн тен, сәр донздәһ к'өрсийа р'унен у диwana донздәһ қәбилед^ф Исраеле бькьн. 29 У һ'әмуийед кә мала хwә, йан бьред хwә,

йан хушкәд хwә, йан бавә хwә, йан дийа хwә, йан жьна хwә*, йан зар'ед хwә, йан ә'рдәд хwә бона навә Мьн һьштнә, әwe сәд қат бьстинә у we жийина һ'әта-һ'әтайе жи war бә. 30 Ле гәләкәд пеш we бьбьнә паш у йед паш we бьбьнә пеш».

**П'алед р'әзед^ф тьрийа
у һәқе wan**

20 1 «П'адшатийа Ә'змана мина ве йәке йә: Мә-рьвәки хwәйимьлк' сьбәһе зу р'абу, wәки бона р'әзе^ф тьри-йед хwә п'ала бьгьрә. 2 Әwi п'алар'а р'оже зивәк қьрар кьр у әw шандьнә нава р'әзе хwә. 3 Незики сьһ'әта нәһа* дәрк'әт, һьнәкәд дьнә кә ба-зарәдә бәтал сәкьнибун дитьн 4 у готә ван: «Һун жи һәр'ьнә нава р'әзе мьн у чь һәқе wә йә, әзе бьдьмә wә». Әw жи чун. 5 Диса сьһ'әта донздәһа у сьһ'әта сьсийа дәрк'әт у оса кьр. 6 У незики сьһ'әта пенша дәрк'әт, һьнәкәд дьн жи кә

* 19:29 Нав гәләк дәстньвисаред һәрә қәншда «йан жьна хwә» т'өнә.

* 20:3 Бь йунани хәбәр бь хәбәр аһа йә: «Сьһ'әта сьсийа». Ле wi чахи ль гора ә'дәте шьһуйа сьһ'әта сьсийа бь сьһ'әта иройин сьһ'әта нәһайә сьбәһе зу йә. Бона шьһуйа, һынге сьһ'әт дәрк'әтьна р'ожева дәстпедьбу. Оса жи әв шьровәкьрын бона р'еза 4-а һ'әта 9-а йә.

бэтэл сэкьнибун дитьн у готэ ван: «Чьма т'эмамыйа р'оже һун ль вьр бэтэл сэкьнинэ?»⁷ Вана жер'а гот: «Кэсэки эм п'алэ нэгьртън». Эви вана-р'а гот: «Һун жи һэр'ьнэ нава р'эзе мьн».

⁸ Гава р'о чу ава, хвэйе р'эз вэк'иле мала хвэр'а гот: «Гази п'ала кэ, һэфе ван бьде, жь йед пашьн дэстпекькэ һ'эта йед пешьн». ⁹ Эв п'алед кэ сьһ'эта пенша гьртъбун, һатън у һэр йэки зивэк станд. ¹⁰ Гава йед пешьн жи һатън, вана т'ьре эве зедэ бьстиньн. Ле вана жи һэр йэки зивэк станд. ¹¹ Гава һэфе хвэ стандьн, һьндава хвэйе р'эзда бина хвэ тэнг кьрьн у готън: ¹² «Мэ т'эмамыйа гьрания р'оже у гэрма ве к'ьшанд, ле эвед пашвэхтийе кэ һатън сьһ'этэке жи нэхэбьтин, тэ эв һьмбэри мэ кьрьн». ¹³ Малхе жь ван йэкир'а гот: «Һэвал! Эз нэһэдийе ль тэ накьм. Тэ мьнр'а зивэки қайл нэбууй?» ¹⁴ Һэфе хвэ бьстинэ у һэр'э. Эз дьхвазьм чава кэ мьн да тэ, өса жи бьдьмэ эве пашьн. ¹⁵ Йан изьна мьн ль сэр мале

мьн т'өнэ, чь кэ эз бьхвазьм ве жи бькьм? Йан тэ һ'эвсудийе дьки, кэ эз мэр'д ьм?»

¹⁶ Бь ви авайи йед паш ве бьбьнэ пеш у йед пеш ве бьбьнэ паш*».

Иса щара сьсийа дэрһэқа мьрьна хвэда дьбежэ

(Марқос 10:32-34;

Луқа 18:31-34)

¹⁷ Чахе Иса һьлдьк'ьшийа Оршэлиме, т'эне һэр донздэһ шагьртед Хвэ т'эви Хвэ бьрьн у р'еда готэ ван: ¹⁸ «Бьбьһен! Эм һэвраз дьчьнэ Оршэлиме. Көр'е Мерьв ве бьк'эвэ дэсте сэрэкед к'аһина у қанунзана. Эве жер'а кэштъне дэрхьн ¹⁹ у Ви бьдьнэ дэсте нэщъһуйа, вэки қэрфе хвэ ль Ви бькьн, бьдьн бэр қамчийа у хач^ф кьн. Ле р'ожа сьсийа Эве жь мьрьне р'абэ».

Хвэстьна дийа көр'ед Зэбэди

(Марқос 10:35-45)

²⁰ Һьнге дийа көр'ед Зэбэди т'эви һэр дэ көр'ед хвэ һатэ щэм Иса, хвэ авитэ ньге Ви

* 20:16 Нав һьнэк дэстньвисарада эв жи һэйэ: «Чьмки газикьри гэлэк ьн, ле бьжарти һьндьк ьн».

тыштэк же дьхвэст. ²¹ Иса же пьрси: «Тө чь дьхвази?» Эве готэ Ви: «Бежэ, кө эв һәр дө көр'ед мьн ль нав П'адшатийа Тэда, йэк ль мьле Тэйи р'асте, йе дьн жи ль мьле Тэйи ч'эпе р'уне». ²² Ле Иса ль ван вэгэр'анд у гот: «Һун ньзаньн чь дьхвазын. Гэло һун дькарьн жь we к'асе вэхьын, йа кө Эзе вэхьым?*» Вана готэ Ви: «Бөле, эм дькарьн». ²³ Эви ванар'а гот: «Р'аст э һуне we к'аса Мьн вэхьын, ле изьна ль мьле Мьни ч'эп у р'асте р'уныштыне нэ дэсте Мьнда йэ. Эв ши бона ван ын, к'и-жанар'а алийе Баве Мьнда һатьнэ һазьркьрьне».

²⁴ Гава һәр дөһэ шагьртед дьн эв йэк бьхист, дьле ван жь һәр дө бьра ма. ²⁵ Ле Иса эв гази щэм хвэ кьрын у гот: «Һун заньн кө миред мьлэта сөрдэстийе ван дькьн у гьрэгьред ван һ'өкөми сөр ван дькьн. ²⁶ Ле нава вэда гэрэке өса нибэ. К'и кө нава вэда дьхвазэ бьбэ йе мэзын, гэрэке бьбэ бөрдэстийе вэ. ²⁷ У к'и кө

нава вэда дьхвазэ бьбэ пеш, гэрэке бьбэ хөламе вэ, ²⁸ чава кө Көр'е Мерьв нөһатийэ кө жер'а бөрдэстийе бькьн, ле вэки Эв Хвэха бөрдэстийе бькэ у э'мьре Хвэ бьдэ, кө гэлэка бьк'ьр'э».

Иса дө кора қәнш дькэ

(Марқос 10:46-52;

Луқа 18:35-43)

²⁹ Гава эвана жь Эриһайе дөрк'этын, э'лалэтэкэ гьран да пэй Ви чу. ³⁰ Ва дө кор сөр we р'е р'уныштыбун. Гава бьхистьн кө Иса дөрбаз дьбэ, кьрьнэ қир'ин у готьне: «Хөдан*, Көр'е Давьд, ль мө вөрэ р'э'ме». ³¹ Э'лалэте ль ван һьлат, кө дэнге хвэ бьбьр'ьн, ле вана һе кьрэ қир'ин у готьне: «Хөдан, Көр'е Давьд, мө вөрэ р'э'ме!» ³² Иса сэкьни, гази ван кьр у гот: «Һун чь жь Мьн дьхвазын кө Эз бона вэ бькьм?» ³³ Вана жер'а гот: «Хөдан, бьра ч'э'вед мө вэбьн». ³⁴ Гөне Иса ль ван һат у дэст дани сөр ч'э'вед ван. Дэстхвэда ч'э'вед ван дитьн, данэ пэй Иса чун.

* ^{20:22} Нав һьнэк дэстньвисарада эв жи һэйэ: «Йан бь we ньхөмандьне бенэ ньхөмандьне, кө Эзе бемэ ньхөмандьне?»

* ^{20:30} Нав һьнэк дэстньвисарада «Хөдан» т'өнэ.

**Иса бь р'умэт
дык'эвэ Оршэлиме**

(Марқос 11:1-11; Лука 19:28-38;

Йуһ'анна 12:12-19)

21 ¹Гава эв незики Оршэлиме бун, һатьнэ гонде Бэйтфаше, ч'ийайе^ф Зэйт'уне. Ынге Иса дө шагьртед Хвэшандьн ²у ванар'а гот: «Һәр'ьнэ ви гонде пешбэри хвэ у һуне к'эрэкэ гьредаи щэ'шьк бэр бьбиньн. Ван к'эра вэкьн биньнэ щэм Мьн. ³Һэгэр йэк вэр'а тыштэки бежэ, һун бежьн: «Хөданр'а лазьм ьн» у эве зу ван бышинэ».

⁴Эва өса қәшьми, кө эв готьна бь заре п'ехэмбэр бе сери:

⁵ «Бежьнэ бажаре Сийоне^ф: «Ва П'адше тэ те щэм тэ, бэрбьһер, ль к'эре у щэ'шька к'эре сийарбуйи*».

⁶Шагьрт чун у чава кө Иса т'эми дабу ван өса кьрьн. ⁷К'эр у щэ'шьк анин, к'ьнщед хвэ авитьнэ сэр ван у Эв ль ван

сийар бу. ⁸Э'лалэтэкэ гьран к'ьнщед хвэ сэр р'е р'адьхьстьн, һьнэка жи ч'ьқыле дара дыбьр'ин у сэр р'е р'адьхьстьн. ⁹Э'лалэта кө ль пешийа Ви у ль пэй Ви дьчу, дыкьрэ фир'ин у дьгот: «Һосанна^ф Көр'е Давьдр'а! Бьмбарэк э Эве кө бь наве Хөдан те!*

Һосанна Йе Һэри Жорьнр'а!***»
¹⁰Гава Иса к'этэ Оршэлиме, т'эмамия бажер һ'эжийа у пьрсин: «Эв к'и йэ?»
¹¹Э'лалэте гот: «Эва Исайе П'ехэмбэр э, жь Ньсрэта Щэлиле».

Иса п'арьстгәһеда

(Марқос 11:15-19; Лука

19:45-48; Йуһ'анна 2:13-22)

¹²Иса к'этэ п'арьстгәһе у һ'эмуйед кө п'арьстгәһеда т'өшарэти^ф дыкьрьн дәрхьстьн. Т'эхтед п'эрэгөһер'а у к'өрсийед кэвоткфьроша вөлгэр'андьн ¹³у готэ ван: «Ньвисар э: «Мала Мьн мала дөа we бе һ'эсабе*», ле вэ эв кьрийэ «шкэфта қачаха!***»

* 21:5 Зэкэрийа 9:9; Ишайа 62:11.

* 21:9 Зэбур 118:25-26.

** 21:9 Бь йунани хэбэр бь хэбэр аһа йэ: «Һосанна бьльндаийеда». «Бьльндайи» бэ'са шийе Хвэде дыкэ.

* 21:13 Ишайа 56:7.

** 21:13 Йерэмийа 7:11.

чьма эw бawэр нэкьр?» ²⁶ Ле хэгэр эм бежын: «Жь мэрьва бу», эм жь э'лалэте дьтърсын, чьмки х'эмуйа қэбул дькьр кö Йуһ'әнна п'ехэмбэр бу». ²⁷ Wана шаба Иса да у готын: «Эм нъзаньн». Эwi ванр'а гот: «Эз жи wэр'а набежым кö Эз бь чь х'өкөми ван кьра дькьм.

Мэсэла дө көр'а

²⁸ Һун чава т'эхмин дькьн? Дө көр'ед мэрьвэки хэбун. Эwi көр'е хwэйи мэзынр'а гот: «Лаво! Иро хэр'э нав р'эз, шьхөл бькэ». ²⁹ Эwi ле вэгэр'анд у гот: «Эз начьм», ле паше п'ошман бу у чу. ³⁰ Һьнге бав чу шэм йе дьн эwi жи аһа гот: «Бэле, эзе хэр'ым баво», ле нэчу. ³¹ Ньһа жь ван хэр дө көр'а к'ижани гөр'а^ф баве хwэ кьр?» Wана готэ Wi: «Йе мэзын». Иса жи готэ ван: «Эз р'аст wэр'а дьбежым, кö хэршгьр у ч'э'вдэр^ф we бэри wэ бьк'эвьнэ П'адшатийа Хwэде. ³² Чьмки Йуһ'әнна һат кö р'ийа р'астийе нишани wэ кэ, wэ эw бawэр нэкьр, ле хэршгьр у ч'э'вдэра эw бawэр кьрын. Wэ эв тышт дит жи, ле диса һунль хwэ мөкөр' нәһатын, кö wэ эw бawэр бькьра.

Мэсэла р'эзе тьрийа у р'эзвана

(Марқос 12:1-12; Лука 20:9-19)

³³ Мэсэлэкэ дьн жи бьбьһен. Мэрьвэки хwэйимьлк' хэбу, р'эзе тьрийа дани, дора we сур кьр х'эwзэки тьриһ'ынщьр'андьне теда к'ола, һеланэкэ нобэдара чекьр у эw бь к'ьре да р'эзвана, чу wэлатэки дьн. ³⁴ Гава wэхте бэрдайине незик бу, эwi хөламед хwэ шандьнэ шэм р'эзвана, wэки жь бэре р'эзе wi жер'а биньн. ³⁵ Р'эзвана хөламед wi гьртьн, йэк к'өтан, йе дьн кöштьн у йэки дьн жи данэ бэр кэвьра. ³⁶ Эwi хөламанэ дьн шандьн, жь йед пешьн гэлэктьр у wана оса жи анинэ сэре ван. ³⁷ Ахьрийе, көр'е хwэ шандэ шэм ван у гот: «Һьлбэт we жь көр'е мын шөрм бькьн». ³⁸ Ле гава р'эзван ч'э'в көр'е wi к'этын, хэвр'а готын: «Эв wаре wi йэ. Wэрын эм ви бькөжьн у бьбьнэ хwэйе мират'а^ф wi». ³⁹ У эw гьртьн жь р'эз дэрхьстьнэ дэр у кöштьн. ⁴⁰ Ле гава хwэйе р'эз бе, we чь сэре ван р'эзвана бькэ?» ⁴¹ Готьнэ Wi: «We қьр'а ван нәһақа бинэ у р'эз бьдэ р'эзванед оса,

йед кӱ we wәхтда бәре р'әзе
wi бьдье».

⁴² Иса готә ван: «Wә ньвиса-
реда қәт нәхвәндийә?

〈Әw кәвьре кӱ хоста т'әхсир^ф
кьр,

әw бу сәре ә'нишке^ф.

Әв йәк жь алийе Хӱданда
қәwьми

уль бәр ч'ә'ве мә һ'әйр-һ'ӱж-
мәк'ар ә!»*

⁴³ Бона ве йәке Әз wәр'а дьбе-
жьм, кӱ П'адшатийа Хwәде we
жь wә бе стандьне у мьләтәки
ӱсар'а бе дайине, wәки бона Wi
бәр бинә. ⁴⁴ К'и кӱ бьк'әвә сәр
ви кәвьри, we һурдәхwәши бә
у әw кәвьр бьк'әвә сәр к'е, we
wi бьһ'ьншьр'инә»*.

⁴⁵ Гава сәрәкед к'аһина у фе-
рьсийа мәсәлед Wi бьһистьн,
фә'м кьрьн кӱ Әw бона ван
дьбежә. ⁴⁶ Кьрьн кӱ Wi бьгь-
рьн, ле жь ә'лаләте тьрсийан,
чьмки Әw wәкә п'ехәмбәрәки
қәбул дькьрьн.

Мәсәла дә'wате

(Луқа 14:15-24)

22 ¹ Диса Иса бь мәсәла
ванар'а хәбәр да у гот:

² «П'адшатийа Ә'змана мина
ве йәке йә: П'адшаки дә'wата
кӱр'е хwә кьр. ³ Әwi хӱламед
хwә шандьн кӱ гази хwәндийед
дә'wате кьн, ле wана нәхwәс-
тьн бен. ⁴ Хӱламанә дьн шандьн
у гот: 〈Хwәндийар'а бежьн:
Мьн шанәга у һ'әйwanед хwә-
йә дәрмаликьри сәржекьрьнә
у нане хwә һазьр кьрийә, һәр
тьшт һазьр ә. Wәрьнә дә'wa-
те!» ⁵ Ле wана пышт гӱһе хwәва
авит, йәк чу ә'рде хwә у йе дьн
т'ӱшарәтийа^ф хwә. ⁶ Йед майин
жи хӱламед wi гьртьн, к'ӱтан у
кӱштьн. ⁷ Чахе п'адше бьһист,
һерс к'әт, ордийа хwә шанд қь-
р'а әвед кӱ хӱлам кӱштьн ани у
бажаре ван шәwьтанд. ⁸ Ынге
готә хӱламед хwә: 〈Дә'wat һазьр
ә, ле хwәнди нә һежа бун. ⁹ Р'а-
бьн һәр'ьнә сәре р'ийа у һун к'е
кӱ бьбиньн, т'әглифи дә'wате
кьн». ¹⁰ У әw хӱлам дәрк'әтьнә
сәре р'ийа, к'и кӱ дитьн, қәнш
у хьраб, т'әв шьвандьн у мала
дә'wате бь хwәндийава т'ьжи бу.

¹¹ Ле гава п'адша чу һьндӱр'
кӱ хwәндийа бьбинә, мәрвьәк
ль wьр дит кӱ к'ьнше дә'wате
ле т'ӱнәбу ¹² у готә wi: 〈Һәвал!

* ^{21:42} Зәбур 118:22-23.

* ^{21:44} Нав һьнәк дәстньвисарада р'еза 44-а т'ӱнә.

Тө чава бе к'ынше дэ'вате к'э-ти вьр? Эви дэнг нэкьр. ¹³We гаве п'адше бэрдэстийар'а гот: <Дэст у п'ийе ви гьредьн, бьгьрн бавежьнэ тэ'рийа дэрва. Ль вьр we бьбэ қир'ин у ч'ьр-кэ-ч'ьрка дьрана>.

¹⁴Ава газикьри гэлэк ын, ле бьжарти һьндьк ын».

Пьрса хэршдаин у нэдаине

(Марқос 12:13-17;

Луқа 20:20-26)

¹⁵Һьнге ферьси чун шевьрин, кө Ви чава бь хэбэра бьгьрн. ¹⁶Вана шагьртед хвэ т'эви пыштгьред Һеродэс шандьнэ шэм Ви у готье: «Дэрсдар! Эм заньн кө Тө йэки р'аст и у р'ийа Хвэде р'аст һин дьки. Мьнэте жь кэси нагьри, чьмки нав мэрьвада фьрқийе данайни. ¹⁷Ньһа бежэ мэ, Тө чава т'эх-мин дьки? Гэло р'аст э кө эм хэрш бьдьеңэ Қэйсэр^ф йан на?»

¹⁸Иса қэлпийа ван заньбу у гот: «Чьма һун Мьн дыщер'ь-биньн, дөр'уно? ¹⁹П'эре хэрш-даине нишани Мьн кьн». У вана зивэк Вир'а ани. ²⁰Иса жь ван пьрси: «Эв наве ньвисар у сьфэт^ф йе к'е йэ?» ²¹Вана гот:

«Йед Қэйсэр ын». Һьнге готэ ван: «Ава чь кө йед Қэйсэр ын бьдьеңэ Қэйсэр у чь йед Хвэде нэ бьдьеңэ Хвэде». ²²Гава ван бьһист зэндэгьрти ман, Эв һьштьн у чун.

Пьрса р'абуна мьрийа

(Марқос 12:18-27;

Луқа 20:27-40)

²³Садуқи^ф, кө дьбежьн р'абуна мьрийа т'өнэ, we р'оже һьнэкэ жь ван һатьнэ шэм Иса же пьрсин ²⁴у готье: «Дэрсдар! Муса гот: <Һэгэр йэк безөр'эт бьмьрэ, бьра бьре ви жьна ви бьстинэ у ware бьре хвэ шин кэ*». ²⁵Ава һ'эфт бьра ль шэм мэ һэбун. Бьре мэзын зэвьщи, безөр'эт мьр, жьна ви бьре вь-р'а ма. ²⁶Өса жи һатэ сэре бьре дөда у йе сьсийа, хөлэсэ һатэ сэре һэр һ'эфта жи. ²⁷Ль пэй һ'эмуйар'а эв жьна жи мьр. ²⁸Дэ ижар we Р'ожа^ф Р'абуна мьрийа эв к'өлфөте бьбэ жьна к'ижа-ни жь ван һэр һ'эфта? Чьмки һ'эмуйа жи эв стандьбу».

²⁹Иса ль ван вэгэр'анд у гот: «Һун хальфи нэ, чьмки нэ ньвисара заньн, нэ жи қэвата Хвэде. ³⁰Р'ожа Р'абуна мьрийа

* 22:24 Қануна Дөшари 25:5.

нэ we бьзэшьщын, нэ жи мер кын, ле эве мина мьлайк'этед э'змен* бьн. ³¹ Ле дэрхэца р'абуна мьрийада, чьма wэ эw хэбэра кё Хwэде wэр'а готьбу нэхwэндийэ? ³² «Эз Хwэдеие Бьрахим, Хwэдеие Ичаг у Хwэдеие Агубьм*». Хwэде нэ Хwэдеие мьрийа йэ, ле Хwэдеие зендийа йэ».

³³ Гава э'лалэте эв тьшт бь-хистьн, сэр хинкьрьна Wi зэндэгьрти ман.

Т'эмийа сэр т'эмийар'а

(Марқос 12:28-34;

Луца 10:25-28)

³⁴ Ле гава ферьсийа бьхист кё Иса садуци дэнгбьр'и кь-рьн, h'эму ль щики щьвийан. ³⁵ Ёнгге жь ван қанунзана йэки пьрс да Иса кё Wi бьщер'ьбинэ у готе: ³⁶ «Дэрсдар. Қанунеда к'ижан э т'эмийа хэрэ мэзын?» ³⁷ Иса готэ wi: ««Хёдан Хwэдеие хwэ h'ыз бькэ бь т'эмаийа дьле^ф хwэ, бь т'эмаийа щанийа хwэ у бь т'эмаийа h'ыше хwэ*». ³⁸ Эв э

т'эмийа пешьн у хэрэ мэзын. ³⁹ У йа дёда жи мина ве йэ: «Нэвале хwэ wэкэ хwэ h'ыз бькэ*». ⁴⁰ Жь ван хэр дё т'эмийава h'эму ньвисаред п'ехэмбэра у Қануне гьредаийи нэ».

Мэсих көр'е к'е йэ?

(Марқос 12:35-37;

Луца 20:41-44)

⁴¹ Гава ферьси щьвийан, Иса жь ван пьрси ⁴² у гот: «Һун бона Мэсих чь дьфькьрьн, т'эхмина wэ Эw көр'е к'е йэ?» Жер'а готьн: «Көр'е Даьд э».

⁴³ Иса готэ ван: «Ле чава Даьд Wi пе Р'öh' Хёдане хwэ h'эсаб дькэ? Чьмки wi гот:

⁴⁴ «Хёдан готэ Хёдане мьн:

Ль мьле Мьни р'асте р'уне, h'эта кё Эз дьжмьнед Тэ бькьмэ бьне п'ийед Тэ*».

⁴⁵ Ёгэр Даьд Wi «Хёдан» h'эсаб дькэ, Эw чава дьбэ көр'е wi?» ⁴⁶ У кэсэки нькарьбу шаба Wi быда у ль пэй we р'ожер'а кэсэки нэwерьбу пьрсэк же бькьра.

* 22:30 Нав һьнэк дэстньвисарада аһа йэ: «Мьлайк'этед Хwэде».

* 22:32 Дэрк'этьн 3:6.

* 22:37 Қануна Дёщари 6:5.

* 22:39 Қануна К'аһинтийе 19:18.

* 22:44 Зэбур 110:1.

**Һ'әвза хвә жь қанунзан
у ферьсийа бькьн**

(Марқос 12:38-40;

Луқа 11:37-52; 20:45-47)

23 ¹ Һьнге Иса ә'лаләт у шагьртед Хвәр'а хәбәр да у гот: ² «Қанунзан у ферьсийа Муса р'уньшт'әнә. ³ Иди әвана чь вәр'а беж'ән хвәй кьн у бьқәдиньн, ле мина ван нәкьн, чьмки әвана дьбеж'ән, ле накьн. ⁴ Баред гьран у зә'мәт гьредьд'ән, да-тиньнә сәр мьлед мәрьва, ле әв хвәха нахвазьн т'ьлийа хвә жи бьд'ьне. ⁵ Әв һәр тьш-ти дькьн, кә бәр мәрьва бенә к'ьфше. К'иськед мазьн ль мьл у ә'нийед хвәва гьредьд'ән* у р'ишийед к'ьншәд хвә дьреж дькьн**. ⁶ Шайийада һәрәма^ф жорьн һ'ыз дькьн, к'ьништада

жи к'өрсийед пешьн, ⁷ базарада сьлаве бьд'ьнә ван у мәрвь жи ванр'а «мамоста*» беж'ән. ⁸ Ле бьра вәр'а нәбеж'ән: «Мамоста», чьмки дәрсдаре вә йәк ә* у хун һ'әму жи бьра нә. ⁹ Ль сәр д'ьне хун т'ө кәсир'а нәбеж'ән: «Баво», чьмки Баве вә йәк ә, кә ә'змана йә. ¹⁰ Нә жи вәр'а беж'ән: «Р'ебәр», чьмки Р'ебәре вә йәк ә, әв Мәсир ә. ¹¹ Бьра нава вәда йе һәри мазьн бьбә бәрдәстийе вә. ¹² К'и кә хвә бьльнд кә, әве ньмьз бә, ле к'и кә хвә ньмьз кә, әве бьльнд бә.

Вәй ль дөр'уйа

¹³ Ле вәй ль вә қанунзан у ферьсийа! Дөр'уно! Һун дәрә П'адшатийа Ә'змана ль бәр мәрьва дадьд'ән. Нә хун дь-к'әвьне у нә жи дьһельн әвед кә дьхвазьн бьк'әвьне. ¹⁴ Вәй

* ^{23:5} Чава кә Қануна Дөщари 6:8-да ньвисар ә, шьһуйа к'иськед мьл у ә'нийед хвәда ньвисаред сәрәкә у т'әмийед Хвәдейә жь Пәймана^ф Кәвьн хвәй дькьр'ьн. Әв ын әв ньвисаред жь к'ьтебед Муса кә гәләки дькьр'ьнә к'иська: Дәрк'әтьн 13:1-10; 13:11-16; Қануна Дөщари 6:4-9; 11:13-21.

** ^{23:5} «Р'ишийед к'ьншәд хвә дьреж дькьн», вәки бьд'ьнә к'ьфше, кә әв жь алије Хвәдеда Хвәдер'а дайи у амьн ын (Жьмар 15:37-41; Қануна Дөщари 22:12).

* ^{23:7} Бь йунани хәбәр бь хәбәр аһа йә: «Р'абби». «Р'абби» бь зьмане арами^ф те фә'мкьр'ьне: «Дәрсдар».

* ^{23:8} Нав һьнәк дәстньвисарада әв жи һәйә: «Әв Мәсир ә».

ль вэ қанунзан у ферьсийа! Дөр'уно! Аликива һун малед жьнэбийа һ'уфи хвэ дькьн, алийе дьнва жи бь дөр'ути дөайе хвэ дьреж дькьн. Бона ве йэке диwana вэ we he гьран бэ*. ¹⁵ Вэй ль вэ қанунзан у ферьсийа! Дөр'уно! һун бэр у бэже ль һэв дьдьн, кө йэки нэбауэр биньн сэр р'ийа хвэ. Гава мэрэме вэ дьбэ, һун әви жь хвэ дө шара зедэтьр дькьнэ п'ара шэ'ньме. ¹⁶ Вэй ль вэ р'е-бэред кор, һун дьбежьн: «К'и кө бь п'арьстгәһе сонд дьхвэ, нэ тыштэк ә. Ле к'и кө бь зер'е ль нав п'арьстгәһе сонд дьхвэ, дьбэ дэйндар». ¹⁷ һэй беһ'ыш у корно! К'ижан мэзын ә, зер' йан п'арьстгәһ, кө зер' һ'элал^ф дькэ? ¹⁸ Оса жи һун дьбежьн: «К'и кө бь горигәһе сонд дь-хвэ нэ тыштэк ә, ле к'и кө бь һ'әдийа ль сэр горигәһе сонд дьхвэ, дьбэ дэйндар». ¹⁹ һэй корно!* К'ижан ә мэзын? һ'әди йан горигәһ, кө һ'әдийе һ'элал дькэ? ²⁰ Аwa к'и кө бь горигә-һе сонд дьхвэ, әw һьн бь we

сонд дьхвэ, һьн жи бь һ'әму тыштед кө сэр we һәнэ сонд дьхвэ. ²¹ К'и кө бь п'арьстгәһе сонд дьхвэ, әw һьн бь we сонд дьхвэ, һьн жи бь Йе кө weда дьжи сонд дьхвэ. ²² У к'и кө бь ә'змен сонд дьхвэ, әw һьн бь т'әхте Хвәде сонд дьхвэ, һьн жи бь Йе кө ль сэр Р'у-ньштийә сонд дьхвэ. ²³ Вэй ль вэ қанунзан у ферьсийа! Дөр'уно! һун дәһәке^ф пунге^ф, анисойе^ф у к'емуне^ф дьдьн, ле тыштед Қанунейә пеш, аwa готи һәқийе, р'әме у бауэрийе даве-жьнэ пышт гөһе хвэ. Вэ гәрәке әв йәк бькьрана у дәст жь йед майин нәк'ышанда. ²⁴ Р'ебэред кор! һун к'әрмеша дьпарзыньн, ле дәва дадьқөртиньн! ²⁵ Вэй ль вэ қанунзан у ферьсийа! Дөр'уно! һун т'ас у финшана р'уйе дәрвава пақьж дькьн, ле һьндөр'ва т'ьжи тьмайи у ч'ә'вбьр'чийи нә*. ²⁶ Ферьсийе кор! Пешийе һьндөр'е финшан у т'асе пақьж кә, wәки ль дәр-ва жи пақьж бә. ²⁷ Вэй ль вэ қанунзан у ферьсийа! Дөр'уно!

* ^{23:14} Нав дәстньвисаред һәрә қәншда р'еза 14-а т'өнә.

* ^{23:19} Нав һьнәк дәстньвисарада аһа йә: «Һэй беһ'ыш у корно».

* ^{23:25} Аһа жи те фә'мкьрьне: «Ле һьндөр'ва бь тыштед зөлме у ч'ә'в-бьр'чийе қазьнщкьрива т'ьжи нә».

Һун мина т'ьрбед сыпикьри нә, кӧ дәрвава бәдәв хӧйа дьбьн, ле һьндӧр'ва бь һәстуйе мьрийа у бь һ'әму һ'әрабийева т'ьжи нә. ²⁸ Ӧса жи һун дәрва мәрвава р'аст к'ьфш дьбьн, ле һьндӧр'ва һун дӧр'у нә у нәһәд ьн.

**Иса ахьрийа ван
ванр'а дьбежә**

²⁹ Вәй ль вә қанунзан у ферьсийа! Дӧр'уно! Һун мәхбәрәд п'әхәмбәра чедькьн у т'ьрбе йед р'аст дьхәмьлиньн ³⁰ у дьбежьн: «Һәгәр әм р'ожед бавед хвәда буна, мә т'әви ван хуна п'әхәмбәра нәдър'ет». ³¹ Иди һун ньһа хвәха дьдьянә избаткьрьне, кӧ һун зар'ед ван бава нә, йед кӧ п'әхәмбәр кӧштьянә. ³² Дә кемасийа хьрабийед бавед хвә т'әмам кьн. ³³ Мә'рно! Ч'ежькед мә'ра! Һуне чава жь диwana доже^ф бьр'әвьн?

³⁴ Бона ве йәке ва Әзе п'әхәмбәра, сәрвахта у қанунзана бьшиньмә шәм вә у һуне жь ван һьнәка бькӧжьн, хач кьн, һьнәка жи нав к'ьништед хвәда бьдьянә бәр қамчийа у бажар-бажар бьзериньн. ³⁵ Һ'әму

хуна бесушә кӧ сәр р'уйе ә'рде һатийә р'етьне ве бе сәр вә, жь хуна һабиле^ф бесушә һ'әта хуна Зәкәрийаие кӧр'е Бәрәхийа, әве кӧ вә нав п'арьстгәһ у горигәһеда кӧшт. ³⁶ Әз р'аст вәр'а дьбежьм, әв һ'әму хуне бе сәре ви ньсьли.

**Иса ль сәр Оршәлиме
дьловинә**

(Луқа 13:34-35)

³⁷ Оршәлим! Оршәлим! Тә п'әхәмбәр дькӧштьян у шандийед шәм хвә дьданә бәркәвьра! Чәнд шара Мьн хвәст кӧ зар'ед тә ӧса бьщыванда, чава мьришк шушукед хвә бьн баске хвәда дьщывинә, ле вә нәхвәст! ³⁸ Ва мала вә ве хьрабә у дәстжек'ьшанди бьминә. ³⁹ Әз вәр'а дьбежьм, иди жь вьр шунда һун Мьн т'ӧ шар набиньн, һ'әта кӧ бежьн: «Бьмбарәк ә Әве кӧ бь наве Хӧдан те>*».

**Иса пешда дәрһәқа веранбуна
п'арьстгәһеда дьбежә**

(Марқос 13:1-2; Луқа 21:5-6)

24 ¹ Гава Иса жь п'арьстгәһе дәрк'әт чу, шагьрт

* 23:39 Зәбур 118:26.

чунэ шэм Ви, кӧ авайийед п'арьстгәһе нишани Ви кын. ²Иса ванр'а гот: «Һун ван һ'ә-муйа дьбиньн? Эз р'аст вәр'а дьбежъм, әв һ'әмује жи веран бьн, ль вьр кәвьре ль сәр кәвьр қәт нәминә!»

Тәнгаси у зерандьн

(Марқос 13:3-13;

Луқа 21:7-19)

³Чахе Әв сәр ч'ийайе Зәй-т'уне р'уньштьбу, шагьртед Ви т'әне һатьнә шәм Ви у же пьрсин: «Бежә мә, әв тышт ве к'әнге бьқәвьмьн? У нишана һатьна Тә у ахьрийа ве дьнйайе ве чава бә?» ⁴Иса шаба ван да у гот: «Һаш жь хвә һәбьн, кӧ т'ӧ кәс вә нәһапинә, ⁵чъм-ки гәләк ве пе наве Мьн бен у бежьн: «Эз ьм Мәсир» у ве гәләка бьхальфиньн. ⁶Һуне дөнге шәр'а у бә'са шәр'а бь-бьһен, ле һаш жь хвә һәбьн кӧ һун хвә ӧнда нәкьн. Гә-рәке әв тышт бьқәвьмьн, ле әв һе нә ахьри йә. ⁷Мьләте р'абә ль сәр мьләт, п'адшати ль сәр п'адшатийе, ши-шийа ве хәлайи-шәлайе у ә'рдһ'әже бьбьн. ⁸Ле әв һ'әму мина еша

к'ӧлфәте йә, кӧ дәстпедькә пе дьгьрә. ⁹Һьнге ве вә бьдьнә щәфе, вә бькӧжьн у бона наве Мьн бәр ч'ә'ве һ'әму мьләта р'әш бьн. ¹⁰Һьнге гәләке жь р'е бьк'әвьн, нәмаийа һөвдӧ бькьн у бәр ч'ә'ве һәв бьк'әвьн. ¹¹Гәләк п'әхәмбәрәд дәрәв ве дәрк'әвьн у гәләка бьхальфи-ньн. ¹²Жь дәст зедәбуна нәһә-қийе һ'ызкьрьна гәләка ве сар бә. ¹³Ле к'и кӧ һ'әта хьлазийе тәйах кә, әве хьлаз бә. ¹⁴У әв Мьзгинийа П'адшатийе ве ль нав т'әмаийа дьнйайе бе даннасинкьрьне, кӧ һ'әму мь-ләтар'а бьбә шә'дәти у һьнге хьлази ве бе.

Һ'әраийа Веранкьрьне

(Марқос 13:14-23;

Луқа 21:20-24)

¹⁵Чахе һун <һ'әраийа ве-ранкьрьне>* шийе пирозда сәкьни бьбиньн, чава кӧ Да-нийел п'әхәмбәр гот», (әве кӧ дьхунә бьра фә'м бькә), ¹⁶«һьнге әвед кӧ Щьһуста-неда нә бьра бьр'әвьнә ч'ийа. ¹⁷Әве кӧ сәр хани йә бьра жорда нәйе хваре кӧ жь мала хвә тыштәки һьлдә. ¹⁸У әве кӧ

* ^{24:15} Данийел 9:27; 11:31; 12:11.

к'эwшенда йэ б'ра вэнэгэр'э
кө п'оте хwэ һылдэ. ¹⁹ Ле wэй
ль һ'эмла у дэстдэргуша ван
р'ожада! ²⁰ Д'оа б'кын, кө р'эва
wэ нэк'эwэ зьвьстане, йан жи
р'ожа шэмийе. ²¹ Ч'ьмки һынге
тэнгасикэ өса мэзын we б'бэ,
кө жь дэстпебуна д'ньайе һ'эта
ньһа мина we нэбуйэ у нэ жи
we б'бэ. ²² Һэгэр эw р'ож кын
нэбуна, т'ө кэс х'лаз нэд'бу,
ле бона хат'ре б'жартийа эw
р'оже кын б'н.

²³ Һынге, һэгэр йэк wэр'а бежэ:
<Ва йэ Мэсиһ>, йан жи <Wa йэ>,
баwэр нэк'н. ²⁴ Ч'ьмки мэсиһ
у п'эхэмбэред дэрэw we дэрэн,
нишан у к'эрэмэтед мэзын б'к-
кын, кө б'кар'б'н б'жартийед
Хwэде жи б'хальфиньн. ²⁵ Ва
йэ М'н пешда wэр'а гот.

²⁶ Һэгэр эwана wэр'а беж'н:
<Wa йэ Мэсиһ бэр'ийеда йэ>,
дэрнэк'эwын, йан: <Ва йэ Эw
ф'лан одеда йэ>, баwэр нэ-
к'н. ²⁷ Ч'ьмки чава б'руск жь
р'оһ'лате б'р'ц д'дэ у һ'эта
р'оавайе х'йа д'бэ, we һат'на
К'өр'е Мер'в жи өса бэ. ²⁸ Бэ-
рэт'э^ф к'идере һэбэ, тэйре жи
ль w'р б'щ'wын.

Һат'на К'өр'е Мер'в

(Мар'мос 13:24-27;

Лу'а 21:25-28)

²⁹ Ль пэй тэнгасийа ван р'о-
жар'а,

р'уйе р'оие we бе г'рт'не
у һиве жи р'онайа хwэ нэдэ,
стэйрке жь э'змен б'к'эwын
у т'опед э'змана we жь р'ийед
хwэ дэрэн*.

³⁰ Һынге нишана К'өр'е Мер'в
we ль э'змен х'йа бэ у һ'эму
м'лэтед д'ньайе we шине б'к-
кын, гава б'биньн К'өр'е Мер'в
ль сэр э'wред э'змен б' qэwат
у р'умэта мэзын те*. ³¹ Эwe
м'лийак'этед Хwэ б' бор'ийа
дэнге б'льнд б'шинэ у we
б'жартийед Wи жь һэр чар
qөлба бэрэw кын, жь п'эр'эки
э'змана һ'эта п'эр'е д'н.

Дэрсэ дара һежире

(Мар'мос 13:28-31;

Лу'а 21:29-33)

³² Жь дара һежире дэрсэке
һин б'н. Чахе ч'ь'ц'лед we тэр'
д'б'н у бэлгед we д'б'шк'wын,
иди һун заньн кө һавин незик
э. ³³ Өса жи гава һун ван һ'эму

* ^{24:29} Аһа жи те фэ'мк'рыне: «Qэwатед э'змана we б'һ'эж'н».

* ^{24:30} Ишайа 13:10; 34:4; Данийел 7:13. (Б'хуньн: Э'йанти 1:7.)

тышта бьбиньн, бьзаньбьн кӧ эв тышт* незик э, ль бэр шемике йэ. ³⁴Эз р'аст вэр'а дьбежым, эва ньсьла дэрбаз набэ, һ'эта кӧ эв һ'эму тышт нэқəшьмын. ³⁵Э'рд у э'мане дэрбаз бьн, ле готьнед Мьн т'ӧ шар дэрбаз набьн.

Р'ож у сьһ'эт нэ э'йан э

(*Марқос 13:32-37;*

Луқа 17:26-30, 34-36)

³⁶Ле бона we р'оже у we сьһ'эте т'ӧ кэс ньзанэ, нэ мьлийак'этед э'мана, нэ жи Кӧр'* , ле т'эне Бав. ³⁷Чава кӧ р'ожед Нӧһда^ф қəшьми, һатьна Кӧр'е Мерьв жи we ӧса бьқəшьмэ. ³⁸Чава кӧ ван р'ожед бэри лейийе мэрьва дьхварьн, вэдьхварьн, дьзəшьшин у мер дькьрьн, һ'эта we р'ожа кӧ Нӧһ к'этэ гэмийе* ³⁹у мэрьв пе нэһ'эсийан, һ'эта кӧ лейи р'абу у һ'эму жи хəнь-қандьн. һатьна Кӧр'е Мерьв жи we ӧса бэ. ⁴⁰Һьнге дӧ мэрьв we нав э'рде хвэда бьн, йэке бе һьлдане у йе дьне бе һьштъне. ⁴¹У дӧ к'ӧлфэте сэр дэстар'эки бьн, йэке бе һьлдане, йа дьн

бе һьштъне. ⁴²Ава һ'ьшйар бьминьн, чьмки һун ньзаньн Хӧдане вэйе к'ижан р'оже бе. ⁴³Ле ве йэке бьзаньбьн. һэгэр хвэйе мале бьзаньбуяа кӧ дьзе к'ижан дэма шэве бьһата, we һ'ьшйар бьма у нэһьшта кӧ мала wi дэрэвэкьра. ⁴⁴Бона ве йэке һун жи һазьр бьн, чьмки Кӧр'е Мерьв we сьһ'этэкэ ӧсада бе, кӧ һун нэ ч'э'вньһер'и нэ.

Хӧламе амьн

у хӧламе беамьн

(*Луқа 12:35-48*)

⁴⁵Ава к'и йэ эв хӧламе амьн у сэрвахт, кӧ ахайе wi эв сэр хӧламед хвэ сэрвер к'ьфш кьр, кӧ вэхтда хварьна ван бьдэ ван? ⁴⁶Хвэзи ль wi хӧлами, кӧ чaxe ахайе wi бе, эwi ӧса бьбинэ. ⁴⁷Эз р'аст вэр'а дьбежым, эwe wi бькэ сэрwere т'эмамияа һэбука хвэ. ⁴⁸Ле һэгэр хӧламе хьраб дьле хвэда бежэ: «Ахайе мьн һатьна хвэ дэрэнги ехьст» ⁴⁹у дэстпекэ ль хӧлам-һэвалед хвэ хэ у т'эви йед сэрхвэш бь-хвэ у вэхвэ, ⁵⁰ахайе wi хӧлами

* ^{24:33} Аһа жи те фэ'мкьрьне: «Эв, ава готи Мэсиһ незик э, ль бэр шемике йэ».

* ^{24:36} Нав һьнэк дэстньвисарада «нэ жи Кӧр'» т'ӧнэ.

* ^{24:38} Дэстпекун 6-8.

we р'ожэкэ өса бе, кө әw нә нивийе йә у сьһ'этэкэ өса, кө әw нъзанә. ⁵¹Әwe wi қәт-қәти кә у п'ара wi we т'әви дөр'уйа кә. Ль wьр we бьбә гьри у ч'ьр-кә-ч'ьрка дьрана.

Мәсәлә дәһә қизед бьк'ьр

25 ¹Һьнге П'адшатийа Ә'з-мана we мина ве йәке бә: Дәһә қизед бьк'ьр ч'ьред хwә һьлдан пешийа зә'веда чун. ²Жь ван пенщ сәрwахт бун, ле пенщ бефә'м. ³Бефә'-ма ч'ьред хwә һьлдан, ле р'ун хwәр'а һьлнәдан, ⁴ле сәрwахта т'әви ч'ьра р'ун жи дәрланада хwәр'а һьлдан. ⁵Гава зә'ва дәрәнги к'әт, һ'әму жи һеньжин у хәwр'а чун.

⁶Ниве шәве дәнгәк һат: «Ва йә зә'ва те! Пешийа wiда һәр'ьн!» ⁷Һьнге һ'әму бьк'ьр р'абун ч'ьред хwә саз кьрн. ⁸Бефә'ма готә сәрwахта: «Жь wi р'уне хwә бьдһнә мә жи, чьмки ч'ьред мә ведьсьн». ⁹Ле сәрwахта шаба wan да у готьн: «На хер, әв р'ун we т'ера мә у wә нәкә. Қәнщ ә кө һун һәр'ьнә шәм йед кө дьфьро-шьн хwәр'а бьк'ьр'ьн». ¹⁰Гава әw чун бьк'ьр'ьн, зә'ва һат у әвед

һазьр т'әв wi к'әтһнә дә'wате у дәри һатә гьртһне. ¹¹Паше бьк'ьреддһн һатһн у готьн: «Әм хөлам, Әм хөлам! Дәри ль мә вәкә!» ¹²Ле әwi шаба wan да гот: «Әз р'аст wәр'а дьбежьм, әз wә нас накьм». ¹³Аwa һ'ьшьар бьминьн, чьмки һун нә р'ожа һатһна Көр'е Мерьв заньн, нә жи сьһ'әте.

Мәсәлә се хөлама

(Луқа 19:11-27)

¹⁴Wi чахи П'адшатийа Ә'з-мана we мина ве йәке бә: Мәрьвәк кө we дәрк'әта р'әwитийе, гази хөламед хwә кьр у һәбука хwә спартә^ф wan. ¹⁵Пенщ тәлант* данә йәки, дө тәлант данә йәки у тәлантәк жи да йәки, һәр кәсир'а wәкә қәwата wi у р'ек'әт чу. ¹⁶Әwe кө пенщ тәлант стандьбун, пер'а-пер'а чу бь wan к'ьр'и у фьрот, пенщед дһн жи қазьнщ кьрн. ¹⁷Өса жи әwe кө дө тәлант стандьбун, дөдөйед дһн жи қазьнщ кьрн. ¹⁸Ле әwe кө тәлантәк стандьбу, чу әрд к'ола у зиве ахайе хwә теда вәшарт.

¹⁹Пәй гәләк wәхтр'а ахайе wan хөлама һат у хwәст һәq-һ'әсабе

* 25:15 Қимәте тәлантәки һәqe п'аләки панздәһ сала зедәтър бу.

хвэ т'эви ван р'аст кэ. ²⁰Әwe кө пенщ тэлант стандьбун пеш- да hat, пенщ тэлантед майин жи анин у гот: «Ахайе мьн, тэ пенщ тэлант дабунэ мьн. Ва мьн сэр ванда пенщед дьн жи қазьнщ кьрьнэ». ²¹ Ахайе ви готеда: «Ә'фэрьм, хөламе қөнщ у амьн! Тө нав тыштед һьндькида амьн майи, эзе тэ дайньмэ сэр гэлэк тышта. Бьк'эвэ шайийа ахайе хвэ!»

²² Әwe кө дө тэлант стандь- бун жи hat у гот: «Эз хөлам! Тэ дө тэлант дабунэ мьн. Ва мьн дөдөйед дьн жи ль сэр ванда қазьнщ кьрьнэ». ²³ Ахайе ви готе: «Ә'фэрьм, хөламе қөнщ у амьн! Тө нав тыштед һьндькида амьн майи, эзе тэ дайньмэ сэр гэлэк тышта. Бьк'эвэ шайийа ахайе хвэ!»

²⁴ Ле әwe кө тэлантэк стан- дьбу hat у гот: «Ахайе мьн, мьн заньбу кө тө мэрвьэки һ'ьшк и. Жь ви шийе тэ нэчанди- йэ дьдьруйи у шийе кө тэ нэ р'эшандийэ бэрэв дьки. ²⁵ Эз жи тьрсийам у чум тэланте тэ әрдеда вэшарт. Һане мале тэ тәр'а бэ». ²⁶ Ахайе ви ле вэгә- р'анд у готе: «Хөламе хьраб у хвэр'анэдити! Тэ заньбу эз жь ви шийе кө мьн нэчандийэ

дьдьрум у жь ви шийе кө мьн нэр'эшандийэ бэрэв дькьм, ²⁷ тэ чьма зиве мьн нэда к'ар- кьра у эз бьхатама мьн мале хвэ бь сэлэф бьстанда? ²⁸ Ньһа тэлант жь ви бьстиньн у бь- дьнэ әwe кө дәһә тэлантед ви һәнә. ²⁹ Чьмки йе к'е кө һәйә, вир'а we бе дайине у сәрда зедә бә, ле йе к'е кө т'өнә, чь һәйә жи we же бе стандьне. ³⁰ Ле әw хөламе бекер бавежьнэ тә'рийа дәрва. Ль вьр we бьбә гьри у ч'ьркә-ч'ьрка дьрана».

Р'ожа^ф Ахрәте

³¹ Гава Көр'е Мервь т'эви һ'ә- му мьлийак'эта у р'умэта Хвөва бе, һьнге we сэр т'әхте Хвөйи р'умәте р'уне ³² һ'әму мьлэт we ль бәр Ви бьщьвьн. Әwe вана жь һәв башқә кә, чава шьван пез жь бьзьна вөдьқәтинә. ³³ Әwe пез ль мьле Хвөйи р'асте бьдә сәкьнандьне, ле бьзьна ль мьле Хвөйи ч'өпе. ³⁴ Һьнге П'адша we йед ль мьле Хвөйи р'астер'а бежә: «Wәрьн бьмба- рәкбуйийед алийе Баве Мьнда! Әw П'адшатийа кө бона wә жь wәхте ә'фьрандьна дьнйайеда һазьр буйә war бьн. ³⁵ Чьмки Эз бьр'чи бум wә хварьн да Мьн, Эз т'и бум wә ав да Мьн, Эз

хэриб бум вэ Эз қэбул къръм, ³⁶Эз тэ'зи бум вэ Эз к'ьнщ къръм, Эз нэхвэш бум хун сэр Мьнда хатън, Эз кэледа бум хун хатънэ щэм Мьн». ³⁷ Ынге йед р'аст ве Вир'а бежън: <Хөдан, мә к'энге Тө бър'чи дити у хварьн дайэ Тэ? Йан мә Тө т'и дити у ав дайэ Тэ? ³⁸ Мэ к'энге Тө хэриб дити у Тө қэбул къри, йан жи Тө тэ'зи дити у Тө к'ьнщ къри? ³⁹ К'энге мә Тө нэхвэш йан кэледа дити у эм хатънэ щэм Тэ?> ⁴⁰ П'адшайе жи ванр'а бежэ: <Эз р'аст вэр'а дьбежъм, хэгэр вэ қэнши жь ван хушк-бьред Мьнэ йе хэри бьч'ук йэкир'а кър, вэ Мьнр'а кър>.

⁴¹ Ынге Эве йед мьле Хвэйи ч'эпер'а бежэ: <Ньфьр'лебу-йино! Дури Мьн хэр'ьн нава

агыре һ'эта-һ'этайе, кӧ бона мирещьн у мьляк'этед ви назьр буйэ*. ⁴² Чьмки Эз бър'чи бум вэ хварьн нэда Мьн, Эз т'и бум вэ ав нэда Мьн, ⁴³ Эз хэриб бум вэ Эз қэбул нэкъръм, Эз тэ'зи бум вэ Эз к'ьнщ нэкъръм, Эз нэхвэш у кэледа бум хун сэр Мьнда нэхатън». ⁴⁴ Ынге эве Вир'а бежън: <Хөдан! Мэ к'энге Тө бър'чи йан т'и, йан хэриб, йан бе сьт'ар, йан нэхвэш, йан кэ-леда дити у мә алик'ари нэда Тэ?> ⁴⁵ Ви чахи Эве шаба ван бьдэ у бежэ: <Эз р'аст вэр'а дьбежъм, хэгэр вэ қэнши жь эвед хэри бьч'ук йэкир'а нэкър, вэ Мьнр'а жи нэкър>. ⁴⁶ У эве хэр'ьнэ щэфе һ'эта-һ'этайе, ле йед р'аст ве хэр'ьнэ жийина һ'эта-һ'этайе».

Гьртън, хачкърьн^ф у р'абуна Иса

Шевьра кӧштъна Иса

(Марқос 14:1-2; Лука 22:1-2;

Йуһ'энна 11:45-53)

26 ¹ Гава Иса эв һ'эму хэбэр хьлаз кърън, шагьртед Хвэр'а гот: ² «хун заньн кӧ

ве дӧ р'ожа шунда Шэжьна^ф Дэрбазбуне бэ. У Кӧр'е Мерьв ве бе дайине кӧ бе хачкърьне».

³ Ынге сэрэкед к'ахина у р'успийед шьмэ'те сэрайа сэрэкс'ахинда кӧ наве ви Қэяфа бу шьвийан ⁴ у ль хэв шевьрин

* 25:41 Э'йанти 20:10.

кө Иса дьзива бь фелбазийе бь-
гьрн, бькөжн. ⁵Ле вана дьгот:
«Бра эв йэк шэжьнеда нибэ,
вэки шьмэ'т р'анэбэ сэр ньга».

Иса Бэйтанийаеда

те р'ункьрьне^ф

(Марқос 14:3-9;

Йуһ'анна 12:1-8)

⁶Чахе Иса ль Бэйтанийае
мала Шьмһ'уне к'отида бу,
⁷к'олфэтэкэ кө дэрданэкэ вейэ
алабастьрейи р'уне бинхвэш
һэбу, һатэ шэм Ви у чахе Эв
ль сэр сьфре р'уньшти бу, эве
эв р'ун р'етэ сэр сэре Ви. ⁸Га-
ва шагьрта эв йэк дит, ль ван
хвэш нөһат у готье: «Чьма эва
зийана бу? ⁹Эва р'уна^ф ве қи-
мэтэки быһа быһата фьротане у
фэқирар'а быһата бөлакьрьне».

¹⁰Ле эв йэк Исава э'йан бу
у ванар'а гот: «Чьма һун хать-
ре ве к'олфэте дьк'эвн? Эве
тыштэки қәнщ бона Мьн кьр.
¹¹Фэқире һэр гав т'эви вэ бьн,
ле Эзе һэр гав т'эви вэ нибьм.
¹²Эве бона дэфьнкьрьна^ф Мьн
эв р'ун р'етэ сэр бэдэна Мьн.
¹³Эз р'аст вэр'а дьбежьм, дьн-
йайеда к'идэре эва Мьзгинийа
бе даннасинкьрьне, ве кьрьна
ве к'олфэте жи бона биранина
ве бе готье».

Шьһуда нөмабийа Иса дькө

(Марқос 14:10-11; Лука 22:3-6)

¹⁴Һнге йэк жь һэр донздөһа
кө Шьһудайе Исхэрийоти дьһатэ
готье, чу шэм сэрэкед к'аһина
¹⁵у гот: «Һуне чь бьдьнэ мьн,
вэки эз Ви бьдьмэ дэсте вэ?»
У вана си зив жьмьрин дане.
¹⁶Жь вьр шунда эв мөшалэ-
ке дьгэр'ийа кө чава Иса бьдэ
дэсте ван.

Иса т'эви шагьртед Хвэ шива

Щэжьна Дэрбазбуне дьхвэ

(Марқос 14:12-21; Лука 22:7-13;

Йуһ'анна 13:21-30)

¹⁷Ль р'ожа пешьнэ Щэжьна^ф
Нане Шкөва, шагьрт һатьнэ
щэм Иса у жер'а готьн: «Тө ль
к'ө дьхвази Шива Щэжьна
Дэрбазбуне бьхви, вэки эм
Тэр'а һазьр кьн?» ¹⁸Эви жи
гот: «Һэр'ьнэ бажер, шэм фьлан
мэрьви у бежьнэ ви: «Дэрсдар
дьбежэ: Р'ожа Мьн незик э. Эзе
т'эви шагьртед Хвэ мала төда
Щэжьна Дэрбазбуне дэрбаз
кьм». ¹⁹У шагьрта өса кьр, ча-
ва кө Иса ванар'а э'мьр кьрьбу
у шива Щэжьна Дэрбазбуне
һазьр кьрн.

²⁰Еваре т'эв һэр донздөһа сэр
сьфре р'уньшт. ²¹Гава вана һе

дъхвар, Иса гот: «Эз р'аст вэр'а дьбежъм, йэки жь вэ we нэмамия Мьн бькэ». ²² Шагьрт гэлэки бэр хвэ к'этын у хэр йэки жь ван готэ Ви: «Хөдан, дьбэ кэ эз ьм?» ²³ Эви ль ван вэгэр'анд у гот: «Эве кэ пэ'рийе Хвэ т'эви Мьн т'аседа кьр, эве нэмамия Мьн бькэ. ²⁴ Р'аст Көр'е Мерьв we öca хэр'э чава кэ бона Ви хатийэ нъвисаре, ле вэй ль ви мэрьве кэ нэмамия Көр'е Мерьв бькэ! Вир'а he қэнщ бу кэ эв қэт дьне нэк'эта». ²⁵ Щьһудайе кэ we нэмамия Ви бькьра, ле вэгэр'анд у готе: «Дэрсдар, дьбэ кэ эз ьм?» Иса вир'а гот: «Тэ бь дэве хвэ гот».

Шива Хөдан

(Марқос 14:22-26; Лука 22:14-23;
Корьнт'и I, 11:23-25)

²⁶ Ава гава вана he нан дь-хвар, Иса нан һьлда шькьри да, кэркьр да шагьрта у гот: «Һан һьлдын бьхьын. Эва бэ-дэна Мьн э».

²⁷ Пэйр'а к'ас һьлда шькьри да, да ван у ванар'а гот: «Һун һ'эму жи жь ве вэхьын, ²⁸ эва хуна Мьн э бона пэймане^ф*,

кэ бона бахшандьна гөнед гэлэка те р'етьне. ²⁹ Ле Эз вэр'а дьбежъм, иди Эз жь вьр шунда т'ө шар жь ве мэйа тьрийе вэнахьъм, һ'эта we р'ожа кэ Эзе т'эви вэ П'адшатийа Баве Хвэда жь йа ну вэхьъм».

³⁰ Паше вана зэбурэк^ф стьра, дэрк'этын чунэ ч'ийайе Зэйт'уне.

Иса дэрһэқа инк'арийа

Пэтрусда дьбежэ

(Марқос 14:27-31; Лука 22:31-34;
Йуһ'анна 13:36-38)

³¹ Ёнге Иса ванар'а гот: «Ишэв һун һ'эмуе жи жь Мьн п'ышк бьн хэр'ьн, чьмки нъвисар э: «Эзе ль шьвен хьм у пэзе жи бэла-бэлайи бэ»*. ³² Ле гава кэ Эз жь мьрьне р'абьм, Эзе бэри вэ хэр'ьмэ Щэлиле».

³³ Пэтрус ле вэгэр'анд у готе: «Һэгэр һ'эму жи жь Тэ п'ышк бьн хэр'ьн, ле эз т'ө шар жь Тэ начьм». ³⁴ Иса вир'а гот: «Эз р'аст тэр'а дьбежъм, һэма ишэв he бэри бангдана дик, те се шара Мьн инк'ар ки».

³⁵ Пэтрус Вир'а гот: «Һэгэр ши бе, эзе т'эви Тэ бьмьрьм жи,

* ^{26:28} Нав һьнэк дэстньвисарада «пэймана ну» һэйэ.

* ^{26:31} Зэкэрийа 13:7.

ле т'ö шар Тэ инк'ар накъм». **И'эму шагърта жи öса гот.**

Иса ль Гетшэманийе дöа дькэ

(Марқос 14:32-42;

Луқа 22:39-46)

³⁶ Ёнгге Иса т'эви ван чу ви щийе кö жер'а Гетшэмани дь-бежын у шагъртар'а гот: «Вьра р'унен, һ'эта Эз һэр'ым дэра һан дöа бькъм». ³⁷ Эви т'эви Хвэ Пэтрис у һэр дö кöр'ед Зэбэди һьлдан, к'эсэр һате у бэр Хвэ к'эт. ³⁸ Ёнгге Иса ванар'а гот: «Дьле Мьн һақас дэрд у к'эдэр э, мина бэр мьрьне. Вьра бьминьн у т'эви Мьн һ'ышйар бьн».

³⁹ Ёнэки пешда чу Хвэ дэвэ-р'уйа авит дöа кьр у гот: «Баве Мьн! һэгэр дьбэ, бьра эв к'аса щэфе сэр Мьнр'а дэрбаз бэ. Ле нэ кö чава Эз дьхвазьм, ле бьра хвэстьна Тэ бэ».

⁴⁰ Паше һатэ щэм шагърта, эв р'азайи дитьн у готэ Пэтрис: «Вэ нькарьбу кö сьһ'этэке һун т'эви Мьн һ'ышйар бьмана? ⁴¹ Ё'ышйар бьминьн у дöа бь-кьн, вэки һун нэк'эвьнэ нава шер'ьбандьне. Бэле р'өһ' р'азии йэ, ле бэдэн сьст э».

⁴² Шарэкэ дьн жи Иса чу дöа кьр у гот: «Баве Мьн! һэгэр набэ кö эв к'аса щэфе жь Мьн

дэрбаз бэ һ'эта кö Эз ве вэнэ-хвьм, бьра хвэстьна Тэ бэ».

⁴³ Иса һат, эв диса хэведа дитьн, ч'э'вед ван жь хэве вэнэдьбун. ⁴⁴ У эв һыштын чу, щара сьсийа дöа кьр, диса эв хэбэр готьн.

⁴⁵ Ёнгге һатэ щэм шагърта у ванар'а гот: «Һун һэла һе р'азайи нэ у р'һ'эт дьбьн? Ва вэхт пер'а гьһишт кö Кöр'е Мерьв бьк'эвэ дэсте гөнэк'ара. ⁴⁶ Р'абьн эм һэр'ьн. Ва йэ өве кö нэмамия Мьн дькэ незик бу».

Гьртьна Иса

(Марқос 14:43-50; Луқа

22:47-53; Йуһ'анна 18:3-12)

⁴⁷ Эви һе хэбэр дьда, ньш-кева Щьһудайе кö йэк жь ван донздөһа бу һат. Эви т'эви хвэ жь алийе сэрэкед к'аһина у р'успийед щьм'теда э'лалэтэкэ гьран анибу, бь дара у шура. ⁴⁸ Ава нэмаме Ви э'шэрэт дабу ван у готьбу: «Эз к'ижани кö р'амусьм, Эв э, Ви бьгьрьн».

⁴⁹ Ёнгге Щьһуда незики Иса бу у готе: «Сьлав ль Тэ, дэрсдар!» у р'амуса. ⁵⁰ Иса бир'а гот: «Һөвал, те чь бьки зу бькэ!»* Ве гаве эв пешда һатьн, дэст авитьнэ Иса у Эв гьртьн. ⁵¹ Ньшкева йэки жь эвед кö т'эви Иса бу, р'абу

шуре хwэ к'ышанд ль хöламе сэрэкк'ахин хьст у гöhe wi пэ-канд. ⁵²We гаве Иса wir'a гот: «Шуре хwэ бькэ ши. К'и кö шур хьлтинэ, әwe бь шур һәр'ә. ⁵³Тә т'ьре Әз нькаръм жь Баве Хwэ бьхwазъм wәки пер'а-пер'а донздәһ ордийа зедәтьр мьляак'әт бьгьһинэ Мьн? ⁵⁴Ле ньвисар we чава бенә сери кö дьбежьн, гәрәке һ'әму аһа бьн?»

⁵⁵We гаве Иса ә'лаләтер'а гот: «Те бежи wә сәр qачахәкида гьртийә, кö һун бь дара у шура һатьнә Мьн бьгьрын? Нә Әз һәр р'ож т'әви wә п'арьстгәһеда р'удьныштъм Мьн һун һин дькьрын, ле wә Әз нәдыгьртъм. ⁵⁶Ле әв һ'әму тышт qәwьмин, кö ньвисаред п'ехәмбәра бенә сери». We дәме һ'әму шагьрта Әw һьштьн у р'әвин.

Иса ль бәр щьвина^ф гьрәгьра

(*Марqос 14:53-65; Лука 22:54-55, 63-71; Йух'әнна 18:13-14, 19-24*)

⁵⁷Йед кö Иса гьртьн, Әw бьрьнә щәм Qәйафайе сэрэкк'ахин, ль wi щийе кö qанунзан у р'успи щьвийабун. ⁵⁸Пәтрус жи дурва һ'әта һ'әwша сэрәк-

к'ахин п'е-п'е пәй Wi чу к'әтә һьндөр' у ль нав нобәдара р'уньшт, кö бьзаньбә ахьри we чава бә. ⁵⁹Сәрәкед к'аһина у т'әмамыйа щьвина^ф гьрәгьра жи мьqабьли Иса шә'дәтикә дәрәw дьгәр'ийан кö Wi бькөжьн, ⁶⁰ле нәдитьн. Гәләк шә'дед дәрәw жи һатьн, диса нәдитьн. Паше дө шә'дед дәрәw пешда һатьн ⁶¹у готьн: «Әви гот: «Әз дькаръм п'арьстгәһа Хwәде һьлшиньм у нава се р'ожада диса we чекъм»».

⁶²Сәрәкк'ахин^ф р'абу сәр п'ийа у Wir'a гот: «Бона ван шә'дәтига кö әвана мьqабьли Тә дьдьн Тö чьма шабәке нади?» ⁶³Ле Иса дәнге Хwә нәкьр. Сәрәкк'ахин диса Wir'a гот: «Әз Тә бь Хwәдейе сах дьдьмә сонде. Мәр'а бежә, Тö йи Мәсих, Көр'е Хwәде?» ⁶⁴Иса готә wi: «Тә бь дәве хwә гот. Ле Әз wәр'а дьбежъм,

жь вьр шунда һуне Көр'е Мерьвль к'еләка^ф Йе һәри Зор,

ль мьле Wийи р'асте р'уньшти

у ль сәр ә'wред ә'змен те бьбиньн»*.

* 26:50 Аһа жи те фә'мкьрьне: «Һәвал, тö бона чь һати?»

* 26:64 Зәбуp 110:1; Данийел 7:13.

⁶⁵ Ынге сэрэкс'аһин к'ын-
шед хвэ қалаштын у гот: «Эва
Хвэде бехөрмэт дькэ! Иди
шэ'дэ чи мэр'а нэ? Ва вэ бь-
нист Эви чава Хвэде бехөрмэт
кыр! ⁶⁶ Вэва чава хойа дькэ?»
Вана жи ле вэгэр'анд у готын:
«Вир'а коштын дьк'эвэ».

⁶⁷ Ве гаве т'уйи р'уйе Ви
кырын, бь к'олма лехытын,
һынака жи шэмақ ле дыдан ⁶⁸ у
дыготыне: «Мэсих, п'ехэмбэр-
тийе мэр'а бькэ, к'а к'и бу кө
Тэ хьст?»

Пэтрис Иса инк'ар дькэ

(*Марқос 14:66-72; Лука 22:56-62;*
Йуһ'анна 18:15-18, 25-27)

⁶⁹ Ви чахи Пэтрис дэрва ль
һ'эвшеда р'уныштыбу. Щарик
һатэ шэм ви у готе: «Тө жи
т'эви Исайте Щэлиле буйи».
⁷⁰ Ле эви ль бэр һ'эмуйа ин-
к'ар кыр у гот: «Эз нызаньм тө
чь дьбежи».

⁷¹ Чахе эв чу бэр дэргәһ,
йэкэ дьн эв дит у готэ эвед
кө ль вьр бун: «Эве һан жи
т'эви Исайте Ньсрәте бу». ⁷² Эви
диса бь сонд инк'ар кыр гот:
«Эз ви мэр'ви нас накьм».
⁷³ Хеләке шунда эвед кө ль
вьр бун чунэ шэм Пэтрис у

готыне: «Һэбэ-т'өнэбэ тө жи
жь ван и, чьмки хэбэрдана
тэ тө дьфьрошэ». ⁷⁴ Ынге эви
ньфьр' хвэ кыр, сонд хвар у
гот: «Эз ви мэр'ви нас накьм».

Ве гаве дик банг да ⁷⁵ у Пэт-
рус эв готына Иса ани бира
хвэ кө вир'а готыбу: «Бэри
бангдана дик, те се щара Мьн
инк'ар ки». Дэрк'этэ дэрва у
к'элэ-к'эл гьрийа.

Иса дьбынэ бэр Пилато^Ф

(*Марқос 15:1; Лука 23:1-2;*
Йуһ'анна 18:28-32)

27

¹ Гава сьбәһ сафи бу,
т'эмамия сэрәкед к'а-
һина у р'успийед шьмәте ль һөв
шевьрин кө Иса чава бьдһнэ
көштыне. ² Эв гьредан, бьрын
данэ дәсте Пилатойе^Ф вәли.

Ахьрийа Щьһуда

(*К'аред Шандийа 1:18-19*)

³ Ынге Щьһудайе кө нә-
мамия Ви кыр, дит кө Иса
һатэ нәһәқкырыне, п'ошман
бу, эв си зив вэгэр'андэ сә-
рәкед к'аһина у р'успийа ⁴ у
гот: «Мьн гөнэ кыр. Эз бумә
сәбәбе хуна бесущ». Вана
жи готэ ви: «Чи мэр'а нэ? Тө
зани». ⁵ Эви жи эв зив ави-

тгнэ нав п'арьстгэһе, дэрк'эт чу хвэ хэньганд.

⁶Сэрэкед к'аһина зив һылдан у готын: «Нэ р'аст э кө эм ван бькынэ нав хьзна п'арьстгэһе, чьмки эв һэге хуне йэ». ⁷Һнге эв ль һэв шевьрин у бь ван зива Э'рде Ахинкэр к'ьр'ин, бона т'ьрбед хэриба. ⁸Лэма эв э'рд һ'эта иро жи «Э'рде Хуне» те готыне. ⁹Һнге эв готына бь заре Йерэмия п'ехэмбэр һатэ сери: «Си зив қимэт дан, вэкэ ви қимэте кө һьнэкэ жь зар'ед Израеле қайл бун ¹⁰у эв данэ Э'рде Ахинкэр, чава кө Ходан мьнр'а э'мьр кьр»*.

Пьрса Пилато

(Марқос 15:2-5; Луқа 23:3-5;
Йуһ'анна 18:33-38)

¹¹Иса бэр вэли сэкьни, вэли жь Ви пьрси у гот: «Тө йи п'адше шьһуйа?» Иса бир'а гот: «Тэ бь дэве хвэ гот». ¹²Ле чахе сэрэкед к'аһина у р'успийа давитьнэ Ви, Эви қэт шаба кэсэки нэда. ¹³Һнге Пилато Вир'а гот: «Тө набьһеи чьқас шькийате^ф Тэ дькьн?» ¹⁴Эви диса шаба кэсэки нэда, һ'эта вэли жи шаш ма.

Диванеда һ'өкөме көштыне ль сэр Иса дэрдьхьн

(Марқос 15:6-15; Луқа 23:13-25;
Йуһ'анна 18:39-19:16)

¹⁵Э'дэте вэли бу кө ль щэ-жьнеда бь хвэстына э'лалэте гьртик ванр'а бэр'да. ¹⁶Һнге гьртики вани к'ьфш һэбу, кө наве ви Барабас бу. ¹⁷Гава кө эвана щьвийан, Пилато вана-р'а гот: «Һун к'ижани дьхвэзын кө эз бона вэ бэр'дым, Барабас йан Исайе кө Мэсиһ те готыне?» ¹⁸Эви заньбу кө жь дэст һ'эв-судийе Иса дабунэ дэсте ви.

¹⁹Гава эв ль һэрэма диване р'уньштыбу, к'өлфэта ви шабшанд у гот: «К'аре тэ эви Бесуц нэк'этийэ, чьмки ве шэва дэрбазбуйи хэвнеда бона Ви гэлэк тышт сэр мьнр'а дэрбаз бун». ²⁰Ле сэрэкед к'аһина у р'успийа э'лалэт р'ази кьр, кө Барабас бьхвэзын у Иса онда кьн. ²¹Вэли диса ванар'а гот: «Һун жь ван һэр дөйа к'ижани дьхвэзын кө эз вэр'а бэр'дым?» Вана жи гот: «Барабас!» ²²Пилато ванар'а гот: «Ле эз Исайе кө Мэсиһ жер'а дьбежьн чава бькьм?» Һ'эмуйа жи гот: «Бьра

* 27:10 Зэкэрийа 11:12-13; Йерэмия 32:6-9.

бе хачкьрьне!»²³ Вэли гот: «Ле Эви чь хьраби кьрийэ?» Ёнгге вана не кьрэ қир'ин у готын: «Бьра бе хачкьрьне!»

²⁴ Пилато жи дит, вэки тыштэк к'аре надэ, ле не шэр' у дэ'w дэстпедьбэ, ав һьлда ль бэр э'лалэте дэстед хвэ шуштын у гот: «Эз жь хуна Ви бесуш ьм. Ёун хвэха бьньһер'ьн».

²⁵ У т'эмамия шьмэ'те шаба ви да у гот: «Бьра хуна Ви ль сэр мэ у ль сэр зар'ед мэ бэ!»

²⁶ Ёнгге Пилато Барабас вана нар'а бэр'да, ле Иса да бэр қамчийа у да дэсте ван кэ бе хачкьрьне.

Эскэр қәрфе хвэ ль Иса дькьн
(Марқос 15:16-20; Йух'анна 19:2-3)

²⁷ Ёнгге эскэред вэли Иса бьрьнэ һьндөр'е қэсьре у т'эмамия р'эфа эскэра сэр Ви шьвийа.²⁸ К'ьнше Ви же ехьстын у чөхэки соре гөвэз ле кьрын.

²⁹ Паше т'ашэк жь стьрийа вэ-гьртын данэ сэре Ви у қамишэк жи данэ дэсте Вийи р'асте. Ёнгге бэр Ви чок дан, қәрфе хвэ пе кьрын у готын: «Хвэш

бэ, П'адше Щьһуда!»³⁰ Т'уйи Ви кьрын, қамиш һьлдан сэре Ви хьстын.³¹ Пэй қәрфкьрьнер'а чөхе сор жь Ви ехьстын у к'ьнше Ви лекьрын у данэ пешийа хвэ бьрын кэ Ви хач кьн.

Хачкьрьна Иса

(Марқос 15:21-32; Лука 23:26-43; Йух'анна 19:17-27)

³² Чахе эw дэрк'этьнэ дэрва, эскэра йэки курени дит кэ наве ви Шьмһ'ун бу, п'ейи сэр ви кьрын кэ хаче Ви һьлдэ.³³ Эвана гьһиштьнэ ви шийе кэ жер'а Голгота дьготын, кэ те фэ'мкьрьне: «Шийе Қафа».³⁴ Шэрава зьрав т'эвкьри дане кэ вөхвэ. Ле чахе Эви тэ'м кьр, нөхвэст вөхвэ.

³⁵ Эw хач кьрын, сэр к'ьнше Ви п'эшк авитын у ль нав хвэда бэла кьрын*.³⁶ Паше we дэре р'уныштын у нобэдари ль Ви кьрын.³⁷ Нөһөдийа Ви ньвисин данин феза сэре Ви: «ЭВ ИСА, П'АДШЕ ЩЬЬУЙА ЙЭ».

³⁸ Ёнгге дө қачах жи т'эви Ви һатьнэ хачкьрьне, йэк мь-ле р'асте у йе дьн мьле ч'эпе.

* 27:35 Нав дэстньвисаред пашвөхтийеда эв жи һэйэ: «Кэ готьна п'е-хэмбэр бе сери: «К'ьншед Мьн ль нав һөвда бэла кьрын у сэр чөхе Мьн п'эшк авитын» (Зэбур 22:18).

³⁹Эвед кӧ вьрр'а дьчун-дьхатын Эв бейӧрмэт дькьрын, сәре хвә дьһ'эжандын ⁴⁰у дьготьне: «Нә Тәйе п'арьстгәһ һьлшанда у се р'ожада чекьра? Дә Хвә хьлаз кә, һәгәр Тӧ Кӧр'е Хвәде йи! Жь хач вәрә хваре!» ⁴¹Ӧса жи сәрәкед к'аһина, қанунзана у р'успийа т'эвайи қәрфе хвә Ви дькьрын у дьготьн: ⁴²«Хәлқ хьлаз кьр, ле Хвә нькарә хьлаз кә! Эв нинә П'адше Исраеле? Дә бьра ньһа жь хач бе хваре у әме бавәрийа хвә Ви биньн. ⁴³Гӧмана Хвә дани сәр Хвәде, дә бьра ньһа Ви хьлаз кә, һәгәр Хвәде жь Ви р'азийә, чьмки гот: «Эз Кӧр'е Хвәде мә»». ⁴⁴Қахәд кӧ т'эви Ви һатынә хачкьрыне, вана жи ӧса тә'н ль Ви дьхьстьн.

Мьрына Иса

(Марқос 15:33-41; Лука 23:44-49;
Йуһ'анна 19:28-30)

⁴⁵Нивро жь сьһ'эта донздәһа һ'эта сьһ'эта сьсийа т'эмамия ә'рде бу тә'ри. ⁴⁶Незики сьһ'эта сьсийа Иса бь дәнгәки бьльнд кьрә қир'ин у гот: «Ели, Ели, лама сабахтани?» кӧ те фә'мкьрыне: «Хвәдейе Мьн, Хвәдейе

Мьн, Тә чьма Эз һьштъм?»* ⁴⁷Эве кӧ незик сәкьнибун, гава әв хәбәр бьһистьн, готьн: «Эв гази Елийас дькә». ⁴⁸Йәк жь ван бь ләз бәзи, луфька^ф бә'ре һьлда сьркеда кьр, ль сәр қамишәкива дани у да Ви кӧ вәхвә. ⁴⁹Ле һьнәкед дьн готьн: «Бьсәкьнә. Әм бьбиньн, к'а Елийасе бе Ви хьлаз кә?»

⁵⁰Иса диса бь дәнгәки бьльнд кьрә гази у р'ӧһ'е Хвә да.

⁵¹Һәма һьнге п'әр'да п'арьстгәһе жь сери һ'эта бьни қәльши, бу дӧ тиша^ф. Ә'рд һ'әжийа, кәвьр қәльшин, ⁵²т'ьрб вәбун у гәләк мьрийед бӧһӧрти р'абун. ⁵³Эв жь т'ьрба дәрк'әтьн пәй р'абуна Исар'а, чунә Бажаре Пироз у гәләка әв дитьн.

⁵⁴Чахе сәрсәд у әвед кӧ т'эви ви нобәдарийа Иса дькьрын, ә'рдһ'әж у әв һ'әму тыште қәвьми дитьн, р'ьсәсе әв гьртьн у готьн: «Р'асти жи Эва Кӧр'е Хвәде бу!»

⁵⁵Ль we дәре гәләк к'ӧлфәт жи һәбун, кӧ дурва дьньһер'ин. Эв жь Щәлиле ль пәй Иса һатьбун, бәрдәсти Вир'а кьрьбун. ⁵⁶Мәрийәма Мәждәлани, Мәрийәма дийа Ақуб у Усьв^ф у

* 27:46 Зәбур 22:1.

дийа һәр дө көр'ед Зэбэди ль нав ванда бун.

Дэфьнкьрына Иса

(Марқос 15:42-47; Луқа

23:50-56; Йух'анна 19:38-42)

⁵⁷ Бәре еваре мәрвәки дәвләти жь Аримәтйәе һат, кә навә ви Усвь^ф бу. Әв жи йәкжь шагьртед Иса бу. ⁵⁸ Әв чу щәм Пилато у щьнйазе Иса жь ви хвәст. Ве гаве Пилато ә'мьр кьр кә щьнйаз бе дайине. ⁵⁹ Усвь щьнйаз һлда, қәдәке к'ьтаныйи пақьжда к'әфән^ф кьр ⁶⁰ у дани нав т'ьрба* хвәйә ну кә қәйеда к'олабу. Паше әви кәвьрәки мәзьн холи бәр дәре т'ьрбе кьр у чу. ⁶¹ Мәрийәма Мәждәлани у Мәрийәма дьн ль we дәре бун у пешбәри т'ьрбе р'уньшт'ьбун.

Нобәдаред т'ьрбе

⁶² Р'ожа дьн кә пәй р'ожа^ф т'ьвдарәккьрыне* бу, сәрәкед к'аһина у ферьсийа ль щәм Пилато щьвийан ⁶³ у готьн: «Әм хөлам, те бира мә, кә Әви

дәрәвин сахтийа Хвәда готьбу: «Әзе р'ожа сьсийа жь мьрьне р'абьм». ⁶⁴ Ньһа ә'мьр кә кә һ'әта р'ожа сьсийа мьқати т'ьрбе бьн, нәбә кә шагьртед Ви бен Ви бьдзььн у щьмә'тер'а бежьн: «Әв жь мьрьне р'абуйә». Иди хальфандьна пашийе жь йа пешийе хьрабтьр бә». ⁶⁵ Пилато ванр'а гот: «Ва нә вәр'а әскәред нобәдар. Һәр'ьн чава кә һун заньн өса жи мьқати т'ьрбе бьн». ⁶⁶ Әв жи чун мьқати т'ьрбе бун, кәвьр мор кьрын у әскәред нобәдар ль бәр данин.

Иса жь мьрьне р'адьбә

(Марқос 16:1-8; Луқа 24:1-12;

Йух'анна 20:1-10)

28 ¹ Пәй шәмийер'а, р'ожа йәкшәме* сәре сьбәһе зу Мәрийәма Мәждәлани у Мәрийәма дьн һатьн кә т'ьрбе бьбиньн. ² Ньшкева әрд қайим һ'әжийа, чьмки мьляк'әтәки Хөдан жь ә'змен һатә хваре, кәвьр жь бәр т'ьрбе веда кьр у сәр р'уньшт. ³ Диндара ви мина

* ^{27:60} Т'ьрба Иса мьхарәк бу. Щьһуйа һьнге дәсте к'ева бьһата мьрийед хвә дькьрынә мьхара. Әв йан шкәфт бун йан жи қәйада дьк'олан.

* ^{27:62} «Р'ожа т'ьвдарәккьрыне» р'ожа инийе бу.

* ^{28:1} Бь йунани хәбәр бь хәбәр аһа йә: «Р'ожа һ'әфтийейә пешьн», чьмки бона щьһуйа, р'ожа һ'әфтийейә пешьн йәкшәм бу, аһа готи «лә'д».

бъруске бу у к'ынше ви мина бәрфе сьпи бун. ⁴ Нобәдар жь тьрса ви т'эвиһәв бун у бунә мина мьрийа. ⁵ Мьлийак'эт ван к'өлфәтар'а гот: «Нәтьрсын! Эз заньм һунль Ви Исайи дьгәр'ын, Йе кө һатә хачкьрьне. ⁶ Әв нә ль вьр ә, чьмки Әв жь мьрьне р'абуйә, чава кө Әви готьбу. Вәр'ын ви шийе кө Әв* п'алдайи бу бьбиньн. ⁷ Зу һәр'ын бежнә шагьртед Ви: «Әв жь мьрьне р'абуйә у Әве бәри вә һәр'ә Щәлиле. Ль вьр һуне Ви бьбиньн». Ва йә мьн вәр'а гот».

⁸ Әв бьхоф у әшқәкә мэзын лэз жь т'ьрбе дәрк'этын у лэзандьн кө шагьртар'а бежн. ⁹ Ньшкева Иса р'асти ван һат у гот: «Сьлав ль вә!» Әвана незики Ви бун, хвә авитьнә ньгед Ви гьрт'ын у сәре хвә бәр данин. ¹⁰ Ынге Иса ванар'а гот: «Нәтьрсын! һәр'ын бежнә бьред Мьн, кө әв һәр'ынә Щәлиле уль вьр ве Мьн бьбиньн».

Нобәдар тенә р'өшәткьрьне^Ф

¹¹ Чахе кө к'өлфәт чун, һнәк жь нобәдара һатнә бажер у тьштед кө қәвьмибун сәрәкед к'аһинар'а готын. ¹² Сәрәкед к'а-

һина т'эви р'успийа шьвийан у шешьрин. Паше вана гәләк п'әрә данә нобәдара ¹³ у готын: «Бежн: <Чахе әм хәведа бун, шагьртед Ви һатын Әв дьзин>. ¹⁴ У һәгәр әв тьшт бьгьһижә гөһе вәли, әме ви р'ази кьн у вә бехәм кьн». ¹⁵ Вана жи п'әрә һьлдан у өса кьрын, чава кө һатьбунә һинкьрьне. У әв готын ль нав шьһуйада һ'әта р'ожа иро бәла буйә.

Иса Хвә нишани шагьртед Хвә дькә

(Марқос 16:14-18; Лука 24:36-49;

Йуһ'әнна 20:19-23;

К'аред Шандийа 1:6-8)

¹⁶ Һәр йанздәһ шагьрт жи чунә Щәлиле ви ч'ийайе кө Иса ванр'а готьбу. ¹⁷ Гава кө дитьн, сәре хвә бәр Ви данин, ле һнәк жи дөдьли бун. ¹⁸ Иса незики ван бу, ванр'а хәбәр да у гот: «Һ'әму һ'өкөме әрд у ә'з-мен Мьнр'а һатә дайине. ¹⁹ Ньһа һәр'ын һ'әму мьләта һин кьн у вана бь наве Бав, Көр' у Р'өһ'е^Ф Пироз бьньхөминьн^Ф ²⁰ у ван һ'әму т'әмийед кө Мьн данә вә мьләта һин кьн, вәки әв хвәй кьн. Эз ва ирода һәр т'ьм һ'әта ахьрийа дьнйайе т'эви вә мә!»

^{28:6} Нав һнәк дәстньвисарада «Хөдан» һәйә.